

1

Historiæ
IESV CHRISTI
FILII DEI NATI IN
TERRA MATRE SANCTISS.
semperuirgine Maria summatim re-
lata expositio :

ITEMQVE EORVM QVÆ
DE APOSTOLIS IESV CHRI-
sti singulatim commemorari posse recte &
utiliter visa sunt , autore

Ioachimo Camerario.



I 5

8 I

ADDITIS ALIIS QVIBVS-
DAM NON INDIGNIS PIE-
tatis religiosæ studio.

CVM PRIVILEGIO.

1741 1742 1743 1744 1745 1746 1747 1748 1749 1750

1751 1752 1753 1754 1755 1756 1757 1758 1759 1760

1761 1762 1763 1764 1765 1766 1767 1768 1769 1770

1771 1772 1773 1774 1775 1776 1777 1778 1779 1780

1781 1782 1783 1784 1785 1786 1787 1788 1789 1790

1791 1792 1793 1794 1795 1796 1797 1798 1799 1800

1801 1802 1803 1804 1805 1806 1807 1808 1809 1810

1811 1812 1813 1814 1815 1816 1817 1818 1819 1820

1821 1822 1823 1824 1825 1826 1827 1828 1829 1830

ILLVSTRISSIMO
PRINCIPI AC DOMINO,
DOMINO IOACHIMO FRI-
DERICO, illustriss. princ. ac Domini
Domini Iohannis Georgij F. Mar-
chioni Brandenburgensi, &c. Do-
mino suo clementiss.

Ioachimus Camerarius
Pabepergensis
S. D.

QUOD SAPIENTVM VETE-
rum affirmatione, rerum prateri-
tarum cognitionem non modo volupta-
tem habere, sed asserere etiam utilitatem,
persuasum mihi esset, ideo ego, qui ijs stu-
dijs, quibus bonarum artium nomen est,
operam dandam putassem, in historia-
rum quoque lectionem atque tractatum du-
xi incumbendum. Non est autem aliena
res honesta delectatio, & uberrimi pul-
cerrimique fructus existimandi sunt libera-
lis scientiae, quae tamen sine exemplorum
appositione ieiunior ac inanior esse solet.
Quapropter Gregorius Nassansenus (quē

eximio nomine Græci Theologum appella-
 tarunt) breuiter ille quidem sed perquam
 eleganter, in quodam versu isopileu sup-
 περω σφίλω vocauit: Quod in hac par-
 te eruditionis atq; doctrina, vniuersa sa-
 pientia plena confertaq; inesset. Atq; legi
 non oscitanter Græca Latinaq; scripta hi-
 storica, quæ ad nos propagata fuisse, de
 rebus negotijsq; susceptis ac gestis ab illis
 hominibus, & in ijs gentibus, à quibus &
 apud quas imperia quidem maxima vir-
 tute belli constituta, & ciuili prudentia
 vitæ humanæ cultus ordinatus fuit, in
 ignorantia tamen veritatis celestis, &
 falsarum religionum usurpatione. Proce-
 dente autem ætate, attentius, vt sit, co-
 gitans: Quid & iucundum inprimis esse
 deberet, & profuturum maximè videre-
 tur, facile animaduerti utrunq; eo potis-
 simum contineri, in quo hominis Christia-
 ni professio versaretur. Ea est profecto co-
 gnitio illustris rerum diuinarum, quam
 historie congruentis copia non modo au-
 geri, sed cum personarum tum euentuum
 consideratione explicari declarando con-
 stat.

stat. Itaque exposita ijs libris, qui sacra scriptura nomine celebrantur, ante omnia diligenter pellegenda esse statui, & commentatione eorum ea colligenda, quibus religiosa pietatis quasi facultas quaedam instrueretur. Et ad hac ipsa pertinentem aliorum quoque scriptorum veluti apparatus duxi adiungendum, ut ad cognitionem laudabilem studium integrum atque plenum conferretur. In quo genere nactus aliquando libellum Graecum praferentem nomen Nicephori & comprehendentem notata tempora inque seriem annorum distributa ab origine mundi ad auctoris usque aetatem (γεωλογίας Graeci vocant) illum & explanari & narrationibus convenientibus locupletari studuimus. Qui si iterum aliquanto emendatior & auctior prodibit, sicuti spero, expressus, fortasse legentibus aliquid factum esse, quod opera precium sit, apparebit. Interea & tradita atque perscripta de autore salutis & conciliatore vitae beatae in consuetudine celesti, Domino nostro Iesu Christo filio Dei aeterni.

legens meditari magis assidue oculisq; a-
nimi intentioribus contemplari, & ea,
qua de Apostolis ipsius duodecim illis viris
delectis à Iesu Christo, & dimissis in uni-
uersum orbem terrarum ad præconium
regni cælorum & predicationem de Eu-
angelio mandata literis extarent, per-
quirere & dispicere cœpi. Cum autem de
his narrationes vulgatas multis in parti-
buss labascere animaduertērem, & in hi-
storia de Iesu Christo nonnulla considera-
tionem diligentiaē admittere cernerem:
Ita tum quæ legendo scripta veterum in
Ecclesia Christi doctrina & sanctitate
præstantium Græcorum præsertim, ad ex-
planandum quadam illustrandumq; ex-
cerpseram, ea perscribendo in historia E-
uangelicæ seriem de Iesu Christo, pia reli-
giosaq; cautione inserui. De Apostolis ve-
rò (alia, quæ passim haberentur in ma-
nibus plane negligens) singulis ea com-
posui, quæ neg, nugatoria neg, periculosa
lectu visa sunt. Et notavi interim pauca
quadam partim audacia imperitorū, par-
tim superstitionum peruersitate incul-
cata:

cata: Quæ propter errorem quî incre-
 buere, perniciosam fœditatem dissimulan-
 da nullo modo essent. Hæc sane intellige-
 bam in alios aliorum sermones incur su-
 ra, neg. reprehensione adeo quorundam
 caritura esse. Quorum aures adeo sunt
 delicate, ut nihil nisi ipsis veluti blandi-
 ens velint admittere. Atq. non fuisse me
 delectatum istiusmodi disputationib. vel
 hoc potest esse indicio, quod illas breues
 esse studui, tanquam necessitate huc de-
 latus non prouectus cupiditate. Res enim
 insanabiles (quemadmodû his ferme ver-
 bis grauis. autor Plato scripsit) quæ ad
 vitia longissime processerunt, increpare,
 minime est iacundum, sed interdû tamen
 necessarium. Nam quod ad iudicia diuer-
 sa attinet, quid fieri soleat, vel id osten-
 dit, quod tanquam prouerbiū iam tri-
 tum est: Tres mihi conuiua. Huius scili-
 cet incōmodi fuga hæc erat, ut nihil om-
 nino aliquis quod in lucem proferretur,
 scriberet. Sic enim & labore compositio-
 nis supersederet ipse, neg. pabulum male-
 uolis à se præberet, quo aleretur cupiditas

obtrectandi illorum. Atq; ego adolescens
 ijs temporibus laude eruditæ doctrinæ in-
 primis celebrem senem (quem nominan-
 dum tali in mentione non putavi) ad in-
 terrogationem amicorum: Cur non ali-
 quid ipse quoq; componeret atque ederet,
 qui id multo melius quam pleriq; alij fa-
 cere posset: Eum igitur respondentem
 audiuisse me recordor: Eo hoc à se inter-
 mitti, quod aliorum stulticia frui ipse
 mallet. Hoc mihi non tunc quidem sed
 postea cogitanti dictum inhumanius vi-
 sum est: Ac multo præclarius præcepis-
 se arbitratus sum Theognidem, qui Mu-
 sarum cultores (id est deditos bonarum
 artium liberalibus studijs, & eruditæ
 doctrinæ amatores) non oportere ait in-
 genij sui fæturam & copiam scientiæ
 alijs inuidere, sed cum ipsos quadam ve-
 stigare atque anquirere, tum inuenta
 exhibere atq; proferre. Quos versus ele-
 gantissimos ascribendos putavi:

χρὲ μυσῶν θεράποντα καὶ ἄγελον, εἴ τι πε-
 ριστὸν

εἰδὲν σοφίης μὴ φθονερὸν τελέθην.

ἀλλὰ

ἀλλὰ τὰ μὲν μῶοται, τὰ δὲ δεικνύουσι, ἄλλα
δὲ ποιεῖν.

τί σφιν χρήσεται μὲν ὁ Ἰησοῦς;

Atq; est aliorum alia sapientia, neq; eadem præclara ac magnificiunda videntur uniuersis. Pertinere tamen ad laudem sapientiæ aliquam, literarum & eius doctrinæ facultatem, qua animi hominum expoliuntur, & ad rerum diligentiorē considerationem, & orationis disertioris vsum conformantur, statuendū est. In eam cum à puero operam dedecrim, nihil scilicet profecisse meum dedecus, & fateri mihi profecto turpe sit. Verum enimvero, qualecunq; est, quod in isto genere laboribus vigilijsq; meus sum consecutus, id vel solum vel certè ante omnia feruire debet earum rerum tractationi, sine quarum noticia nulla spes concipi potest salutis certæ & stabilis felicitatis. Hæc est doctrina celestis veritatis, cuius unicus interpres est filius Dei, qui illam protulit è sinu patris Dei æterni, & suo peculiari cætui tradidit atq; commisit custodiendam & exercendam: Quæ

est Ecclesia Dei aeterni omnibus tempo-
 ribus & locis καθολικὴ καὶ ὀρθόδοξος, id
 est, generalis in recta sententia fidem
 Iesu Christi sequentium congregatio, in
 qua voluit diuina benignitas patefacta à
 se ad veram sui venerationem & salu-
 tem generis humani, extare mandata
 scriptis Prophetis & Apostolicis. Hæc
 ea sunt, quæ Canonica appellantur, quo-
 rum esse ignorantem eum, qui sese Chri-
 stianum perhiberi cupiat, non est feren-
 dum. In illis autem commentatione me-
 ditationeq; exquisitior colendis tanquã
 opera in agro Dei aeterni facientes, alijs
 nimiram alijs præclarius fructuosiusq; e-
 laborant, sed omnino vnumquemq; reli-
 giosæ pietatis studium suo loco & pro par-
 te sua nauare decet, ne in negotijs Do-
 mini sui ociosus atque deses reperiatur.
 Quod autem attinet ad ea, quæ elucen-
 te veritate, aliter quam consuetudo fert
 multorum sane retro annorum, & refer-
 ri & enarrari, & edisseri iam necesse
 est, ab ijs, qui falsitatem manifestam
 deuitare, & consentaneam esse cum ex-
 positio-

DEDICATORIA.

positionem tum explicationem, neque fabulis atque nugis commemorandis ludere in tanto argumento voluerint: sane oratione proluxa verbosâq; opus esset causam hanc acturo. Sed ista cum mihi disputando exequi non libeat tum neque opportunum sit futurum. Qui autem tam sunt, vel in pertinacia improbi, vel in scittia superstitiosi, vel quacunque opinione adeo dementes, ut maledicendo, obtrectando, conuicia probrâq; ingerendo, atque adeo vim, si valeant, asserendo, si quid dicitur aut sit contrarium rationibus & actionibus ipsorum, ita vitia regi occultariq; oïrores & suum veluti adificium iampridem impulsam & ad ruinam procliue fulciri posse sperant: Quid cum illis agas aliud? quam ut, quod incommodum admoniti cauere, & quæ demonstrata damna auertere nolunt, ea perpetiundo experiri ipsos patiaris, cum communi quidem illos perniciæ, sed proprio maxime exitio. Habent catholicum nomen plerique in ore, & iam exoriuntur, qui catholici sumus.

tismum quasi sectam aliquam appellando
 inculcent, et inde recedentes dare causas
 miseriae & calamitatibus vociferentur,
 & inuidiosissima mentione Luteranismi
 crimen his aut illis inferant. Assentantur
 illi quidem aliquibus, quos ita veluti ti-
 tillant. Sed quo euadere talia possint pru-
 dentioribus erat cogitandum, si Remp.
 & in hac sese saluos esse vellent. Catho-
 licæ Ecclesiæ membra qui non sunt, eos non
 esse Christianos constat. Et veteres ca-
 tholicam Ecclesiam ὁρθόδοξον nomine or-
 nauerunt. Nam sanctam hanc & sin-
 ceram ac puram doctrinam custodem esse opor-
 tet. Nihil est opus declamitare, quid ab
 hoc illoue fiat aut instituatur. Id agatur
 atque perficiatur ut catholica καὶ ὁρθόδοξου
 Ecclesiæ doctrina nota sit ac teneatur, &
 secundum hanc mores emendentur, &
 corrigatur vita, ritus etiam ceremoniarum
 congruentes usurpentur. Hoc gene-
 raliter illud quidem vere dicitur, sed
 quam multi quam saepe, ut fieret, frustra
 monuerunt? Ne autem sine effectu res
 verbis tantum quasi ventilaretur, opus
 erat

erat vel Dei ipsius, vel diuini hominis vo-
 ce compellante aliquos nominatim, &
 iubente fungi singulos officio ac munere
 suo. Quamuis enim mandata Dei æterni
 sint in medio, & humana etiam potentia,
 quid suscipi tandem geriq; cupiat, indies
 minus dissimulet, adhuc tamen, quia com-
 munitè quid agatur præsteturq; præcipi
 postulariq; creditur, eo singuli tergiuer-
 santur atq; cessat operis executio, spectan-
 te uno alterum, aut in turba etiam minus
 unoquoque tam erubescere quam metu-
 ente. Restat hoc scilicet, ut liceat sibi ipsi
 salutaria aliquem subijcere, & communi-
 ter deplorando querelas aliorum quoque
 attentionem commouere, ut saltem pri-
 uatim nonnullis subueniatur, si de publica
 medicina fortasse desperetur. Est autem
 nocentissima res in hominum vita assen-
 tatio, & in unoquoq; periculi pleniss. cum,
 quæ arrident, ea commendari gaudemus,
 & improbari contraria audimus liben-
 ter, non hoc agentes, ut errores & pecca-
 ta corrigantur, sed cupiditatibus prauis
 ut inueniantur adminicula. Verum lon-
 gius

gius excurrent hac in parte oratio, quasi
 in girum propositi argumenti reducenda
 est. De ijs igitur quæ ab homine Christia-
 no utiliter & recte cogitari scirem, reli-
 giosa pietatis studio perscribi etiam ali-
 quid, & perscriptum communicari cum
 alijs culpandum esse non putavi. Cum qui-
 dem sperarem bonorū iudicio sententiāq;
 id ipsum approbatum iri: Quos & notare
 & emendare mea æquiss. animo laturus,
 & proferentibus meliora gratias acturus
 sum. Non est autem obscurum omnibus
 temporibus veritatem quasi infuscatam
 fuisse, non modo scriptoribus falsitatem
 suarum atatum vsitatam ijs libris quos
 ipsi componerent, celebrantibus, sed cor-
 rumpentibus priorum quoq; scripta, inse-
 rendo commenta opinionum suarum, qui-
 bus illa augeri studerent. Quapropter se-
 uera Ecclesiasticæ animadversionis sen-
 tentia, etiam prisca quadam scripta repu-
 diata fuere, non ut tota mala aut falsa
 autorē me mentientia, sed ut inculcatis
 alienis sententijs deprauata, & eo etiam
 deteriora, quo magis autoritatis suæ fide
 officere

officere possent veritati. Idq̃ de Enochī
 libro usu venisse scripsit Aurelius Augu-
 stinus, & idem de alijs compluribus, quæ
 apocrypha vocarunt, existimandum est.
 Sed narrationes posteriorum eò reperias
 mendosiores, quo longius studia à sine-
 ra veritatis doctrina abscesserunt, &
 barbaria latius orbem terrarum est per-
 uagata, donec ad ridiculas futilium scri-
 ptionum nugas res euasit. Hoc si cui non-
 dum perspectum est, is ea, quæ ante annos
 circiter quingentos edita sunt recogno-
 scat. Ex his enim, quanquam prima quæq̃
 non modico interuallo ab integritate an-
 tiquitatis incorrupta abesse cernet, poste-
 riora tamen gradatim descendere ad va-
 nitatem videbit, donec cōperiat tandem
 ad mendaciorum impudentiam plapsio-
 nem incitatam. Loquor autem de ijs, qui
 neq̃ amentes & veritatis amantes sunt.
 Nam ceteri aut instar noctuarū in clara
 luce oculis, aut tanquam in Tragædijs fu-
 rentes mente capti, nihil discernere aut
 distinguere solent. Sane credo fuisse con-
 siliū aliquorum non malum omnibus
 modis

*modis exornandi & celebrandi religionē
 Christianam. In qua parte etiam docti at-
 que eruditi veteres scriptores Ecclesiasti-
 ci figuris tam verborum quam sententia-
 rum usurpandis, non cauerunt ne simpli-
 cibus aberrandi ad falsas opiniones fuisse
 auctores viderentur. Vt nimis autem sum-
 tuose & splendide exornatae mulieres su-
 spicionibus occasionem dant, quod minus
 diligentes custodes sint pudicitiae, &
 quamuis flagitium facere eas non constet,
 cogitatione tamen multorum violantur :
 Sic istud studium amplificandi historias
 & mirificis narrationib. conciliandi me-
 liorem aliquibus existimationem sapien-
 tia, virtutis, sanctitatis, de veritatis fide
 detrahere aliquid solet, & reddere totam
 saepe expositionem suspectam. Mutatae fa-
 bulae poëticae nominibus, & alienis perso-
 nis actae quoties deprehenduntur? Vt ex
 Perseo volatico, eques Georgius factus,
 ex Oedipo Thebano nescio quis supra sa-
 xum collocatus Gregorius. Et alia magis
 ridicula ad puerorum & mulierum atq;
 omnino imperiti vulgi animos vel terren-
 dos vel*

dos vel consolandos conficta. Quos quasi
 fucos & quem veluci mundum à castitate
 & pudicitia sponsa filij Dei prorsus remo-
 ueri decet. Nicephorus undecunque sane
 acceptum, non enim ipsum confinxisse pu-
 to, ex epigrammatis cuiusdam Lemmate
 horribilem exitum filia Herodiados com-
 memorat. Sane atrocium scelerum esse
 supplicia atrocia secundum iusticiæ diui-
 na sententiam, necesse est, cum misericor-
 dia tamen in ijs, quos delictorum pœnitet,
 mitigare hæc, ac ne exequi quidem sæpe
 numero consueuerit. Sed nescio quo pacto
 tales narrationes ansam dant dissidentia
 & dubitationis de alijs quoq;. Quas tra-
 gœdias excitarunt ostentatores cum alia-
 rum rerum sacrarum proclamationibus
 ipsorū, tum imaginis Christi in cuiuspiam
 Beronices velo expresse. Sed nolo exagi-
 tare miseriam nostram. Nostrum autem
 esse duco, quicquid ad sanctam Ecclesi-
 am, & nomen Christianum pertinet. Atq;
 utinam ista omnia possent perpetuo silen-
 tio penitus obrui. Id quod quidam furiose
 insolentes euenire non sinunt. Qui etiam

friuola atq. absurda non solum de poëticiis
 fabulis efficta, sed anilib. quoq. nanys con-
 texta, & in sanctiss. ac celestium rerum
 expositiones inserta, & defendunt pro-
 veris, & hac attingentes quamuis molli-
 ter reprehensiones respuunt detestando
 & vesanis clamoribus insectantur. Neg-
 igitur in his, quæ à me collecta modo e-
 duntur, diligentiam iudiciūq. peruesti-
 gando & diligendo deceptum, neque de-
 scribendo operam male positam, neq. adeo
 in proferendo consilium vituperandum
 esse confido. Quia autem putabam me ali-
 quid tanquam præfari hisce debere, cumq.
 tam more quam peculiari etiam ratione,
 id veluti literarum compellatione ad v-
 num quempiam dirigendum videretur:
 Tua, illustrissime princeps Ioachime Fri-
 derice, excelsitas hoc tempore potissimū,
 conuertit ad sese subiectissimam addictis-
 simi animi voluntatem: Quod dignitate
 & eruditione doctrinæ præstans vir Tho-
 mas Hubnerus & literarū & nunciorum
 significatione me fecisset certiore: Tuæ
 illustriss. excelsitatis clementiss. esse erga
 me fa-

me fauorem, & de me studijsq; meis existimationem perquam bonam: Adeo ut affirmaret, accessionem quoq; meam, si ita forte res tulisset, tuæ illustriss. excelssitati gratam acceptamq; fore. Ac ostensa quidem est occasio nuper veniendi in terras illustriss. domus vestræ ditioni subiectas, sed ea tunc uti non licuit. A me verò quid aliud coram effici posset, quo tuæ illustriss. excelssitati commendarer? nisi ut de pijs honestisq; studijs & rebus aliquid verborum fieret. Id autem scribendo melius quam loquendo à me saltem præstari potest, qui veluti in umbra vitæ scholasticæ delitescens ita peregi atatem meam, ut declinarem splendorem omnem actionū, quem hebetior acies sustinere nō valeret. Compræhendi quidem abs tuâ illustriss. excelssitate humilitatem meam clementissima beneuolentia, non potest non esse mihi iucundissimum, cum sit honestissimū. Sed affectio illustriss. excelssitatis tuæ erga opt. disciplinarum & artium studia, quarum respectu illam in me complectendo moueri apparet, & maiorem voluptatem

*consideranti mihi affert, & subiectissima
 cupiditatem celebrandi, si possim illustris-
 simum nomen tuum vehementius incitat.
 Nescio enim quo pacto, quasi flores deci-
 disse liberali institutioni & erudita do-
 ctrina, & ideo minoris ea fieri ac pene con-
 temni videtur. Iacent autem ea semper
 ac despiciuntur, quibus veluti alleuatio
 & adiumentum honoris atq; laudis non
 contingit. Ac ceteri fere principum viro-
 rum iudicia rationesq; sequi consuevere.
 Itaq; in horum non tam factis quam ex-
 emplis plurimum situm est in utraq; par-
 tem, virtutis inquam atq; laudis, & vitio-
 rum ac dedecoris. Sed hac & his similia
 illustriss. excelsitati tue nota esse iam pri-
 dem oportet, demonstrata studio & indu-
 stria Thomæ Hubneri. Qui sine dubio ni-
 hil omisit vel admonitionum vel prae-
 ceptionum, quibus illustriss. excelsitatis tue
 mens veritatis cognitione instrueretur,
 & voluntas ad recta atq; laudabilia per-
 sequenda conuerteretur. Vt autem hoc
 ita esse mihi persuadeam, efficiunt & pie-
 tatis religiosa & sapientum cogitationum
 refer-*

referta litera illius ad me scripta sermone latino cum puro & proprio, tum elegante & ornato. Vt abs tua illustriss. excelsitate hunc clementissime & diligi & magnificari necesse sit. Pluribus igitur, quae à me his de rebus dicantur, nihil opus est. Et, si quid restat, orari scilicet Deum aeternum conuenit, ut ille propitius tuam illustriss. excelsitatem excitatam ad spem publicae salutis ac dignitatis, feliciter adulescere, et saluam atq. incolumem longissimum illustrissima vitae spacium conficere velit, in protegendo ac conseruando sanctam Ecclesiam, & ciuilem hominum societatem tuendo, & illustrissima domus suae antiquam gloriam non solum retinendo, sed altius etiam extollendo. Hoc votum à me fit inprimis assidue & toto pectore precante Deum aeternum patrem Domini & saluatoris nostri unici Iesu Christi, ut tuae illustriss. excelsitatis mentem sancti Spiritus magisterio erudiat ad omnis veritatis comprehensionem, capiendumq. consilia recta, & ad haec exequenda actionibus honestis atq. laudabilibus voluntatem at-

EPIST. DEDICAT.

que studium dirigat : Vt ante omnia celebratur sanctissimi. nomen ipsius, & Ecclesia Christi confirmetur, & floreat Respublica, Te principe & autore hoc diuinitus mandatum munus exequente, & operam istam commissæ administrationis fideliter & diligenter in statu felice & prospera diuturnitate vitæ, dante ipsi Deo aeterno, cuius est omnis laus, honor, gloria, potentia, victoria, regnum sæculis infinitis.
Tua illustriss. excelſitas bene valeat.

*Vale. Lipsiæ die Brumali Anni
 instantis 1566.*

HISTORIAE IESV CHRISTI FILII DEI NA- TI IN TERRA MATRE SANCTISS.

semperuirgine Maria summatim re-
lata expositio.

MULTI studium literarum in eo posue-
runt, vt memoriæ mandarent scriptis
suis virorum illustrium & virtute præstan-
tium, aut varietate casuum insignium, vi-
tam, fortunas, mortem, quia vel narratio-
nem eam iucundam legentibus propter
historiæ cognitionem, vel exempla propter
instructionem animorum utilia futura esse
considerantib. existimauerunt. In qua par-
te cum & nobis placuisset operæ aliquid
consumere, Si nihil aliud consecuturis hoc
labore, saltem quietem aliquam reperturis,
& abducturis cogitationes à tristitia re-
rum & miseræ tam publicæ quam priuæ,
in manus sumseramus, & aggredi cœpera-
mus contextum eorum quæ à veterib. au-
toribus de eloquentibus Græciæ tradita &
memoriæ prodita comperissemus. Cum su-
perioris temporis calamitas & communis
mœror bonorum, & sensus proprius eorū
malorum, quibus tum nostra natio obrue-
retur, aurem, vt ita dicam, vellens admo-
nuit,

nuit, & iussit illam descriptionem paulisper seponere, & , si ocium suppeteret ac temporis aliquid vacui cæteris negotijs concederetur, id potius agere, vt Christianam quandam & Ecclesiasticam historiam commentaremur, & stilo nostro explicaremus, hoc enim non modo vtilitatem nobis, sed plane salutem allaturum, alijs qui legissent gratum acceptumq; futurum esse. Morem gessi non tam animo nostro quam diuinæ, vt arbitrabar, subiectioni, & cæpi temporum ac rerum expositiones de ijs libris, quorum copia fieri mihi potuit, scrutari, & cum alia tum I E S V Christi & Apostolorum dicta factaque, & vitæ cursum & mortis genus, notare. Ex quò cum nonnihil fructus percepisse videremur, placuit composita huius generis quædam in præsentia emittere in lucem, & communicare etiam cum alijs Christianæ religionis amantibus. Scio autem hunc laborem & veteres quosdam suscepisse, quorum scripta videre mihi nondum contigit, exceptis ijs, quæ vulgata sunt Abdia cuiuspiam nomine, & alterius, quemadmodum præscribitur libro, Anonymi, & his etiam quædam minus erudita ac magis friuola, quæ orationis elegantia quidam perpolire sunt conati. Atque memini amicos, consilio hoc nostro cognito

cognito mirari : Quidnam nos exposituri
essemus non mutuando neq; veluti descri-
bendo priorum tradita , id quod ab inge-
nio meo alienissimum esse scirent. Et ego
quoque ipse , vt verum fatear in opusculo
hoc, quasi fabricando diu sane adhærescēs
fūm moratus , propterea quod expositio-
nem hanc communem atq; tritam non vi-
deri cuperem. Sed quid à me præstitum sit,
prædicare ego non debeo, & est res ipsa in
medio , vt legentes , quorum iudicium de
his esse conuenit, sitne aliquid operæ à me
nauatum an non sit, statuerē pronunciare-
que iam possint. Ac hortamur & alios lite-
ratos atq; pios vt similiter & ipsi in hoc ge-
nere si quid reperire potuerint, aut ipsi cō-
ponere voluerint , studiosè exprimendum
& diuulgandum curent. Interea si quis ea
quæ nos collegimus cognoscere non du-
bitarit , hunc operam lectionis non pror-
sus perditurum esse speramus. Verum de
euentu ideo minus solliciti esse debemus,
quod nobis ipsis potissimū hanc operam
dedimus, vt si alijs nauata non sit, æquo ani-
mo ferre debeamus, contenti fructu nostræ
subleuationis ac quietis. Sed iam exposi-
tio ipsa procedat. Filius D E I D E V S
ὁ λόγος nascitur, modo, neq; menti humanæ
ad compræhendendum , neque linguæ ad

enunciandum expositio. Nascitur tamen,
 & hoc celesti voce patris testante, tum cum
 humanam naturam ille assumerat, & S P I -
 R I T V sancto statim à primo mundi ortu
 certis hominibus demonstrante, & per ali-
 quos semper de hoc quasi concionante, qui
 prophetæ appellantur. Hoc semper & con-
 stanter crediderunt pij & religiosi homi-
 nes. Gignitur autem à patre ante omne
 rerum exordium, quippe D E V S. Ita vt sit
συναιδιος ἀΐσι patri, pariter & æqualiter ac
 similiter D E V S, vt pater, id est *ὁμοεστος*.
 Qui cum patre in eadem omnipotentia &
 sempiternitate viuit, regnatque vnà cum
 S A N C T O spiritu, vnus, verus, immortalis,
 expers principij, creationis & omnis finis,
 Iustus, Misericors D E V S, cuius est laus,
 honor, victoria sempiterna: Hic filius Dei,
 de quo ea quæ breuiter cōmemorata sunt,
 pia & religiosa fide creduntur, declarata
 sermone diuino & S A N C T I spiritus do-
 ctrina, humanæ rationi & sapientiæ ignota
 omnia, quæ est ad hæc ipsa per se, cæca,
 manca, mutila, aut si quid debilius ac vitio-
 sius dici potest: His igitur filius D E I D E -
 V S, secundū salutare generi humano, con-
 silium patris, cum intercessisset apud illum
 pro miseris hominibus propria culpa in
 mortem præcipitatis, & iusticiæ diuinæ sa-
 tisfa-

tisfactionem à sese obtulisset , Mittitur in hunc mundum promissus ab initio saluator & instaurator illius , & DOMINVS atque rex vnicus vniuersitatis rerum, id est Messias , qui dicitur græce Christus , reconciliaturus genus humanum DEO , & Dei iram erga illud placaturus, & causam huius, impietatem ac peccatum, translaturus in se, vt liberarentur, & ita pœnas huius persolueretur vt conseruarentur illi : factus est homo, sic, vt DEVS nequaquam esse desineret, accepto corpore SANCCTI spiritus effectione in vtero intactæ & perpetua castitate puræ virginis Mariæ. Quam constat posteritatis Daudicæ fuisse, habuisse autem perhibetur parentes Ioachim & Annam. Patrem quidem Ioachim Mathatæ filium Nepotem Zorobabeli, Annam verò matrem ex tribu Leuitica. Hæc vt desponsa fuerat Iosepho tribuli , priusquam deduceretur ab illo , grauida reperta mirabiliter concepto fœtu SPIRITVS sancti diuina potestate , & nihilo minus tamen deducta ab illo iusso hoc facere diuinitus , habuit virum optimum & integerrimum atq; sanctissimum quoad hic vixit, fidelissimum custodem virginitatis suæ , & assiduum atque diligentissimum socium educationis & curæ filij DEI & hominis, id est

id est sui. Qui ad exequendum perpetuam voluntatem patris in terris nasci voluerat, genere diuino natus ille quidem, ἀρχὴν & ἀρχὴν, hoc est absq; origine temporis, Sed respectu patris ἀρχὴν; id est, ἀτὶαν φέρων habens, sic tamen vt ἀρχὴν & sit & celebretur. Voluerat autem nasci, in terris ideoq; & natus est, præfinito modo; voluntate, & sententia constante patris; sed humana sapientia non scrutanda, eo tempore ac loco vt nunc dicemus, repetentes seriem temporum paulo altius, quo certius & expeditius omnia enarrentur. Qua tempestate Cn. Pompeius cognomento Magnus in Asia bellum aduersus Mithridatem susceptū gessit; Mortua Hierosolymis Saalina, quæ & Alexandra nominatur; Alexandri regis Iudæorum vxore, Aristobulus Alexandri filius fratrem maiorem natu Hyrcanum regno spoliassē contentus fuit, cumq; eo permutata fortuna, quod Hyrcanus regni esse hæres deberet, amanter complex⁹ fratrem in suam domum dimisit; ipse regiam occupauit. Potito igitur de improviso rerum Aristobulo cum alij qui ipsi aduersati fuerant, tum Antipater qui & Antipa, in primis metuere ceperunt non solum dignitati; sed etiam salutis suæ. Erat Antipater Iudæus natione Herodis Antipæ filius.

Cui

Cui Alexander Iudæorum rex Idumææ totius principatum attribuerat. Isq; ingenio acri & animo cupido rerum magnarum amicitiam iunxerat cum finitima loca incolentibus Ascalonitis, Gazæis, Arabibus. Et hos conciliatos filio Antipatro moriens reliquit. Is igitur quod Aristobulum non fugere sciret, favere ipsum contra se Hyrcano fratri, quem simplice animo & fugientem curas ac negotia, Antipater regnum tenere maluerat, sibi ut potentia apud ipsum exercendæ occasio esset: Tunc itaque Antipater studere suspiciones inferere Hyrcano, & criminari fratrem, & deferre indicia consilij mortis ipsius. Nec finem facere donec quantumvis probi & placidi iuuenis animum exulceraret, & eum ad fugam secum faciendam impelleret. Ita illi accepta fide defensionis ab Areta Rege in vicinam Arabiam noctu egressi vrbe concesserunt, & Petram vbi sedes Regia erat peruenerunt. Acceptus autem benigne Antipater vna cum Hyrcano à Rege, persuadet illi oratione accurata & memorabilibus donis condita, ut Hyrcanum in regni paterni hæreditatem reducere vellet. Coacto igitur peditatu & equitatu ad M. L. profectus Arabs ad Hyrcanum restituendû, occurrentem Aristobulum facile superat &

Hicro-

Hierosolymis includit. Confectumq; leui momento negotium totum foret, nisi hoc quod memoraturus sum accidisset. Victo Mithridate in Armeniam tum Pompeius venerat. Hic præmisit in Syriam Scaurum. Qui Damasci obsidione Hierosolymitana audita, hanc etiam commodis belli expeditionem accessuram non putauit esse negligendam, & recta in Iudæam exercitum traduxit. Mox igitur à fratribus legati ad illum missi implorantibus vtrisque auxilium & opem ipsi⁹. Sed causa melior apud hunc Aristobuli fuit, non quod iustior videretur, sed quod fructuosior esset ipsi. Nam acceptis nonagies sexies (tantum enim constat valere Talenta cccc. redacta ad numerum Romanum) adiudicauit regnum Aristobulo. Qui Romano præsidio firmatus mox Arabas Scauri interminationem veritos ac reuertentes persecutus, ad viii. Milia hominum cecidit, inter quos & Antipatri frater Fallio obtruncatur. Ita Antipater & Hyrcanus ab Arabibus concepta spe falsi, eadem via qua Aristobulus ipsos circumuenerat, contra illum ingrediendum esse statuerunt. Venerat eo tempore & Pompeius in Syriam. Hunc igitur adeunt & de Aristobuli iniurijs queruntur, & defendi se petunt contra iniustam vim. Pompeius vel æqui-

æquitate caussæ, vel insolentia Aristobuli
motus decernit regnum Hyrcano. Illo tem-
pore Hierosolyma capta fuerunt à Pompe-
io, & templum violatum. Postea & Ale-
xandro Aristobuli filio, & ipso Aristobulo
multa frustra conantibus, ortoq; bello ci-
uili, & C. Cæsare Aristobuli opera in Iudæa
occupanda volente uti, Id tum factum fuit,
ut & Aristobulus & Alexander filius interi-
merentur. Utq; Antipater mox Pompeio
occiso placaret C. Cæsarem, & illi opera ac
virtute sua conciliaretur, Cui etiam gra-
tificans Cæsar Pontificatum confirmavit
Hyrcano. Ac postea accusante eum Anti-
gono Aristobuli filio arctius complexus, à
se detulit munus, quod ipse dari sibi petijs-
set. Cuius rei iudicium callide Antipater
ad Cæsarem cum reiecisset, toti Iudææ præ-
fectus fuit, & ab eo tempore *ἐντονος* Iudææ
appellatur. Hæc Cæsar in Antipatrum
beneficia incisa æreis tabulis, & in Capito-
lio deposita fuerunt. Obtinuit præterea ut
mœnia Hierosolymitana instaurare sibi li-
ceret. C. autem Cæsare interfecto, cum Sy-
riam Cassi⁹ occupasset, Iudæa quoq; in ip-
sius potestatem venit. Ijs temporibus à
Malicho quodam Antipater veneno, neca-
tur, quem postea Herodes Antipatri filius
simulata amicitia Cassij tribunis confodi-
endum

endum obiecit. Erat autem Herodes secundus filius Antipatri ex Cypride nobili muliere ex gente Arabum. Primum enim hæc illi Fasaëlum genuerat. Hos Cassio & Bruto in Thessalia victis, Tetrarchas Iudeę esse M. Antonius iussit. Postea Antigonus Aristobuli filius Parthis adductis occupauit Hierosolyma. Tum Fasaëlus captus & Antigono traditus capite in saxum illiso moritur. Herodes in Arabiam fugit. Hyrcanus autem victus à Parthis abducitur. Cum autem Herodes beneuolentiã apud Arabas speratam & debitam generi nõ inueniret, ac potius inimicũ regem illo tempore Malichum experiretur difficili itinere in Aegyptum, & inde difficiliore Romam peruenit. Vbi fortuna arridente autore & adiutore M. Antonio & fauente Cæsare Octauiano Rex Iudeę à Senatu appellatur: Hoc actum fuit Olympiade centesima octogesima quarta. Cn. Domitio Caluino iterum, & C. Asinio Polione Coss. Postea cum Antigono bellũ gessit triennio. Tum & Hierosolymis captis, milites tam Romani quam populares victoriam crudeliter exercuerunt. Ipse autem Antigonus Sossio ductori Romani exercitus sese tradidit, à quo ad Antonium missus & securi percussus fuit. Reliquus erat Hyrcanus & huius

ex filia nepos Aristobulus , natus annos
xvii. quos ambos paulo post curauit in-
terficiendos Herodes. Ita regio genere Iu-
deorum extincto, regnum occupat sine con-
trouersia externus Idumæus. quibus qui-
dem esset cum Iudæis quædam , vt ita lo-
quar, affinitas , sed qui Iudæi vere perhibe-
ri non possent. Etsi Nicolaus familiaris He-
rodis ipsum Iudæum fuisse assentans Hero-
di, vt in alijs plærisque , scripsisse traditur.
Quin etiam negatur Idumæus genere fu-
isse, ac perhibetur omnino originem alie-
nam habere à Iudæis. Nam aut huius He-
rodem ministeria sacrificiorum obiisse in
templo Apollinis Ascalone (id quod scri-
psit etiam Eusebius) Antipatrum autem
filium , Herodis magni patrem captum &
abductum in Idumæam ibi longo tempore
in seruitute mansisse & procreasse Hero-
dem, quod tenuior esset res familiaris pa-
tris, quam vt eam pecuniam quanti filius
æstimabatur, posset persoluere. Postea ta-
men liberatum fuisse ferunt vna cum filio
Antipatrum collata pecunia redemptionis à
ciuibus communiter. Et ita cum in patri-
am rediisse. Cum autem præfectus postea
fuiisset Iudææ, quo minus ab illis despicere-
tur, ipsorum religionem amplexum & pro-
selytum id est ascititium Iudæum factum
C scripsit

scripsit Epiphanius, cum ipse & filius Herodes circumciderentur. Hinc est quod Idumæum alij hunc perhibent, alij Aſcalonitam fuiſſe norunt. In hac narratione ideo fui prolixior, vt appareretur illo tempore quod incidit in Olympiadem c l x x x v. in Iudæa reges & duces populares atq; indigenas eſſe deſiſſe: Quam de Iosephi ſcriptis contexui ſumma fide, vt ſcriptoris gentis Iudaicæ autoritas eſſet maior & indubitatioꝛ fides. Qui & Aſamonæum, nobilitate generis & dignitate pontificia excellentis domus, imperium poſt annos c x x v i. in Antigono rege deſiſſe ſcripſit, duobus reliquis ſtirpe iſtius Hyrcano admodum ſene, & prorsus puero Ariſtobulo Alexandri F. (cuius ſoror Mariamne cum Herode nupta eſſet) paulo poſt interfectis. Quod tempus idem auctor ait incidere in Olymp. c l x x x v. & ita poſitum eſſe regno Iudææ Herodem familiæ plebeicæ hominem & ignobilis generis, qui aliquando etiam periculum capitis adiſſet; vocatus in iudicium & deprecante Hyrcano conſervatus, cum quidam tunc Iudæus Pharifaicæ ſectæ Polion prædiſſet: Herodis ſalutem ad auctorum illius perniciem euasuram eſſe. Poſt hæc tempora orto bello inter Cæſarem & Antonium & ad Actium Antonio victo, quamvis Herodes
Anto-

Antonij partes fouisset, Tamen Cæsaris beneficio regnum retinuit. Post quod tempus & multiplice atq; munifica liberalitate animos Iudæorum sibi conciliare, & varijs artibus fauorem Cæsaris demereri, & Iudeam ornare atq; augere non destitit. Cum autem regnum ab eo tempore, quo senatus decreto primum illud acceperat, tenuisset annis x x x i i i. post superatum autem Antigoni & recepta Hierosolyma annis x x i x. plus minus: Natus fuit filius D e i matre Virgine perpetua Maria in vrbe Bethlehemi: Anno imperij Augusti x l i i. Quo Coss. essent Lentulus Getulicus & Messala Corvinus. Quæ est ratio & series temporis exquisitè collecta & accurate explicata ab Epiphanio, In disputatione contra eos quos vocat Alogos. Sed hoc tempus ab initio ducatur occupati Imperij à tribus viris. Ex quo autem & Lepito remoto & sublato Antonio penes vnum Augustum summa rerum fuit, erunt hi anni x x i x. Cum autem temporum ratio consentiat, si quis minus scrupulose eam subducatur, momenta quædam subtilitatis discrepantia, piam & religiosam mentem conturbare non debent. Nam in annis consularibus quo minus cum perfectis x i i. mensium solaribus consentirent permulta accidere

potuerunt. Et in his nimis anxie exquirendis se torquere curiositatis exercitatio fuerit, non pietatis. Esse autem inexquisitam & dubiam rationem temporis in annos Imperiorum ac regnorum distributi, etiam veteres autores historię viderunt. Et Thucydides grauis. scriptor negat certum tempus de annuis magistratibus aut similibus notationibus posse indicari; cum alijs de causis tum quod res talibus conuersionibus annuis, alię incipientibus, alię medijs alię vertentibus gestę fluctuent atq; implicentur. Ideo ipse tempora in hiemes & æstates diuisit, quibus & compleri & dimidiari annos omnibus perspicuum est. Itaq; in illud tempus quod posuimus incidere ortum humanum Christi credamus. Quem esse volunt annum tertium Olympiados centesimę nonagesimę quartę, quod & ipsum conuenit cum Flauij Iosephi enumeratione. De die vero id teneatur in quo omnes consentiunt præter Epiphanium (cuius autoritas tanti esse non debet, vt Græcorum Latinorumq; hac in parte summam concordiam labefaciat) Decembris eum fuisse x x v. Declarant & scripta hoc illorum, & solennes ferię, quę nunc etiam immutabili religione celebrantur. Nascitur igitur in terris homo factus, filius D E I æterni,

terni, Quo anno diximus, nocte Brumali, id est ante VIII. CL. Ianuarij. Sic enim, ut scimus, tum Solis iter notarunt, ut quatuor illas præcipuas in anno metas attingi ab hoc ad octavas signorum partes traderent secundum Metonis & Eudoxi fastos. Neque in hoc die tantum concordat observatio publica, sed in eo etiam quo diuinitus hunc fœtum virgo mater concepit, relatus in VIII. CL. April. A quo ad VIII. CL. Ianuarij id intervallum est quod inter conceptionem & puerperium esse consuevit. Hoc loco & propter Epiphanijs rationem, & ob quorundam præposterarum dubitationes, quorundem etiam audaces perscrutationes (nam impij conatus hæc evertendi versutia humanæ, nobis execrandi sunt) sed ijs de causis quas retuli de hoc toto genere nonnihil dicendum putauimus. Primum omnium si cui non est persuasum diuina esse hæc quorum autoritate nititur fides Christianorum, scripta, & SANCCTVM spiritum habere magistrum atque autorem, eum vitantes auersemur neque studeamus docere nostris disputationibus veritatem illorum. Quibus autem hoc certum & fixum est; ijs non fuerit difficile assensionem suam huc etiam applicare, ne quid temere aut ambigüe aut dubie aut dissentaneum in

modum expositum esse existimēt, quamuis omnia perspicere & assequi ipsi nequeant. Hæc rationi & intelligentiæ humanæ probari non possunt, quippe quibus illa reprimatur atq; confundatur. Et simul evidens est aliena hæc esse & eximia extra iudicium & captum omnem ingenij humani posita. Constat enim I E S V M Christum aduentum & doctrinam & administrationem vniuersam muneris sui, non voluisse neq; vilo sapientiæ artificio explicari, neq; virium humanarum robore confirmari. Sed vidisse, longe alia & admirabili quadam ratione, simplicitatis nimirum tantæ, vt speciem illa præ se ferret stulticiæ, ad maximarum rerum demonstrationem opus esse, quippe cum illæ non humanæ neque terrenæ sed diuinæ essent atq; cœlestes. Quocirca aliter hæc quàm humanæ sagacitatis scripta legenda sunt. Non inuentionis industria, non dispositionis studium, non probabilis expositionis cura, non copia orationis in his quærenda. non etiam consiliorum, occasionum, euentuum persecutio. Illo tempore noti sermonis forma communi omnia commemorantur, simpliciter, indistincte, immo etiam alicubi confusius, sine ornatu & elegantia, sine argumentorum explicatione, sine differendi sollicitu-


licitudine. Coelestium enim & diuinaram rerum immensam magnitudinem, humani ingenij & mortalis facultatis angustijs includi & conuenire modulo non potuisse intelligendum est. Cum tamen ad hæc quoque cognoscenda diligentia & cura requiratur, piæ & religiosæ alicubi dubitationes & questiones vituperandæ non sunt. Sed prauitatis & malitiæ vel insidiosis aggressionibus vel hostilibus impressionibus, omnibus, ut dicitur, machinis est repugnandum. Quod si tamen aliqui perstiterint in contumacia aduersandi, relinquantur ac vitentur non minus caute quàm ex bestia, quarum alitus venenati esse perhibentur, cum manifesta sit in huiusmodi impietate peruersionis perniciēs. Tales fuerunt Porphyrius, Celsus, & cum alij tum quidam Iudaicæ originis Philosabatius. Qui non modo quædam quæ non viderentur congruere exagitaerunt, sed calumniose etiam nonnulla ad infectandum, commenti fuerunt. Quod facile concessit talis Euangelicorum scriptorum editio, singulatim confecta ab illorum quatuor autoribus, ut scimus, cum commentarij potius essent veræ expositionis & simplicis, eorum quæ quisq; indicanda existimauisset, vel monente potius S A N C T O Spiritu credidisset, quàm accurata iustæ h-

storiæ descriptio. Sed hoc iam, de instinctu
S A N C T I spiritus, purpuratis istis & elatis
ridiculum fuerit. Redeamus igitur ad id
quod manifestū esse diximus, quemadmo-
dum profecto est, nisi quatenus in contu-
macia cæcis nihil est manifestum. Sed con-
stat certe commemorationes illas nostras
Euangelicas (quæ *ὑπομνημονεύματα ὑποβάων*,
hæ sunt alterius dictorum & factorum re-
petitorum memoria recitationes, à Sancto
Iustino vocantur) breues esse expositiones
veritatis, non exquisitas aut copiosas de-
scriptiones historiæ, quibus & causarum
atq; occasionum explicatio, & temporum
distributio, & euentuum explanatio conti-
nentur, qui est campus in quem humani in-
genij vis & eloquentiæ facultas excurrere
consuevit. Quæ non placuit æterno D E O
ad sua illa peculiaria consilia & diuinas
actiones assumere, vt diximus. Itaque non
legunt hæc qui sapientiæ & virtutis specie
capiuntur, sed ij modo, qui diuinitus in-
flammati desiderio tenentur cognoscendæ
veritatis quæ his libris præclare demonstra-
tur: Filium D E I D E V M assumisse natu-
ram humanam, in terris, & cum hominibus
hominem versatum, à sua gente ad mortem
prætori Rom. traditum pertulisse in carne
crucis supplicium ad reconciliandum patrī
æterno

æterno D E O genus humanum, & resur-
rexisse in vitam ad salutem omnium acci-
pientium fide hoc beneficium, & nunc il-
lum, I E S V M inquam, qui est Christus, as-
sumtum in cœlum participem esse factum
omnipotentiae diuinæ. Nunc igitur deinceps
relata ab autoribus historię Euange-
licę fideliter recensēbimus. Ita quidem ut
capita tantum exponamus eorum, quę ab
illis, id est doctrinę & rerum à Christo ge-
starum, prodita sunt. Neq̃ enim retexi illa
debent, neq̃ fas est calliditate ingenij qua-
siq̃ lenocinijs verborum tantarum rerum
religionem & tractationem ex sacra fieri
quodammodo profanam, Cum diuinam il-
lam orationem ab humanis architecturis
corrumpi necesse, & ea quę intelligentiam
animi nostri excedunt, ne elocutionis qui-
dem copia amplificanda sint. Nam quo ac-
curatius expoliuntur, eo inter tractandum
profaniora quodammodo redduntur. Qua-
propter sapientia & eloquentia hominum
materias & argumenta alia quęrat, quę
veluti conformet elaborationibus suis, hæc
ne attingat, neq̃ terrenam facultatem in
cœlum proferre ausit. Sicubi tamen res in-
digere quadam declaratione videbitur,
hanc etiam ipsam timide & religiose exqui-
sitam addere studebimus. Hoc igitur lo-

co constituto tempore partus Virginalis, Olympiados c x c i i i i. Anno i i i. De die aliter Epiphanius, vnus quod ego sciam, omnium. Qui natalem Christi in ante diem y i i i. Iduum Ianuarij, qui scilicet mensis huius erit dies v i. confert. Coss. Cæsare Octauiano x i i i. & Silano Nerua. Et vocat hæc Epiphania ac Theophania, quod nomen apud alios quosdam est non natalis sed Baptismi Christi. quando ignoratum ante in terris celebratum nomen fuisse Christi, Hieronymus scripsit. In quo annorum, vt videtur, distinctio rationes Epiphanijs turbauit. Qui hos integros consulares facere studeret. Est autem peruestigatio huius temporis apud Epiphanium ita subtilis vt admodum res obscuretur. quare relinquamus eam, & à Nicephoro expositum & cōsecratum huic memoriæ solennibus ceremonijs retineamus diem v i i i. c l. Ianuarij Getulico & Messala Coss. Id satis esse nobis poterit. Omnia autem etiam momenta persequi, neque necesse est & inutile fuerit. Tunc igitur virgo conceptum fœtum effecione S A N C T I spiritus, D E I æterni & suum filium vnicum peperit. Verum hominem & corpore & animo, coniunctum cum vero D E O. Neq; vlla re dissimilis ille aliorum hominum fuit, solis erroribus

roribus & peccatis exceptis, quorum penitus expers esset. Itaque & virgo partu hunc foetum diuinum suo, vere edidit, vt naturæ cursus in hac parte non mutaretur, nisi quod neq; virginis puritas læsa, neq; sanctitas afflicta fuit, Neq; dolores ipsa, quibus obnoxia esset Eux posteritas, enitendo pertulit. Nascitur autem in oppido vicoue Bethlehemitico, nam infrequens tum fuisse perhibetur ille locus (Abfuit Hierosolymis paulo longius v l. m. Pass.) In stabulo quod & antrum nominarūt, Speluncam Hieronymus, qui in villam Bethlehemicam secesserat. Ibidem & post dies octo in diuini fœderis & populi DEI societatem receptus, & ritu ab Abraamo primum obseruato, circumcissus fuit. Hoc loco quæsiuerunt aliqui, Cur Iosephus & Maria virgo posteritas Daudica huc venerint, Hierosolymis præteritis, vel cum illac forte transissent. Nam aut relinquenda ad læuam dextramue (designationes enim diuersæ expositæ sunt) tendentibus Bethlehemum, aut transeunda Hierosolyma fuerunt. Quorum situs ad Austrum magis vergeret. Item cur hæc Daudidis vrbs nominetur, Quæ appellatio sit Hierosolymorum. Quod ad priorem dubitationem attinet, sane mirari aliquis possit, si cognatam habuerit Elizabatham



betham Hierosolymis, non ad illam potius diuertisse. Sed Iosephus forte Bethlehemi suæ cognationis originem habuit. Aut Hierosolymitanam professionem alijs de causis vitauit, quas vt ignoremus, aliquas fuisse oportet, vt secundum vaticinationes priscas & æternam voluntatem DEI virgo Bethlehemi pareret puerum illum Ducem & autorem salutis & vitæ æternæ. Quod autem Hierosolymorum hæc eximia fuerit appellatio, constat, sed nihilominus & huic congruit vel vico vel oppido, vbi Dauidem & natum & educatum esse scimus. Quam ob causam etiam credibile est ibi potius: profiteri nomen Iosephum voluisse. Quæ cum omnia Hebræorum libris explicentur, non est quod nos in hac mentione moremur diutius. Fuit interuallum loci inter Nassarenum & Bethlechemicum oppidum, non breuius, ac longius fortasse M. Pass. Centum, Quod iter pius maritus cum propinqua partui coniuge, vt potuit, in tenui fortuna & angusta re, tum confecit. Neq; melius aut commodius acceptus, cum omnia loca habitationum accupata essent, in stabulo diuertere coactus est, ibiq; Rex cœli & terræ in hanc vitam partu virginis, editus fuit. Hoc etiam loco insistendum nunc quoque paululum videtur, vt cōsideremus:

Lucæ

Lucæ narrationem. Qui cum tempus nati
Christi perhibeat fuisse illud, quo census
ageretur iussu Cæsaris Augusti, fuere qui
Historiam confundi suspicarentur. Nonnul-
li etiam ad explicandum quædam commi-
nisci non dubitarunt paulo etiam absurdi-
ora. Sed simplici veritatis expositioni sim-
plex fides & assensio debetur. Id igitur fuit
tum Cæsaris Augusti tempus, quo omni-
bus aduersarijs suis superatis, parta pace
terra marique, Et portis Iani clauis, censum
hunc agi iussit. quo suspicati quidam sunt,
etiam: I E S V infantis nomen relatum fuisse.
Ita diuina prouidentia hæc moderante,
vt æterni patris æternus filius, & vere esse
homo, neq; ad terrenum regnum constitu-
endum venisse intelligeretur. Qui fuerit
vel Cureneus vel Quirinus hic præses, & ip-
sum quæsitum constat, facit autem mentio-
nem huius Iosephus, quo loco docet Ar-
chelao. relegato hunc virum consularem in
Syriam missum fuisse ad auctionem facien-
dam bonorum Archelai. Sed quamuis &
inter consulum nomina quæ exposita habe-
mus, hoc reperiatur cognomentum Sulpi-
cij cuiusdam quem Dion Cos. fuisse refert
cum Messala: Tamen satis esse debet, quod
à Luca scribitur, In Syria Curenium fuisse
præsidem censionis illius tempore, & di-
serte

serte huius professionis mentionem facit Lucas, cum dicit de ea se loqui quæ primo facta fuerit. Significans alteram etiam non per totum orbem sed in Iudæa tantum indictam fuisse ad hoc missio Cyrenio, cum Archelaus esset relegatus. Cuius fit mentio à Luca in Historia Apostolica de Iuda Galilæo. Eusebius autem in considerate in hanc posteriorem annis x i. Christi in terris ortum contulit confusis in mentione census ac nomine Cyrenij temporibus Sed de his satis. Nunc igitur reliqua attexamus. Nato filio D E I in terris, nomen inditum fuit I E S V, quemadmodum iusserat diuinus nuntius. Et postea Hierosolymis in templo, secundum Mosaicæ legis præscriptionem, Sacerdotibus oblatus, & à Simeone sene acceptus in complexum gratis: & vaticinante Anna, quod ipse esset Christus, declaratus fuit. I E S V autem parentes omnibus secundum legis præfinitionem rite peractis, reuersi tum quidem fuerunt in urbem Nazaretida, vbi domicilium habebant vt secundum voluntatem diuinam iam & ipsam à vatibus indicatam, Nazarenus vocaretur C H R I S T V S. Atq; nunc deinceps series historiæ postulat, vt narrationem de Magorum C H R I S T O oblatis muneribus attexamus. Sed hoc loco quidam curiosi propter

propter descriptionem historię Euangelicę minus quasi arcte concinnatam, occasionem arripuerunt, inquirendi in hac tanquam minus consentanea. Illi igitur hoc loco expositionem historię Christianę vt dissentaneam & vanam, eludere nefaria audacia conati fuerunt. Cum tamen vt quicq̃ in sua ignoratione vel cæcitate potius aliquem eorum fugit, ita incurrens in veritatis sermones, ipse sese euerterit, illam non labefactarit. Male autem & hoc loco duorum narrationem contextentes, Quo pacto, inquit, potuit fieri, vt vno die nasceretur in oppido Bethlehémico IESVS, & eodem tempore Octiduano ritu circumcideretur, & post dies XL. deferretur Hierosolyma vbi testificatione Simeonis & Annę celebraretur, cum ea nocte qua natus fuit puer ille, post Magorum discessionem, admonitus Iosephus per quietem insidiarum Herodis, exportauerit eum in Aegyptum. Sed enim hoc istorum calumniola prauitas comminiscitur, atq; inculcat, Euangelica commemoratio non est talis, vt vel verbis ijs, quæ hostes veritatis referunt, composita, vel cum sensum quem eliciunt præ se ferre videatur. Vbi enim scribitur, obsecro, aut quid omnium cogit intelligere eadem nocte omnia illa fuisse gesta? Quid ergo

go Matthæus ait? Bethlehemi nato I E S U
aduenisse Magos. Neque tamen definit vel
annum vel mensem vel diem. Sed potiente
rerum Herode id factum dicit. Potuit igitur
fieri post annum. Potuit fieri post bien-
nium, ut Epiphanio placuit, hoc maxime
argumento, quod Herodes interfici pueros
bimulos iusserit, inter illos de Magorum
indicio I E S U M occisum iri sperans. Sed
additur ibidem & minores pueros interem-
tos fuisse. Ut hæc accidere intra biennium
potuerint. Atque ut disputationem hanc in
pauca conferam, Et de tempore, & nisi ad-
modum fallor, de loco, & de ipso genere
hominum, à quibus tum C H R I S T Y S cul-
tu & honore affectus fuit (quod Arabicum
fuisse Iustinus censet, aliqui Balaami poste-
ritatem suspicati sunt) piæ & religiosæ co-
gitationi, quas coniecturas sequi & quid
statuere velit, liberum relinquitur. Tan-
tum igitur de his dixisse satis sit. Nunc hi-
storiam persequamur. Nato in oppido
Bethlehemitico I E S U, qui est C H R I S T U S,
intra biennium, aduenere quidam profecti
ex ijs locis quæ ad ortum Solis Hierosoly-
mis exeuntibus sita sunt. fuerunt autem
Hierosolyma, ut notum est, Iudaicæ gentis
ab antiquo caput. In Palæstina sita vrbs,
Solyma veteribus dicta, quod & Homero
nomen

nomen notum fuisse arbitrantur. Hanc tenētes Iebuseos nationem Chananeam cum deuicisset, cœpit Dauides, & in ea regiam sedem collocauit, qua de re & Dauidis vrbs appellata. Templum autem illud admirabile extruxit primum Salomon. Hæc ad Orientis Solis plagam habuit Persas & Arabas, ad Meridiem Aegyptum, ad occasum mare Cyprium, ad septentriones Syriam. Magi autem Persico nomine fuerunt illis in regionibus viri docti & studiosi cum aliarum sapientiæ disciplinarum, tum siderum & cœli scientiæ. Hos autem de quibus nunc loquimur, etiam pios fuisse & religiosos necesse est, Quiq; doctrinam de CHRISTO Iudæis promisso diuinitus vt rege ac DOMINO, cognouissent. Hi igitur animaduertunt in cœlo Sidus regium, Et vel aliqua de maiorum suorum prædictione, vel literis prodita significatione, vel diuina etiam demonstratione, intelligentes quid portenderet ortus illius, quæ preciosissima haberi, & à se in omnes gentes exportari solere scirent, ijs compositis & in sarcinis suis reconditis, ducem stellam secuti, Hierosolyma peruenerunt, & regium gentis puerum in regia, vt par erat, quærentes, acceperunt ad Herodem sciscitantes de natu rege Iudæorum, cuius sidus longe ad Orientem

D

tem

tem vidissent. Ea res conturbauit cum Herodem ipsum tum omnes incolas Hierosolymorum. Illum anxietate regni retinendi, hos partim metu, partim cupiditate rerum nouarum. Exquirat igitur rem attentius Herodes, ac cognoscit de peritis sacrarum literarum, ad Messiam hæc pertinere. Et esse in sacrorum vatum libris, futurum ut huius ortu nobilitetur Bethlehemum. Quo audito liberaliter habitos Magos, dimittit à se Herodes, & hortatur si puerum inuenierint, ad se ut reuertantur, Nam & se venerari cupere diuinitatem illius. Digressis ab hoc Magis stella, se rursus exultantibus gaudio ostendere, & præire ac ducere, donec eo fuisset ventum, ubi tum puer erat una cum matre. supra illas igitur ædes cum instidisset stella, Magi, id quod erat, rati, ibi se eum quem cuperent reperturos, ingressi in domum illam, inueniunt ibi puerum una cum Maria matre ipsius. promunt igitur ea quæ attulerant, Aurum, Thus, Myrram, & abijcientes sese in terram, puerum venerantur ut DEVM. per quietem autem diuinitus ad Herodem reuerti ventantur. Quos diu frustra opperiens Herodes, ubi se ab illis delusum animaduertit, ira & formidine exagitatus, homo animi impotentis, Omnes paruulos in regione Beth-

Bethleemitica & finitimis locis iubet interfici, natos annos duos, atq; etiam minores. sollicide enim percontatus de Magis, quo primum tempore sidus illud conspexissent, & inde ratione temporis subducta, ad bien-
nij summam suum metum adduxerat. Sed humana prudentia simul atq; potentia, ne-
quicquam luctatur cum diuina vi & numi-
ne celesti. Semper enim aut in tacitis consi-
lijs D E V S omnibus mortalibus prouiden-
tior, aut in actionibus & rebus gerendis va-
lentior reperitur. Hic monuerat statim Io-
sephum ad discessionem Magorum, videret
puero, atq; illius salutem tueretur. esse enim
qui vitam ei eripere quærent: Itaq; ma-
trem & filium deucheret in Aegyptum vbi
tuto latere possent, dum inde reuocaren-
tur. Hoc vt per somnum Iosepho oblatum
fuerat experrectus ille nihil contatus, cum
virgine Maria & puero I E S V proficiscitur
in Aegyptum. Hoc, secundum Epiphaniij
sententiam, factum fuit anno regni Hero-
dis Magni circiter x x x v. Quo post bien-
nium mortuo, reuocatur Iosephus celestis
nuntij voce, cum esset puer I E S V S quadri-
mus, Archelao Herodis Magni filio regnum
paternum vendicante. Sunt tamen qui ex
Aegypto rediisse Iosephum & reduxisse per
hibeant I E S V M natum annos plus minus

septem, quod quinquennio ferme abfuerint, cum in ea loca diuertissent, ubi aliquando Hebræi relinquentes Aegyptum, castra habuissent. hæc vicina faciunt Heliopolitanae vrbi, quæ abfuit Nassarethide circiter c c l. M. Pass. itinere nimirum octidui, quemadmodum situs locorum exponuntur. Sed ad famam regnantis Archelai Iosephus vel successionem filij in regnum metuens, vel territus rumoribus crudelitatis illius, cum in Iudææ regionem ex Aegypto reuertens venisset, dubitavit sollicito animo ubi nam subsistere deberet. Ac rursus omni cura liberatur certior factus à diuino nuncio, Transeundem ipsi in Galilæam & ibi commorandum esse in sua vrbe Nassarethide. De his omnibus simplicem rerum narrationem sumus executi, neque aliquid in consideratione magnitudinis illarum verissimiliter affingentes, neque contra quorundam hac in parte nimium sibi permittentium, fictas narrationes disputantes. Nam & quæ de Magorum, quos aliqui ab vltimis Indiæ regionibus suis narrationibus adduxere, cum Moëandrum & Dobassam ad observationem & notationem stellæ designassent, sed & alia quæ de horum profectioibus, comitatu, fortuna viæ tradita sunt, Et de Aegyptiaco itinere quid commenti ociosi quidam

quidam homines non mali illi quidem fuerint, nemo fere omnium ignorat. Simili studio simplicis & puræ narrationis, omit-
tam ea quoque quæ I E S V S in pueritia mira-
bilitate perhibetur, & Græci, ut indi-
cat Epiphanius, carminibus suis celebraue-
rant. Et si idem Epiphanius magis pie quàm
caute, affirmat in pueritia etiam oportuisse
hoc modo diuinitatem pueri declarari. Et
Hieronimus nescio quid, sane perquam
magnifice memorat de quodam Matthæi
Hebraico scripto. continente historiam in-
fantia C H R I S T I, quod corrupisse Mani-
cheum quendam ait. Fit mentio & Aegyp-
tij Euangelij continentis narrationes mi-
rabiles factorum dictorumque I E S V. fit &
ab Eusebio *ὑπομνήματων* recentium, id est,
quæ, ut ipse ait, quidam *χρῆς καὶ παλῶν* edi-
derint, continentium falsa & temere con-
ficta de I E S V Christi historia. Quid de li-
bris quæstionum seu interrogationum di-
cam? quos nefaria scelerata Gnosticorum
secta non dubitauit habere pro sacris. Ve-
rum hæc nihil ad nos. Sic enim, quemad-
modum certi autores demonstrarunt, fieri
oportuit, ut planum fieret secundum æter-
ni D E I hominibus patefactum consilium,
filiū D E I esse I E S V M, promissum C H R I-
S T V M regem & D O M I N V M, ad instaura-

tionem omnium, & salutem credentium ipsi. Quare ita deinceps quæ restant enarremus. Reductus I E S V S ex Aegypto iam peruenerat ad ætatis annum x i i. Solebant autem ad ferias, quarum nomen Hebraicum est Pascha, venire omnibus annis parentes ipsius. Natus igitur annos x i i. puer, peractis solennibus ac reuertentibus illis remansit in templo. Illi suspicati inter cognatos eum & familiares sequi, perrexerunt. Ac confecto itinere diei vnus cum requirentes eum non inuenirent, consternati animis ac trepidantes ob neglectus à se custoditum puerum, recurrunt Hierosolyma, Ibiq; inueniunt eum in templo inter sacerdotes & sacrarum literarum peritos, modo audientem ipsos modo interrogantem. Qui omnes ad sapientiam & responsiones ipsius obstupescere, & considerantes ætatem pueri incredibili admiratione affici. Cum autem mater exostulare cœpisset cum filio ob desertionem sui, & commemorare quam anxie & quo cum animi dolore requisitus à parentibus fuisset, & quod se ab ipso relinqui non oportuerit: Tum quidem I E S V S ita hæc remouit vt diceret, necesse sibi fuisse obire munus & curationem à patre datam. Nihilominus tamen vna cum illis discessit Nazarethida, vbi domicilium

cilium habebant, & obnoxie paruit iussis eorum. Quamuis autem Maria quæ dixerat filius non plane intelligeret, animo tamen illa suo recondens notauit. At puer I E S V S, quantum annis crescebat tantum sapientia augebatur, eratq; cum ipsi D E O gratus tum omnibus hominibus acceptus. Quæ origo in terris sit C H R I S T I qui est I E S V S filius D E I & filius Mariæ vnus vere D E V S & vere homo, exposuimus interpretantes eos, qui de subiectione S A N C T I spiritus illa literis mendauerunt. Quæ vero ab annis x i i. dixerit aut fecerit I E S V S totis sequentibus annis x v i i i. dum trigessimus compleretur, quod nihil tradiderint neq; scripserint autores Euangelicæ historiæ, nos etiam pij & religiosi animi cogitationibus relinquemus potius, quàm vel de dubijs & non admodum grauibus narrationibus, vel de nostris coniecturis colligentes persequemur. Cum tamen hoc dicat Lucas, fuisse subiectum seu subditum eum suis parentibus, intelligi facile potest & iussa materna ac Iosephi strenue exequi, & omnibus in partibus vitæ adiumento esse studuisse, neque in oppido non admodum celebri, ac re familiari tenui, aliam quam honestam quidem sed humilem & ignobilem vitam vixisse. Iustinus sane

scripsit, & pro fabro habitum esse I E S V M,
& opera fabrilia elaborasse versantem in
hominum societate, nimirum aratra & iuga.
Quorum significationem esse vult doctrinæ
de iusticia & vita non opararia (ipse *ἀγρῶν*
vocat) Sed de his satis vel nimium quoque.
CHRISTO nato, vt diximus, anno regni
Herodis xxxiii. Octauiani Cæsaris xlii.
restant iiii. Herodis, sequuntur ix. Ar-
chelai, hi fiunt anni xiii. & incidunt in
lv. regni Cæsaris. regnavit autem hic se-
cundum Iosephum annis lvii. ita reperi-
tur CHRISTVS natus fuisse annos xv.
cum successit Octauiano priuignus Tibe-
rius. huius regni anno xv. baptizatus fuit
CHRISTVS & docere ac ordiri cœpit
opus salutis & liberationem generis huma-
ni, anno xxx. ætatis suæ. præerant tum Iu-
dææ aliquot rigionibus fratres duo patre
vno Herode Magno, matribus duabus ge-
niti, Herodes cognomento Antipa, Mari-
annes pontificis Simonis filia, & philip-
pus Cleopatæ Hierosolymitanæ filius, his
enim dimidium regni Archelai relictum &
inter ipsos diuisum fuerat. Cum autem An-
tipa ad regni administrationem peruenerit
ante Tiberium, id est relegato fratre Ar-
chelao, annis ii. fuit nimirum tum annus
ipsius xvi. Hæc tempora secundum Io-
sephum

sephum & alios qui hæc literis mandaue-
runt, pleraq; distribuuntur & ad vnguem,
vt dicitur conueniunt. Tum igitur impe-
rium populi Romani-regium obtinente Ti-
berio, In Galilæa Herode Antipa regnan-
te, præside Iudææ Pontio Pilato, I E S V S
Christus opus salutis nostræ perficere or-
sus fuit. Qui quidem esse credabatur Iose-
phi, sed, vt ostendimus, castissimæ & per-
petuæ Virginis Mariæ solius, & D E I filius
fuit, ortu secundum humanam naturam
regio, & stirpis Abrahamicæ. Cuius gene-
alogiam per quatuordecim generum quasi
gradus indicauit Matthæus. Lucas adduxit
vsq; ad primum generis humani parentem.
Etsi autem diuersæ sunt enumerationes ho-
rum, tamen nobis neq; fides alterius vtrius
dubia, neq; veritas incerta esse debet neque
potest, præsertim cum in auo consentiant.
Et omnino hæc res disputationibus longis
& subtilitate argumentorum non explican-
tur. Itaq; hoc quod est caput teneatur: I E-
S V M Christum hominem natum esse de vir-
gine, cum quidem patrem hominem habe-
ret neminem, habere tamen crederetur Io-
sephum, & hanc illam posteritatem atq; so-
bolem esse Dauidicam, quæ de radice po-
stremo enata hunc pulcerrimum & mirifi-
cum florem protulerit, secundum oraculo-

rum veterum prædictiones. Nam nobis quidem facile explicari possunt omnia, si qua forte inter se dissentire videantur, qui contentione omni repressâ, ea quæ religionis fide continentur, pia assensione admittimus, malumusque simpliciter credere diuinæ historiæ, quam humanas inquisitiones callide persequi. Hinc igitur iam expositio Marci procedit à tempore, vt Lucas notauit, anni x x x. ætatis CHRISTI. Quando IESVS ad Ioannem venit & ministerio Baptismi vt in aquas Iordanis demergere-
tur, vsus fuit, Et benignitas DEI æterni ita se effudit, vt tota natura diuina & quicquid in hac inest atq; consistit, id est vnus æterni DEI tres personæ, manifesta specie demonstrarentur, ipsisq; etiam sensibus hominum, vt ita loquar, ingererentur, ne quis aut non omnino. aut obscurius indicata hæc esse dicere ausit. Cum enim venisset ad Baptistam (hoc demersionis ministerio nomen impositum Ioanni fuit) IESVS, & ab illo se in aquas Iordanis demergi ritu mandato ipsi diuinitus postulauisset, Ioannes primum recusare, atq; mersione magis sibi ab illo, quam ipsi à se opus esse dicere, mox tamen obsequens, vt par fuit, voluntati & iussis CHRISTI, munus exequitur suum. Recipiente autem se de fluuio IESVS
vidit

vidit Ioannes supra eū, qui esset filius DEI, S A N C T V M spiritum offerentem sese oculis & conspectui hominum columbæ specie. Et audijt vocem celestis patris ponunciantem, Esse I E S V M illum filium DEI æterni in quo amor, caritas, beneuolentia paterna omnis acquiescat. Hoc Epiphanius perhibet factum fuisse ante diem v^{ti}. Id. Nouembr. anno ætatis C H R I S T I X X I X. Mense x. id est non prorsus confecto anno x x. x. & numerat integros dies L x. à Baptismi die ad diem natalem. Sed has exquisi-
tiones illi relinquamus. Cui & hoc placet, à Iohanne digressum quadraginta dierum ieiunium peregrisse C H R I S T V M, & deinceps circiter dies x i i i i. mansisse in vrbe Nazarethide, & tribus diebus sequentibus cum alios sibi discipulos asciuisse, tum Andream & Petrum, proxima autem Philip-pum. Tum & colloquium, inquit, illud inter I E S V M & Nathaneëlum intercessit. Inde triduo ad nuptias venisse Canas, & ita completos fuisse dies L x. vult, & nuptiarum diem in natalem C H R I S T I confert. Iustinus martyr tunc etiam ignem in Iordane accēsum fuisse scripsit. De ieiunio C H R I S T I historia & ipsa est religiosa & relinquēda cogitationib. pietatis potius quam verborum copia enarranda. Hinc autē I E S V S
incho-

inchoans doctrinam suam ascitis illis duodecim, quorum nomina sunt nota, habuit satis beneuolos auditores Iudæos, & fuit omnibus grata & accepta pietas, & religio & sanctitas viri, integro pœne, vt Epiphanio placet, anno, quod putat à vate etiam Esaia prædictum fuisse, in mentione anni grati & accepti, quem Græci *δικτὸν* vocant. facit & Iosephus scriptor historiæ Iudaicæ mentionem I E S V in rerum his temporibus gestarum narratione, & cum affirmat fuisse C H R I S T V M. Sed in nuptijs mirabiliter aqua in vinum, quo conuiuium deficeretur, mutata, apud suos max. discipulos in admiratione & gloria esse eximia cœpit, & hinc miracula orsum fuisse primum facere scripsit Ioannes. Hic dies fuit tertius post compellationem Nathanaëli, & pariter tertius incoatæ doctrinæ, fuit aquæ copia mutatæ tum in præstantissimum vinum ad metretas x i i. diffusa aqualibus sex, hæ erunt amphoræ circiter quindecim. Ac refert Epiphanius suis etiam temporibus multis in locis idem compertum accidere, quod tum hac prima miraculorum editione: vt aquæ in vinum conuertantur, ad conuincendos dubitantes: Quemadmodum fons Cibyraticus & Gerasenus, quorum vtrunque dicit scaturire vino, ea hora qua hauriri tum

C H R I-

C H R I S T V S aquam iussit in vinum commutatam. Idem ait vsu venire in Aegyptiaco Nilo, ideoq; die v i. Ianuarij id est Tybi x i. omnes Aegyptios aquam haurire & haustam condere, Quorum omnium fides esto penes ipsum. Nobis enim sacra historia dubitationem omnem eripit, neque alia argumenta colligere laboramus. In Nazarethide vrbe patria non diu mansit propter aduersantem contumaciam ipsorum, cum etiam illi interficere eum voluissent. Nimirum inuidia & odio incitati, quod humili loco apud ipsos natus, illa diuina cœlestis excellentiæ Elogia accommodare sibi auderet. Nam contemnentes genus ipsius quærebant, quis esset ille? qui & patrem haberet de officina Iosephum, & matrem pauperulam Mariam, & fratres apud sese atq; sorores. atq; ita alienabantur ab eo & auctoritatem omnem detrahebant doctrinæ ipsius. Ad mentionem autem fratrum & sororum C H R I S T I quidam scelerate audaces, post editum C H R I S T V M de virgine, fratres postea huius & sorores procreatas esse à Iosepho asseruerunt. Quorum dementiam & Græcorum & Latinorum viri doctiss: grauiter & seuerè confutarunt. Epiphanius autem docuit Iosephum fratrem Cleopæ, filium Iacobi

cobi cognomento Pantheros , tum cum
recepit domum suam Virginem Mariam
fuisse senem decrepitum , habuisseque sus-
ceptos liberos de priore coniuge senos ,
quatuor filios , Iacobum cognomento Iu-
stum & fratrem appellatum I E S U , Iosephum ,
Simeonem , Iudam , & filias duas quarum
alteram modo Annam modo Mariam , al-
teram Salomien nominat. Hieronymus au-
tem docuit multis modis aliquos fratres
appellari , vt hæc comminisci necesse non
sit , ac appareat virulentam linguam animi
peruersi nefarias cogitationes enunciasse ,
hoc conatu aspergendi labem obrectatio-
ne impia sanctæ virgini. Verum hæc nos ne
audire quidem velle debemus. Ac potius
castissimæ virginis memoriam colere nunc
quidem siue vna cum corpore seu absq; hoc
assumptæ in vitam æternam à filio. Id quod
ideo vtrunq; posui quia neutrum ijs literis
quarum est sancta autoritas mandatum le-
gitur. Quod quidam autem suspicati fue-
runt , hanc in fide & confessione veritatis
excruciatam & ferro occisam fuisse , secun-
dum Simeonis vaticinium , vt coniectura
est levis , ita non esset hic exitus è vita vir-
gini matri filij D E I inhonestus. Similiter
& alia quæcunque ad celebrandam matrem
C H R I S T I virginem pijs & debitis laudi-
bus

bus pertinent, ea teneamus & infamiae pro-
bra huius, depellamus omnibus viribus. Fe-
cere quondam & nunc faciunt quidam hanc
Deam, si non verbis re tamen certe ipsa. Hi
virginis honorem contaminant, tantum
abest ut illustrent, sicuti ipsi opinantur. In
hac autem parte suffragantur Euangelicae
expositiones, quae & virginem concepisse
filium DEI, & Iosephum patrem illius cre-
ditum qui non esset, dilucide tradunt. Hoc
igitur quod explicatur certum nobis esse
debet. De alijs si quis opinari improbe aut
temere aliquid ausus fuerit, is de piorum
coetibus & societate excludatur. Historicae
quidem explicationes quatenus in dubijs
vel similia veri persequuntur, vel certe fa-
bulas non pingunt illis coloribus creduli-
tatis, rejiciendae non videntur. Cognatio-
nem igitur IESU Christi & veteres pia scru-
tatione exquisivisse scimus. & nostro tem-
pore vir ingenio summo, praestante natu-
ra, studio & industria admirabili praeditus
Martinus Luterus, perquam scite, quantum
ego possum iudicare, rem explicuit. Fuisse
Iacobum & Helium fratres Matthatiae fi-
lios, & Iosephum Iacobi, Mariam Helij so-
bolem. Helio huic etiam Ioachimi nomen
attribuitur. Matrem autem Mariae Annam
habuisse sororem Elizabetam uxorem Za-
chariae.

chariæ. Ita Iosephus & Maria duorum fratrum proles reperitur. Baptista autem à CHRISTO in simili cognatione vno gradu remotior. Iam Mariæ materteram putat fuisse Mariam quæ Cleopæ adiungitur in historijs Euangelicis, & horum liberos Iacobum Iosen Simonem, Iudam. Salomem autem sororem Iosephi nuptam cum Zebedeo peperisse filios Iacobum maiorem & Ioannem. Ita consobrinos (qui certe fratres vocantur) habuit IESVS complures. Sed hæc considerare amplius volentibus propòsita relinquantur. Cum præsertim apud Clementem Alexandrinum legatur, non peperisse Salomen. Non putavi autem silentio prætereundum hoc loco, quod apud hunc scriptorem legitur, à quodam Iulio Cassiano hæretico homine, multa fuisse ex Euangelio Aegyptio relata colloquia IESV & Salomes. Ex quibus horum meminit clemens. Interrogavit IESVM Salome: Quando futurum esset, vt cognoscerentur ea, de quibus fuisset sciscitata? Cum pudoris & turpitudinis, inquit IESVS, indumentum conculcaueritis, & quæ duo sunt facta vnum, & mas simul ac fœmina, neq; mas neq; fœmina fuerint. Rursum interroganti Salomæ: Quamdiu vis & potestas mortis duratura esset? Respondit

IESVS,

I E S V S, donec vos mulieres parietis. Et addidit: Venisse sese ad dissoluendum opera foeminae. Salome vero cum audisset mortis vim tam diu grassaturam, quam diu parent mulieres: Recte igitur, inquit, feci ego, quae non peperit. Cui I E S V S respondit: Quamcunque radicem comede, sed habentem amaritudinem ne comedas. Hæc inferenda ideo putavi, quod, quamvis auctoritatem ista haberent nullam, inde tamen intelligi videretur familiaritatem I E S V & Salomes memoria fuisse celebratam: Et ne quis in serie generum exquirenda & ordinanda sese anxie torqueret. Id quod & Apostolus Paulus notat, vetans Timotheum suum fabulis animum attendere & genealogijs infinitis; parientibus quaestiones potius quam ædificationem D E I in fide: Et Titum iubens vitare stolidas quaestiones ac genealogias atque rixas. Neque ego tamen studium hac in parte veritatem perquirendi aut probabilia saltem consecrandi, reprehendò, sed de inexplicatis & dubijs contentiones & plane inimicitias (quemadmodum interdum fit) suscipi, & coniecturas suas vnumquemque assueverando certas atque firmas esse velle, & inhumaniter irasci, si de ijs ambigere aliquis forte audeat, Id vero & culpandum, & ab eruditione

E

ne do-

ne doctrinæ, imprimisq; religiosa pietate alienum esse statuo: Cum in omnibus, quæ ingenij acrimonia perspicere potest, mentis etiam acies præstringi & hebetare possit. Verum euagata hætenus expositio nostra & à proposito digressa, ad institutum prosequendum reducatur. I E S V S igitur cum primum Nazarethide discessisset multa edidit in Galilæa & apud Capernaitas miracula, & tum reuersus in urbem patriam, vt placet Epiphanio, in cœtu sacro aperto libro Esaïæ in illum eximium de Messia locum incidit, eumq; de se pronunciauit. Sed ciuium mox iniuriam & vim declinans, concessit rursum ad Capernaitas, vbi & domicilium habuit. Et deinde, cum eorum quos adiunxerat sibi, animos ac voluntatem ad sequendum sese confirmauit, tum alios etiam illorum numero addidit. Omnium autem quæ deinceps triennio docuit & perfecit expositio atque commemoratio est sacrorum librorum, quos reliquerunt auctore S A N C T O spiritu iij, qui ob hanc operam Euangelistæ nominantur. In quibus si quasi discordare quædam forte videantur, facile consensus reperietur ab ijs qui & negotia temporibus distinguere & ordine res disponere studuerint. Hæc igitur ab ijs, qui Christianos perhiberi se volunt, legenda &

da & cognoscenda sunt in libris Euangelicis, neque facere nos oportuit, quemadmodum supra diximus, ut hæc narratione nostra quasi retexere vellemus. Ad institutam autem à nobis historiam quod attinet, & satis multa dicta, & quæ restant illis applicanda iam sunt. Cum igitur Tiberius Romæ Imperium Regium teneret iam decimum Octauum annum, Antipa autem tetrarcha esset annos x x i. Septimo ferme anno præturæ Pilati, nam totos hic annos x. præses Iudææ fuit, ut scripsit Iosephus, tum igitur Iudaicæ gentis prauitas irritata salutare doctrina cœlestis veritatis, ad autorem salutis & vitæ I E S V M Christum interficiendum sese accinxit. Capita autem in religionis & cultus diuini administratione, hoc facinus conceperunt & hanc fraudem struxerunt, & nefariam eadem effecerunt. Quæ priusquam commemorarem, nonnulla prænarranda duxi, de quibus perspiceretur qui rerum status illis temporibus Hierosolymis fuerit. Herodes Magnus cum speciem quandam Iudaismi ad ostentationem retineret, veræ religionis ille quidem ignarus & plane contemtor, pro regio arbitrio alia etiam gerens atq; constituens, Sacerdotum quoq; ac pontificum designationem sibi totam usurpauit. Primumq;

Anaëlum pontificatu spoliat, & hoc ornat Aristobulum Hyrcani nepotem adolescentem. Quo mox inter natandum suffocato, restituitur dignitas Pontificis Anaëlo. Post hunc quidam Iosephum Fabetis F. nominant, cui scribit Iosephus ademtum Pontificatum fuisse collatum ab Herode Simoni Boëthi F. cum huius ille filiam vxorem vellet ducere. Simonem sequitur Matthias. Quem & ipsum priuauit Herodes hac dignitate & quendam Ioazarem affinitate sibi coniunctum illi suffecit. Tum natum IESVM Christum Nicephorus in Chronicis suis retulit. Sed Iosephi narratio hoc loco & succincta & inexplicata est. Qui quidem Matthiæ abrogatum pontificatum memorat paulo ante Herodis mortem. Secundum Nicephorum secutus fuit Eleazar Iesus, & hunc Oseas Ioazar. Successitq; huic Ananus qui est Annas. Quo remoto collatus fuit hic honor à Valerio Crato Ismaelo Fabis F. Et deinde Eleazaro Anani F. Et mox anno peracto Simoni Camithæ F. Cui deinde substituit Iosephum cognomento Caipham. Tum enim & venalis hæc dignitas & annuum munus istud esse cœperat. Quo quidem rursum loco series temporum intricatur. Nam hunc Caipham esse oportet anni illius Pontificem quo mortuus fuit & re-

& resuscitatus I E S V S Chrillus. Et hunc tamen scribit remouisse Vitellium Iosephus cum decedere iussisset Pilatum, ferme, secundum Iosephi narrationes, biennio ante mortem Tiberij. Vnde mihi cogitanti in mentem venit penes Anani & Caiphæ factiones fuisse tum Pontificatus honorem conductum illum quidem & redemptum à Prætoribus Romanis. In Apostolica historia Lucæ fit etiam Alexandri & Ioannis mentio, qui generis Pontificij fuisse perhibentur. Quare mihi quidem in tanta confusione rerum & penuria scriptorum quibus illa saltem diligentius indicarentur, fieri non posse videtur, ut aliquid certi constituatur in hac parte. Commemoratio tamen sic etiam præclare procedet. Nam, ut dixi, Cum essent Romani Domini orbis terrarum, & Herodes Herodis F. beneficio illorum regnum Iudææ teneret, & omnia apud Iudæos diuina & humana iura confusa essent: Cum neq; legum veritas custodiretur, neq; religionis sanctitas obseruaretur, reliqua quadam sola specie sacrorum rituum & Ceremoniarum, quibus in summa ignorance voluntatis diuinæ superbe & contumaciter gloriabantur: Cumque diuisus in sectas populus indies de via longius recederet, & in errorum atq; im-

pietatis exitium deferretur (Nam præter tres sectas illas notas, in alias quatuor etiam Epiphanius studia populi illius distracta fuisse narrat.) Tum igitur salutaris doctrinæ & vitæ ac salutis autor promissus populo Iudaico exhibitus fuit terris, & traditus à D E O immanitati & crudelitati civium suorum ea pertulit quæ mox commemorabimus. Doctrina autem veritatis æternæ quam explicuit & multis miraculis confirmavit I E S V S, cum se esse C H R I S T V M illustribus testimonijs sacrarum literarum & effectiōibus mirabilibus declarasset, capitibus continetur duobus, quorum vnum est legis diuinæ obligatio, ostenditur enim omnes homines violantes diuinarum edictionum aliquam, iusto iudicio D E I condemnari & habere iratum D E V M. Habere autem iratum D E V M tale est, vt in ea omnia tristitia & calamitosa & animi atq; corporis cruciatus summi contineantur, ita vt dum illa maneat, nulla liberatio aut subleuatio sperari possit. Cumque vniuersi in hac naturæ imbecillitate & occasionum iniquitate, delictis atq; peccatis implicari se sentiant, & in omnibus vitiosæ affectiōes à primo ortu insint, quib. animus & voluntas deprauata non potest ea præstare atque efficere, quæ lege diuina præcipi-

præcipiuntur & exiguntur, restat vt legis diuinæ quasi compedibus astrictum genus humanum miserrimam seruitutem seruiat, addictum perpetuis erroribus & peccatis. In qua & æternum in exitium rueret nisi misericordia propitij D E I liberatum conseruaretur. Hæc autem est liberatio, vt satisfiat voluntati D E I & placetur iusta aduersus peccata hominum ira ipsius. Quod recepit in se filius D E I & ad hoc in mundum venit, vt cœlestis veritatis esset testis apud homines & opus salutis nostræ absolueret. Vtq; nostra peccata & odium D E I ac iram sibi imponeret & ipse sustineret, & innocentia atque obœdientia sua reconciliaret D E V M merito infestum generi humano ob auersionem à se & cumulationem delictorum erga se illius. Itaq; omnes pœnas, quas luere hoc oporteret, ipse persoluit, & inimicitias inter homines & D E V M in se transtulit, & indignationem D E I subiit. Deniq; ea omnia egit atq; perfecit, quibus & æternæ iusticiæ D E I fieret satis, & per misericordiam reuocaretur caritas, & beneuolentia ac fauor confirmaretur. Atq; hoc alterum est caput doctrinæ Christianæ, veritatis cœlestis, & sempiterni consilij D E I. Quod & diuinam ipsam naturam cognoscendam, quatenus capax est mens

humana, proponit, & sententiam atq; voluntatem illius exponit, & cultum atq; venerationem quæ ei placeat, demonstrat. Et colligit eum cœtum & id corpus coagmen-
tat, cuius ductor & caput est ipse I E S V S
Christus, vbi perpetuo beneficia tanta ip-
sius cœlebrentur & doctrina exerceatur, &
inchoetur in terris vita & salus & felicitas
sempiterna, in sola hac vera & immutabili
religione pietatis erga D E V M & homines.
Ad quem cœtum qui aggregantur, ij quo-
niam sermonibus & doctrinæ C H R I S T I
(quæ est declaratio voluntatis & sententiæ,
vt dixi, & propter C H R I S T V M benignita-
tis diuinæ) fidem habent & religiose assen-
tiuntur, appellantur & sunt fideles, soloq;
illo freti & in sensu mortiferi mali medici-
næ opem hanc quærentes, & gratuito ob-
latam vniuersis cupide & libenter admit-
tentes, & ita C H R I S T I gratia & ipsi cari
acceptiq; D E O, vitam degunt quietam atq;
pacificam, in studio honestatis & virtutis,
in primis pietatis, non sibi iam existiman-
tes se, sed C H R I S T O & in hoc sibi conso-
ciatis, vel alijs quoq; omnibus mortalibus,
decurrere spacium vitæ suæ. Hæc est fides
sancta & salutis atq; vitæ efficiens, quæ ha-
bet fauorem æterni D E I propositum quo
refertur & quem spectat conciliatum gene-
ri hu-

ri humano à filio D E I Iesu Christo. Neque est via salutis præter istam vlla, neque alio nomine contingere hæc potest, quam I E S U Christi, eius, qui vt in se imposuit hominum delicta & ob hæc iustam iram D E I, ita meritam benignitatem communicauit & innocentiam instaurauit & vitam restituit vniuersis & requirentibus neque refutantibus, ij sunt qui C H R I S T I doctrinam & audiendam & pia assensione conseruandam putant, & in hanc veluti caulam se conferunt, quæ est religionis & veritatis communitas, & græco verbo Ecclesia nominatur. Retuli breuiter oratione inelaborata summam religionis & pietatis Christianæ, de qua semper fuere & futuræ sunt contentiones & dimicationes. Nam quorum corda S A N C T V S spiritus commouit, vt amplecterentur hanc doctrinam, quod est Euangelium regni D E I, ij ingente eam studio sequuntur, ita animati vt non modo facultates illius causa amittere, sed mortem etiam oppetere, si necesse sit, velint. Alij qui vel falsa persuasione sanctimonix, & superstitione aliqua capti, vel huius vitæ commoda ac voluptates expetentes, vel quacuncq; tandem contumacia duri ac præfracti, illi aduersantur: Cum progressionibus ipsius & opiniones suas euerti & spem emolumenten-

torum atq; vtilitatum præcidi, & rationes suas conturbari videant, ita sæpenumero efferantur, vt oppugnationem huius omnibus rebus, negotijs curisq; alijs præponant. Declarauit hoc omnibus temporibus furor & rabies aduersariorum doctrinæ huius, quæ cum sit antiquiss: doctrina, quippe sempiterna, tamen semper nouitatis nomine exagitata & repudiata fuit. Hominum enim illa certe vetustate nimis confirmatæ maliciæ & improbitati recens scilicet videtur. Est autem & per se scelerata vesania, opponere humanam vim potentiæ diuinæ, & miserabilis cæcitas animi, non cernentis id ipsum; quod effugere cupiant, hac acerbitate & vehementia allici & accersi. Quæ exempla alia si deessent, extaret vnum populi Iudaici omnis cogitationis atrocitatem superans. Hic enim, vt ad Historiam tandem reuertar, cum à CHRISTO ad vitam per doctrinam veritatis reuocaretur, maluit in errorum exitia præcipitari, & in hac peruersitate animorum atq; dementia autorem & ducem vitæ nefario scelere interemerunt. Cum enim & doctrinæ cœlestis explicatione, & miraculorum complurium designatione, & inprimis Lazari mortui in vitam restitutione, quem post tridui sepulturam euocatum è monumento Bethaniam

thanix excitauerat de morte, his igitur omnibus cum famam I E S V , quod Christus esset, crescere & augeri animaduernerent ij, qui cum factionibus principatum in populo occupatum tenebant, non differendam rem arbitrati, neque patiendum vt longius serperet negotium, consiliumq; habendum statuerunt, de tuenda sua autoritate & statu praesente, & C H R I S T O opprimendo. Huius consilij caput fuit Caiphas & factio Saducæorum cum quibus alijs temporibus alienissimi, tum & Pharisei consenserunt. Saducæi omnia bona malaque in hac vita consummari credebant, extinctoq; corpore nihil fieri reliquum hominibus neq; ullam naturam esse expertem corporis & animalis. Pharisei contra, post hanc demum vitam præmia contingere debita hominibus: Nam naturam esse animi in corpore mortali immortalem: Et futurum vt in vitam corpora quoq; resuscitentur. Esse autem & naturas expertes corporum inservientes D E O, angelos vocamus, & illi aduersantes atq; obtrectantes, qui Diaboli dicuntur, alteras beneficas & amicas generi humano, infestas & exitiosas alteras. Horum existimatio apud Iudæos eximia fuit, quod soli & legum secreta nosse, & sacros libros intelligere, & iura populi tenere, & religio-

religionem veram colere crederentur. Comuni igitur consilio & solenni coacto, Sy-
nedrium vocabant, quod & grauis: de re-
bus & singularibus casibus haberi solebat,
querelæ primum vsurpatæ fuere, de CHRI-
STO, qui tantam sibi multitudinem adiun-
xisset, & quæri cœptum, quo in re magna
& periculosa facto opus esset. Nam differ-
ri animaduersionem diutius nullo modo
oportere. Metuendum enim, nisi prouide-
ant, ne Romani crimine seditionis commo-
tæ, in suam potestatem regionem urbemq;
& templum ipsum redigere aggrediantur.
In hanc sententiam multis vltro citroq;, vt
fit dictis: Is qui Pontificatum tum gerebat
Iosephus Caipha: Quid nos, inquit, in re
manifesta multis verbis vtimur, vbi vero est
consideratio & sapientia consilij huius? An
dubium esse vlli potest, autore & duce è me-
dio sublato, affeclas celeriter dilapsuros, &
futurum esse statim hic modus vt residat?
Vnum autem hominem mori vt vniuersi
conseruentur, rectum esse omnes confitea-
mur necesse est. Hæc erat oratio Pontificis
non de ipsius sensu, sed prædictione verita-
tis, plane interpret diuinæ sententiæ, de
morte IESV Christi, vitam salutemq; alla-
tura populi illi, & quod ipse insuper diui-
nam quandam sobolem piorum hominum
vbique

vbique gentium locorumq; dispersam in vnum cœtum congregaturus esset, ad salutem, incolumitatemq; & vitam sempiternam. Sed deliberationis illius finis hic fuit, vt statuerent I E S V M interficiendum esse, occasio tantum patrandæ cædis vestigabatur. Itaq; I E S V S in loca minus frequentia incolis secessit, & discipulos abduxit secum, mansitque in vrbe aliquantisper quadam Ephraimide nomine. Iam autem prope aderat illa maxima & maximarum rerum memoriæ causa instituta festiuitas Paschatos, ad quam vndique ingens semper multitudo confluebat. Vbi cum non appareret, vt consueuerat I E S V S, aliqui cupidi doctrinæ ipsius vera animi affectione eum requirere. Principes autem populi suspicari illum fugam arrepturum, & ne elaboretur metuere. Et edicere, vt quicunque comperisset vbi lateret I E S V S, is indicium ad consilium publicum deferret. Sed iam confecto cursu in terris vitæ humanæ, ad mortem sponte sua I E S V S processit, & volens sciensque crudeliss: hostibus suis sese obtulit ad indigniss: cruciatus & mortem detestabilem per contumeliam & ludibria perferendam, Sed sibi aditum ad regnum cœleste & diuinam gloriam aperturam, & iratum D E V M generi humano reconciliaturam,

turam & tenebris mendaciorum dispulsis
Solem veritatis producturam, denique po-
tentiam & Tyrannidem Diaboli funditus
euerfuram. Ante ferias igitur Paschatos
die VI. venit Bethaniam in domum Mar-
thæ. Vbi hospitio acceptus & pro suis in
illam familiam eximijis meritis perbenigne
habitus fuit, propter singularem etiam pie-
tatem illorum & beneuolentiam erga se
valde eos diligebat. Erant sorores duæ
Martha & Maria, quarum altera hoc age-
bat atq; curabat, CHRISTVS vt bene atq;
prolixè tractaretur. Altera alijs ministerijs
neglectis, more gentis preciosum vnguen-
tum illi affundere solebat & ad pedes ipsius
residens auscultare docentem. Difficile est
pronunciare vtrum hæc illa Maria sit, an,
quemadmodum puto, non sit, quæ, nisi fal-
lor, Magdalena cognomento, nam & hoc
incertum, cum aliquando vixisset turpiter,
& apud CHRISTVM deplorasset peccata
sua, tanto flumine lacrimarum profuso, vt
his pedes CHRISTI abluerentur, deterfis
ijsdem & vnguendo perfusis, à CHRISTO
remissionem peccatorum fuit consecuta,
testante: De illa maximi erga CHRISTVM
amoris declaratione intelligi posse, in sum-
mis eam malis & grauiss. peccatis demer-
sam fuisse, quibus liberata non posset non
arden-

ardentiss. amore erga liberatorem suum
affici. Ibi tum igitur hospitio acceptus.
Cœnauit etiam apud Simonem quendam
cui leprosi cognomentum fuit, quod, vt
credibile est, cum illo morbo laboraret, à
CHRISTO sanatus esset. Hunc illum Pha-
risæum esse apud quem Maria desseuit co-
ram CHRISTO sua peccata, quidam fue-
re suspicati, & in quibusdam secretioribus
scriptis, lectum esse scripsit Nicephorus,
hunc Simonem patrem Lazari fuisse, vt &
Hierosolymis aut in alia vrbe quapiam do-
micilium habere potuerit, cum esset Betha-
niensis. Nam in huius vrbe narratur impu-
dicitia illam infamem fuisse fœminam sup-
plicem IESU. Veri tamen est similis & a-
lium istum Simonem, & diuersam Megda-
lenam esse. Sed hæc curiose quasi rimari
necesse non est. Itaq; ne seriem quidem
dierum persequendam duximus, vt aliqui
fecerunt, ab eo max. tempore quo CHRI-
STVS ad Iordanem secessit deuitans infi-
dias & vim Iudæorum. Hoc constat, inde
Bethaniam illum venisse & Lazarum de se-
pulcro resuscitauisse in vitam. Post hoc fa-
ctum iterum secessit declinans rabiem Iu-
daicam, in urbem Ephraimidem. Et inde
sexto ante Paschatos festum die, reuersus
Bethaniam fuit. Ibi Iscariota preciosi vn-
guenti

guenti profusione iritatus, aduersus Magistrum suum fraudem capitalem concepit. Neque dolorem suum potuit tegere, & alios etiam discipulos ad improbandam rem commouit. Nam detrimentum hoc esse pauperum dictitabat. Sed ipse qui pecuniam communem tractaret, non egentium sed commodi sui respectu tangebatur. Quod suffurari semper aliquid de collata pecunia soleret. Poterat, inquit, istud vnguentum venire nummis mille ducentis. quę summa tota nunc vsibus pauperum detrahitur. Sed **CHRISTVS** grauis. tum & veris. oratione huius iniquitatem & aliorum errorem refutauit. Iscariota tamen lucrum illud cuius spes ipsum fuerat frustrata, sciendum sibi esse statuit. Execranda igitur prauitate animi & odio scelerato **CHRISTVS** impulsus, venit ad principes populi Iudaici, quærentes illos quidem iamdudum opportunitatem arripiendi atque extinguendi **CHRISTI**, & de proditione cū illis paciscitur, cuius fuit merces tum huic constituta **XII. M.** nummum, summa ad vnguenti precium decupla. Hęc autem tempora ita distingui recte posse videntur, vt ante Azymorum id est Paschatos festum die sabbati **CHRISTVS** Bethaniam venerit & ibi hospitio Martę vsus fuerit: Posterorq;

steroque die asino inuectus Hierosolyma
obuiam habuerit turbam cum ramis pal-
marum & latis acclamationibus, quando
& calamitatem & exitium gentis & vrbis
deplorauit. Inde cum rediisse Bethaniam
apparet, vno quidem & altero die iterum
ad noctem, cum tempus diurnum docendo
populum in templo consumsisset, & acce-
ptum conuiuio Simonis, & ad profusionem
vnguenti iteratam (nam sæpe hoc officium
præstitisse Mariam C H R I S T O dubium non
est) incensum dolore Iscariotam, ad pactio-
nem prodicionis decurrisse. Quæ incidet
secundum hanc diuisionem, in prox: diem
ante Pascha. Quo loco rursus & de die ip-
so & de anno nonnihil est dicendum, hoc
fiet breuiter. Nam Epiphanij curiosa ex-
quisitio nihil habet firmitatis. Qui mortem
pertulisse scribit C H R I S T V M anno ætatis
sue x x x i i. Mense i i. die x i i i i. Et niti-
tur demonstrare Lunam decimamquintam
fulsisse noctu resurrectionis C H R I S T I, &
in illam incidisse æquinoctium. C H R I-
S T V M autem affixum fuisse cruci in ante
diem x i i i. Cal. April. Luna nocturna de-
cimaquarta Cofs. Vindicio & Cassio Lon-
gino. Hæc ab illo & obscure & subtiliter
referuntur, vt ad intelligendum singulari
studio & ingenio opus esse videatur. Idem

ex actis Pilati alios alium diem supplicij obseruasse narrat. Ipse quidem vt diebus xiiii. posteriorem natalem CHRISTI quam alij, ita vi. diebus priorem facit mortem. Nam quod ad annos consulares attinet, nihil est ratione illa incertius neq; confusius. Vt mirum non sit alios hoc tempus, de quo loquimur, retulisse in consulatum duum Geminorum, alios in proxime secutum Vinicij & Longini. Non etiam nullos in tertium deinceps Aenobarbi & Scriboniani. Quippe qui annos illos singulos & integros & æquales sumserint. Quod verum non esse cum alia multa arguunt, tum id quod Dion scripsit in Tiberio, verba de Aenobarbo faciens, hoc quodam modo: Domitius sane annum magistratum confecit, ceteri magistratum gessere Tiberij arbitrio. Qui ita honorem istum mandabat, vt alij longiore, alij breuiore tempore eo perfungerentur. Itaque quibusdam celerius & ante legitimum tempus magistratum ille abrogabat, quibusdam vltra hoc etiam prorogabat. Hactenus Dion. Vnde liquido perspicitur, ea quæ temporibus distinguuntur, annis consularibus diuidi definiriq; non oportere. Hæc igitur relinquamus. Id autem in quo omnes fere consenserunt, & quod cuiq; consideranti

deranti maxime probabile apparet, teneamus: **C H R I S T V M** Iesum triennio post Baptismum docuisse, & doctrinam suam miraculis confirmasse, & pascha celebrasse cum suis 1 x. Cal. Aprilis vesperi. Et illa nocte proditum captumq; & contumelia ac cruciatu multiplice affectum v i i i. Cal. supplicium crucis pertulisse, & v i. Cal. ante lucem resurrexisse de sepulcro viuentem. Neque hinc longe illo tempore æquinodium abfuit, & ratio Lunæ ad Paschatos ferias cum hac dierum serie consentit. Subtilitatem autem per omnium scrupulorum momenta, exquirere velle, curiositatis fuerit, ne quid aliud dicam, superuacaneæ. Annum autem hunc fuisse oportet x v i i i. vel vertentem vel confectum (haud enim scio an definiri hoc nequeat) Imperij regij quod Tiberius Romæ gessit post vitricum. Aetatis autem **C H R I S T I**, vt Epiphanius collegit & Euangelicæ narrationes videntur confirmare x x x i i i. inchoatum. Nam siue vt Epiphanius tradit, in Nouembri, seu alio tempore Baptismo Ioannis vsus fuit **C H R I S T V S**, erit hic annus ætatis ipsius x x x. Hoc tempus secutis proxime ferijs Paschatos, indignatione ingente commotus ob templi loca sacra actionibus negotijsq; profanis violata, & vim manifestam

vsurpauit primum aduersus impium quæ-
stum mercatumq; deformem, & illos gra-
uiss. sermones de morte & resurrectione
in vitam sua & salutare conciones habuit,
quibus multorum animos ad religionem &
fidem conuertit. Post annui temporis in-
teruallum erit secundum Pascha celebre
præsentia & doctrina CHRISTI. Quo ap-
petente panibus multiplicatis illam multi-
tudinem millium v. pauid ad Tiberiada. Et
postea mirificis illis sermonibus de necessa-
rio ad vitam cibo carnis, & potu sanguinis
sui nonnullos alienauit à se. Tertium au-
tem pascha anno vertente illud quod pera-
gere cum discipulis desiderio maximo de-
siderauerat, antecedit mortem & in vitam
resurrectionem ipsius. Hac igitur ratione
colliguntur anni x x x i i. Menses i i i. fue-
re tamen, qui anno vno longius vitam hu-
manam in terris CHRISTI producerent
& quartum facerent Pascha; id quod nos
tertio loco retulimus, qui & ipsi vt certis
rationibus ducuntur, ita nobis videtur
cruciatus, mortem, & in vitam resuscitati-
onem CHRISTI in tempus à nobis indica-
tum incidere. Hactenus igitur hæc scruta-
tos nos esse satis sit. Cum quidem non igno-
rem verbosas disputationes & subtiles atq;
varias exquisitiones aliorum. Inter quos
Paulus

Paulus quidam Batauus fori Sempronij episcopus, & retro annos Chronicorum abducit, duos adiungendo, & docere vult III. Cal. April. CHRISTVM in cruce esse mortuum, vt Cal. surrexisse oporteat. Quæ autem perhibentur referri ab Irenæo, quasi tradita à Ioanne apostolo, de ætate Christi senili, & maiore annis x l. qualia sint nequeo decernere. Nam Irenæi scripta nobis legere non contigit, conuersis autem operis istis quantum fidei habendum sit, docent eæ, quas cum ijs vnde tralatæ fuerunt, conferre conceditur. Sed de his hæcenus. Nunc historiam prosequamur. Illis sex diebus qui antecesserunt hoc Pascha verum & æterno DEI consilio ad liberationem humani generis destinatum, cuiusq; causa tales ritus & cæremonias Moses diuinitus facere iussus instituerat, CHRISTVS Hierosolyma venire non omittebat ad publicam doctrinam exercendam. Sub vesperam autem Bethaniam, quæ ad mortem oliueti sita duobus M. Pass. Hierosolymis distabat, reuertebatur, vbi pernoctare solebat. Nunc peruenit narratio ad vltimam cœnam Christi in terris, illam in qua nouum & æternum pactum salutis humanæ confirmatum fuit. De qua & ipsa quæri solet: Vtrum ritus præscriptus à Mose in comedendo agno-

tum obseruatus & peractus fuerit, cum cœnæ tantum & discubitus mentio in Euangelicis historijs fieri videatur : Ab Euangelista Ioanne autem plane dicatur, Iudæos noluisse introire in prætorium ne contagione polluerentur, cum manducaturi essent agnum Paschalem, id autem factum fuit postridie. Ac Epiphanius rem, vt dixi, nequaquam explicat. Quidam autem docuerunt illis temporibus ferias solennes cum Sabinis Iudæos non continuare solitos, itaque hoc festum, quod tum in diem proximum ante sabatum incideret, quem **CHRISTVM** seruasse volunt, contulisse in sabatum, cuius initium ea vespera fuit sub quam **CHRISTVM** refixum de cruce sepe-
lierunt. Quod autem Ceremonias etiam inter cœnandum in agno comedendo diuinitus præceptas nequaquam neglexerint, de ijs verbis planum fieri putant, quibus narratur à Luca testatum fuisse Christum desiderium suum illius temporis celebrandi cum discipulis ante mortem suam. Sed cum Ioannes dicat suspicatos fuisse discipulos dimitti Iudam ad coëmenda ea, quibus ad festum diem celebrandum opus esset, hanc cœnam pridianam fuisse ante pascha opinari aliquis posse videatur. Explicat tamen rem id quod à Matthæo dicitur. Discipulos
primo

primo die Azymorum accessisse ad C H R I -
s t v m & percontatos esse: vbi vellet in-
strui cœnam Paschalem. Hæc autem fuit
tertia ante sabbatum, & consentit nûmerus
dierum expositus à Ioanne. Inter cœnam
etiam pedes discipulorum lauit. Et di-
gresso Iuda, ibidem, & abiens ad preces
trans torrentem Cedrona, multa locutus
cum discipulis, tandem profunda nocte
proditus & captus fuit. Adductusq; pri-
mum ad Ananum, qui est Annas, socerum
Cayphæ, cuius erat functio anni illius, &
inde coram Caypha in eum acerbissime in-
quisitum. Tum & noctis reliquum tempus
contumelijs & iniurijs consumptum, & vt
prædixerat C H R I S T V S, ter negavit Pe-
trus quod eum nosset. Neq; obstat quod in
Ioannis narratiane legitur, primum ad A-
nanum adductum C H R I S T V M, & ab hoc
vinctum ad generum missum fuisse. Nam &
ministros sceleris cupide læticiam euentus
huius Anano obtulisse, & in captum ab eo,
qui tum honorem Pontificatus gereret, in-
quiri oportuisse facile intelligi potest. Etsi
in ipsius etiam Anani ædibus rabiem Iudai-
cam intulisse se in C H R I S T V M non abhor-
ret à vero. Et penes hos duos tum princi-
patus ille erat quæsitus & partus à Roma-
nis Magistratibus pecunia, vt diximus. Ita

igitur explicari res, facile, ut opinor, poterit. Sed à Caypha de sententia omnium, id est consilij illius solennis, deductus ad Pilatum prætorem Romanum & atrocissimè accusatus fuit CHRISTVS. Neque prius destiterunt principes populi Iudaici, & falsis criminibus onerare CHRISTVM, & instigare ab huius condemnatione abhorrentem Pilatum, petendo & minando & omnis generis turbas in multitudine concitando, quam ad sententiam in caput innocentissimi, confessione iudicis quoque, hominis ferendam hunc perpellerent. Etiam Iudas proditor mutato animo cum poeniteret iam facinoris, pecuniam retulerat, confessus, se nefarium scelus prodicionis perpetrasse, qui derisus se suspendit. Cum CHRISTO duo sicarii ad supplicium ducti & affixi crucibus fuerunt, ita positis ut medius esset CHRISTVS. Supplicij huius memorie consecratus dies est VIII. Cal. Apr. quo mortuum in cruce CHRISTVM certum esse existimatur. De altero ex sicariis qui obiurgauerit socium maledicentem CHRISTO, & cui tum beata vita promissa fuerit, mentio extat Lucæ, qua explicatur id quod alij mentione indistincta sicariorum retulerunt. Circiter diei horam tertiam CHRISTVS damnatus capitis, ad supplicium

plicium ductus & cruci affixus fuit, is est meridies. In cruce vixit horis circiter tribus. Neque obstat quod Marcus, ubi ad supplicium ductum fuisse scribit, horæ tertiæ mentionem facit. Cum ab exordio accusationis & rei coram Pilato actæ tantum tēporis tum abiisse, aut notam ternarij numeri, pro ea quæ senariū indicat, inter quas magnam esse similitudinem scimus, à librario positam esse, suspicari liceat. Post horam sextam & terra moueri & Sol obscurari & illa accidere, quæ in historia Evangelica memorantur. De defectu Solis admirabili plenæ Lunæ tempore, extant quædam in Epistola præferente Dionysij Areopagitæ nomen, scriptæ ad Polycarpum, ubi & accessions Lunæ ad Solem & ab hoc recessions, in Aegypto quoq; notatæ; mentio fit. Addiderunt alij de terræ motu hoc in græcorum libris aliquid legi. Sed nobis Evangelica historia vna fidei satis facit. Hora nona mortuo in cruce CHRISTO mansit inuiolatum corpus ipsius, nisi quod latus à quodam milite percussus lancea fuit. Inde illud refixum sepulturæ mandatur, instante iam Sabbato, exordia enim dierum præcedentes noctes Iudæi faciebant, ut dies integer esset à vespera ad vespèram. Ita manifestum fit sepultum ad eius dici-

vesperam CHRISTVM, quo in cruce esset mortuus, in sepulcro particulam illius reliquam, & sabati diem totam, & sequentis etiam diei partem quandam confecisse, vt simpliciter verum sit tertia post mortem die eum in vitam resurrexisse. Et in communi sermone etiam vsitata figura recte dicatur, triduo iacuisse in sepulcro. Sequitur expositio resuscitati in vitam Christi, qui mortuus & sepultus cum descendisset ad inferos, resurrexit viuus de monumento, die tertia, secundum vaticinationes antiquas. Hæc res & omnem cogitationem sapientiæ superat, & sola eos qui assentiuntur religiose doctrinæ cœlesti ab alijs separat & facit peculiarem cœtum DEI: confitentes CHRISTVM Iesum mortem per tulisse pro abolendis peccatis hominum, & resurrexisse in vitam vt beneficium iusticiæ præstaret perpetuum, in omnipotentia diuina. In qua persuasione & spe Christiani & degunt hanc vitam quisque suo loco, tanquam hospites & peregrini in terris, & eandem fortunasque & quicquid carum esse hominibus solet, non verentur relinquere, potius quam fallere fidem assensionis & hanc spem frustrari dubitatione sua, præsertim cum certum eis & fixum sit, hunc solum esse cultum qui Deo placeat, vt Christi doctrinæ

doctrinæ auditores & executores homines
esse studeant. Hæc est igitur ingens humi-
litas cœtus Christiani. Non modo pre-
mi à potentia huius mundi, & esse sine re,
dignitate, honoribus, sed id etiam quo hu-
mana omnis excellentia continetur, labe-
feri atq; conuelli, mentis inquam & ratio-
nis & intelligentiæ diuinum bonum. Non
est difficile si deliberatum & animo consti-
tutum sit & fieri debere videatur, contem-
nere opes, regna, honores, diuitias, splen-
dorem & dignitatem vitæ, ipsam etiam
mortem oppetere: dum ratio vincat, no-
bis sapientiæ & virtutis laudem conciliari.
Potuere hoc multi facile perficere, inter
quos eximij, Crates, Diogenes, Socrates,
& Romanorum Curij, Fabricij, Decij, Re-
guli. At ea quæ omnem intelligentiam
euertunt & conturbant, amplecti, & ad
propriam in terris abiectionem & miseri-
am, vt alij omnes sentiunt, assumere, &
contra mentis humanæ iudicium niti, & fi-
dem habere, ac spe inhærere, & fretum esse
ijs, quæ à rationis nostræ captu vehemen-
tius resiliunt quam ferreus malleus impa-
ctus incudi, id profecto & mirabile est &
maius consilium quam humanum. Qua-
propter tota religionis nostræ veritas lon-
giss: non solum à falsitate aliarum, sed stu-
dio

dio & industria sapientiæ humanæ separanda est. CHRISTVM igitur resurrexisse de sepulcro viuum, quem mortuum depositum in illo fuisse constaret, & prædictiones priscae interpretum SANCCTI spiritus, & illustria testimonia eorum quibus compertum fuit, probant & nos credimus. De quo copiosæ sunt expositiones Euangelicæ, sed diuersorum diuersæ. Quoniam autem eius rei fama, & consideratio, animos eorum, qui CHRISTVM sectati fuerant, euentuq; mortis ipsius ingentem dolorem coeperant, mirabiliter affecit, & tum necesse est omnia trepide, festinanter, confuse gesta fuisse, ideo factum fuit, vt expositiones etiam, præsertim inelaboratæ & ex tempore confectæ, illorum, non quidem contrariæ, ita enim vna alteram euerteret, sed in mentione varia non eadem essent. Distinctæ autem personis & diuisæ temporibus res illæ facile poterunt cogitatione piorum explicari atq; componi. Ac primum dubium nullum est de tertio die, quo redijt in vitam CHRISTVS mortuus & sepultus. Is erit post Iudaicum sabbatum proximus. Tempus autem certe incidet in noctem iam decedentem. Neq; intelligendum mulieres quarum mentio fit in historijs Euangelicis simul accurrisse ad monumentum vniuersas,

uerfas, neque vno quali momento temporis
ea accidisse quæ Euangelicæ expositiones
congerunt. Sed aliquas ante diem & per
noctem, aliquas cum iam lucefceret, atque
adeo sol conspiceretur, quo certius omnia
cognoscerentur, illuc aduenisse, & cætera
inter spem & metum fluctuante fide, mul-
tifariam acta esse. Surrexit igitur Christus
die tertio de sepulcro, & obtulit se viuum
conspectui mulierum, itemq; Petri, & alio-
rum tam de duodecim illis quam discipulis
cæteris, à quibus simul quingentis & plu-
ribus, & rursus à Iacobo & Apostolis vi-
sus. Cumq; suis in terra post id tempus,
quo resurrexerat de sepulcro in vitam, ver-
satus diebus x l. deq; regno D E I colloca-
tus, & fide facta quod reuixisset, ita tandem
illis aspicientibus in cælum receptus fuit,
subeunte nube, qua ex oculis omnium au-
ferretur. Huius in cælum discessionis di-
em, quam ἀναλήψιμον Græci nominant, facit
Epiphanius diem illucescentem quartam, id
est, πρὸ τετραδά. Et ideo ieiunium putat hoc
die ab Apostolis institutum, secundum id
quod C H R I S T V S dixisset, eos ieiunaturos
amisso se. Quod sane dictum quam apte ad
hanc rem accommodatum sit, alijs relinquo
expendendum. Post hæc cum fama de I E S V
Christo indies magis ac magis increbresce-
ret,

ret, cumq; & resurrectio de morte diuinitatem illius confirmaret, & facinus patratum Iudæis vbique terrarum maius odium maioremq; infamiam pareret, tum illi gemina audacia impietatis, quemadmodum ante pecunia corruperant custodes sepulcri & per hos dissiparant rumores de corpore IESU furtim à discipulis ablato (qui tamen fidem non inuenerunt, cum id quod omnes intelligerent fieri nullo modo potuisse, falso factum esse narraretur) Ita postea subornarunt quosdam peregrinatores, qui omnibus in locis reclamarent doctrinæ veritatis & præconio Euangelij resisterent, Et cum suos populares tum alias gentes commouerent, vt Apostolis & horum discipulis tanquam seditiosis & autoribus nouitatis perniciosæ, sese opponerent. Ex quo maxime primum ab ipsiſ Iudæis, qui tum aliquid adhuc possent, ortæ fuerunt aduersando contentiones vehementes, & animaduersiones susceptæ, & quæstiones habitæ de doctoribus Euangelij, quæ ab alijs deinde gentibus potentioribus doctrinæ exagitatio, & huius autorum insectatio, ad summam sæuitiam & crudelitatem adducta est, & testes resurrectionis CHRISTI, ac præcones gratuita peccatorum propter illum remissionis, exilio, cæde, sup-

supplicijs, vexati atque afflicti, reddiderunt ea quæ oppressa alij cuperent, illustriora & magis celebria. Interea quadraginta ferme annis post I E S V Christi peractum in terris cursum, Iudæorum reliqua qualiscunque gens penitus dissipata, captis Hierosolymis à Tito Vespasiani F. & post annos rursum amplius x l. ausa denuo concurrere & arma capere, ita concisa & sic deleta fuit, vt post illud tempus nullam vsquam in orbe terrarum certam sedem, nullum proprium domicilium, non libertatis aut iuris speciem habuerit, & nunc quoque exul & seruilis natio neque D E I religionem tueatur, & in omnium pene mortalium odium, qui eos abhorrentes fugiunt, incurrerint. Nunc hoc reliquum est, vt quemadmodum I E S V M Christum de morte resurrexisse in vitam & receptum esse in cœlum constat, Ita expectemus reditum ipsius ad iudicium; quod fiat de toto genere humano, ipso præfidente & sententiam ferente, de suis & de alienis. Quo die vt appareamus coram illo digni, quibus decernatur æterna possessio regni cœlestis, in sancta & firma fide, votorum pietatis opus est. Quidam in facie & statura I E S V Christi describenda diligentem operam posuerunt Et feruntur nescio quæ scripta Lentuli & ipsius Pilati titulo, ficta,

ficta, vt facile considerantibus apparet. Nicephorus tamen qui antecedit ætatem nostram annis circiter DC L. retulit ea quæ de illius historiæ libro primo sumus interpretati. Ea sunt quæ sequuntur. Facies & figura DOMINI nostri IESV Christi, secundum veterum demonstrationem, talis fuit, vt breuiter indicemus. Ore valde fuit pulcro. Statura seu altitudo corporis septem dodrantum integrorum. Capillum habuit flauescens, non admodum copiosum, honestum illum quidem, & quasi in cirros desinentem, vt aliquantulum crispus videretur, supercilia nigra admodum inflexa. Oculos nitidos & paululum flauescens. elegantes illi erant, & nasus rectus. Pilos autem barbæ non valde profundæ flauos quodammodo: Sed prolixioris capitis gestabat capillum. Nunquam enim attigit caput ipsius nouacula, ne hominis quidem manus omnino, præterquam matris nutricis paruuli. Ceruix nonnihil reflectebatur, vt statura corporis erecta & intenta non esset. Color fuluus qualis frugum est, facies oris non rotunda, sed maternæ similis parum deorsum vergens, & modico rubore conspicua, vt appareret in vultu grauitas & sagacitas ingenij, itemq; mansuetudo & animus iracundiæ expers, per omnia autem
refere-

referebat diuam & omni labe carentem matrem suam. Hæc Nicephorus. Quæ tradita sunt de significatione Pilati, & Tiberij Cæsaris voluntate in referendo C H R I S T O inter D E O S, & recusatione senatus, habent illa quidem autorem Tertullianum, sed nos in medio relinquenda, neq; nostræ narrationi intexenda putauimus. Quod si ita res gesta est, existimare licet, diuino consilio factum fuisse, ne verus & æternus D E V S humana superstitione inter falsos D E O S consecraretur. Cuius nomen omnem impium cultum oppresurum esset. Ne illa quidem addenda duxi, quæ de Abgari Edesseni apistola & statua I E S V & abiectæ ad pedes ipsius sanatæ mulieris laborantis fluxione sanguinis, Eusebius exposuit, quæque nescio quo autore feruntur, de matris ipsius explorata virginitate, & de dignitate C H R I S T I sacerdotali: Similiter & quæ de imagine linteo expressa, & ad Abgarum missa à I E S V, quam alij nescio in cuius Beronices velum impressam fuisse fabulantur, scripta reliquit Nicephorus. Sunt enim eiusmodi vt ad necessariam cognitionem nihil afferant momenti, & calumniandi etiam cætera occasionem præbere possint. De matre quidem I E S V virgine Maria, credamus sane id quod & Nicephorus tradit,

dit, habuisse illam perentes Ioachim & Annam. Et, si videtur, id quoque quod similiter hæc ut Helcanæ vxor sterilis impetrauerit precibus suis à Deo sobolem, & hanc illi consecrauerit. Itaque in templo Mariam educatam, & ita tandem virginitatem ipsius ut dicatam Deo, custodiæ Iosephi senis optimi & sanctissimi commissam fuisse. Adjungantur sane & hæc: Peruenisse virginem matrem Iesv, ad annum ætatis LIX. Quod nata annos tres in templum delata, & ibi XI. anniseducta, & mox, ut diximus, Iosephi fidei à Sacerdotibus desponsata, annos XV. nata pepererit saluatorem humani generis. Accedant anni XXXIII. quibus filius Iesvs confecit cursum in terris suum, post cuius mortem superuixerit annis XI. accepta in ædes Ioannis Zebedæi F. ita enim cõsummantur expositi anni LIX. De morte ipsius Epiphanius duas opiniones diuersas indicat. Vnam quorundam arbitrantium hanc ferro necatam fuisse, ut supra ostendimus, odio nimirum Iudæorum in filium. Alteram eorum qui & mortuam & supul-tam esse perhibeant. Sed cum illa decedente forte Thomas abfuisset, ac reuersus dolore incredibili afficeretur, quod non vidisset morientem, statuisse cæteros monumentum aperire & exhibere aspiciendum corpus

corpus virginis Thomæ, tum vero inane illud inuentum esse. De quibus disputatione longiore nihil est opus. Concludam igitur hanc historiam descriptione formæ & staturæ virginis, quam Nicephorus ad Epiphanium autorem retulit. Honestæ omnia erant in hac virgine, quæ pauca & non nisi necessaria loquebatur. Morigera eadem erat & affabilis. Vniuersos afficiebat honore & comiter se gerebat erga quosuis, statura mediocri. Sunt tamen qui tradant mediocritatem hanc excessisse. Libertate decente orationis apud omnes utebatur. Non risui indulgebat, non perturbabatur, ac irascebatur minime. Colore erat frugum simili & capillo flauo, oculis honestis, pupillas flavescente & veluti oleagino orbe ambiente, & prorsus nigris obducentibus supercilijs. Naso recto, labris tinctis florido colore, & refertis suauitate orationis. Oris faciem non habebat rotundam sed quasi oblongam, Digitos & manus longiusculas, nihil in illa fastus, nihil alienæ figuræ, mansuetudo immensa. Vestes gestabat natiui coloris, ijsq; contenta erat. De Iosepho Epiphanius tradidit, annum hunc octogesimum natum, sanctam virginem domum suam deduxisse, & post annum xii. CHRISTI obijisse diem suum. Quæ si vera

sunt, excessit Iosephus viuendo annum nonagesimum, & pluribus annis quam viginti, post huius obitum viua in terris permansit Maria virgo. Quæ tamen omnia in medio relinquo, vt ea, quibus neq; necessaria assensio debeat, neq; si quis fidem habere velit, is reprehendendus esse videatur. Narrationes autem tam veteres quam recentes de pueritia atq; adeo infantia Iesv, itemque de beatiss. & sanctiss. virginis Mariæ partu & quæ alia superstitioso & inerudito studio prodita sunt, plane repudiemus, quæ seuera Ecclesiæ Christianæ consideratio nunquam admisit, & Romanæ quoq; Ecclesiæ diligentia & attentio animaduertit nugatoria esse, & vna cum similibus alijs quibusdam scriptis damnauit legiq; vetuit. Deprehensum quoq; est, illis hæreticorum protentosa commenta fuisse prolata. Vt, quæ ab Epiphanio memorantur, interrogationes maiores & minores Mariæ. Itemque Mariæ *Ἰούνα*, Nescio partus ne angelus, Et nescire volo, cum cognitio nocere posset, vtilitatis illa quidem penitus expers. Quæ autem superioribus proximis ætatibus in hoc genere expositæ narrationes fuisse nouæ, de ijs vere dici potest: Multo esse nequiores has quam nummos nouos. Nam pudendis fabulis superstitiones fœdas vel
consti-

constituerunt vel cumularunt. Vnde fac-
tis ridiculorum occasione data, ita existi-
matio dignitasque sanctæ Religionis labefa-
ctata fuit. Non tamen fabulis atque nugis
referta abijciendo, veritatis etiam vestiga-
tionem intermitteri par fuerit. Ac multo
quoque minus negligi debeat eorum, quæ au-
toritatem non dubiam habent, pia religio-
saque meditatio. In quibus principem lo-
cum tenent historiæ & expositiones sacra-
rum literarum abducentes cogitationem
animi à præsentibus & terrenis ad futura
atque cœlestia, & non implicantes diuina
commentationibus humanis, sed illa ex his
potius euoluentes. Et adiunguntur fru-
ctuose enarrationes attentæ religiosi studij,
cuiusmodi piæ & vtilis quorundam lucu-
brationes extant. De quo modo plura di-
cenda non putauimus. Quia autem imagi-
num mentionem feci, non putaui reticen-
dum, has in Ecclesiasticis congregationi-
bus passim & inconsiderate vel temere et-
iam proponi, periculo neutiquam carere.
Etsi enim dum pura sinceraque doctrina per-
manet non solent nocere, vel imaginum or-
namenta, vel aliæ quoque superuacaneæ ce-
rimonix, optimum tamen erat, ad primam
integritatem quam proxime statum Eccle-
siasticum reuocare. Et mirifica est vulgi

ad errores procliuitas, & insidiosæ atque fraudulentæ sunt Diaboli impulsiones. Ut in hac quoque parte pietatis religiosæ circumspectio & cautio necessaria sit. Quemadmodum enim, secundum prouerbum, Cæcias ad se nubes trahit, cum sit ventus serenans, sic speciosæ nonnunquam actiones errorum caliginem alliciunt. Scripsit Eusebius de imaginibus quædam. Cumq; studium illud non vellet repræhendere, non tamen probare potuit: itaq; excusare est conatus. Scripsit Epiphanius Carpocrasios hæreticos occulte venerari cum aliorum imagines, tum CHRISTI, quas fabularentur expressas esse à Pilato. Etiam ex Cæsariis quendam antiquis, in larario suo habuisse consecratam imaginem CHRISTI, traditur. Pingantur sane hæc ingeniosorum venustis coloribus, & commode interpretando perficiat aliquis, ut in meliorem partem accipiantur, quo tamen res euaserit patet, neque manifestæ impietatis nefaria sceiera occultari amplius possunt. Ut enim alia non attingantur, quid de autore salutis nostræ DOMINO Iesu Christo, & huius sanctissima semper virgine matre acciderit, contemplemur. Repræsentatum persuasionem exitiosa venerandum corpus illius est, extra usum ab ipso institutæ communio-

munionis & communicationis in Ecclesiasticis congregationibus. Et idem in sacrificia implicatum mercenaria, ritu ab ordinatione I E S V Christi & apostolica observatione abhorrente, mutilata ad vulgus sacratissimæ actionis integritate. Proposita non ad custodiam & honorifice memoriæ reuerentiam, sed & ad adorandum & venerandum cultu numinis diuini fragmenta fuere passim Crucis, in qua pependisse persuaderetur vulgo filium Dei Dominum nostrum I E S V M Christum consummatum opus redemptionis generis humani, & præbentem se mactandam victimam pro peccatis illius propositæ simili superstitione sunt & clauorum alicubi effigies, quibus sanctissimum & innocentissimum corpus C H R I S T I affixum cruci fuisset. Ac est locuta antiquitas etiam, recentior illa quidem, de inuenta cruce & agnita, deq; clavis adeo istis quædam narrauit minus circumspicte, nimisq; credulam sese præbuit superstitionis rumusculis temere assentiendo, neque vera à falsis, neque vana à fictis, neque sincera à fucatis recta incisione separando. De quo plus verborum fieri hoc loco oportere non putauimus. Sunt autem hæc omnia & his similibus alia disputationibus callidis ita concinnata, vt plæ-

risq; facile probarentur, utq; adeo docti non auderent refragari, accedente præsertim & confirmante ea autoritate & potestate summa Ecclesiasticæ dignitatis. Atq; est credibile commentis istis religiosum cultum & venerationem CHRISTI Iesu, aliquos augere voluisse. Sed siue scientes falsa esse illa asseruerunt, magnopere ut contaminatores puræ doctrinæ sunt vituperandi. Seu in ignorantia tantarum rerum inconsulto huc prolapsi fuere, valde deploranda est stoliditas vel dementia vel audacia. Iam sanctissimæ & honorificæ inprimis memoria colendæ celebrandæq; semper virginis matris IESU Mariæ peruersa veneratio tabulis figendis & statuendis simulacris, & offerendis, dedicandis, consecrandis his aut illis, votorumq; etiam obligatione, ad quas superstitiones euaserit, nemini iam est ignotum omnium, nisi qui puerili pertinacia demonstrata & ante oculos posita cognoscere nolunt. Et sunt hæc mala à superstitione mulierum (quemadmodum indicabimus narrasse Epiphanium) nata, cui qui assentarentur, & eam corroborarent aliqui viri. fuitiles atq; improbi fuere inuenti. Neque est recens pestis istius contagio, sed inuasit ea sanam doctrinam ante multa sæcula, & medicina aduersus
illam

illam salutari piorum doctrina iam pridem
ostensa est. Qualis & Epiphaniij extat refu-
tantis Collyridianos, vt mirandum sit tam
absurdas opiniones postea existere potuif-
se, & susceptas esse tam atroces capitalium
odiorum contentiones, de vsu cultuque
imaginum, & opis auxilijsq; sanctorum ho-
minum morte iam obita imploratione. At-
que haud scio an de toto hoc genere præ-
clarissime ille autor hæc scripserit, in di-
sputatione contra eos, quos Antidicomat-
itas appellat, quasi disceptatores de san-
ctitate virginis Mariæ. Quæ duxi me in La-
tinum sermonem conuersa hoc loco vtili-
ter subiecturum esse. Neq; ego tamen vel
minus clementer de sanctis hominibus mor-
tuis, quos *μακαρίτας* Græci egregio nomine
appellarunt, vel etiam male loquentium,
vel quasi bellum gerentium aduersus om-
nia imaginum monumenta, & seruitute
quadam opprimentium libertatem Chri-
stianam exterminatione illarum: Horum,
inquam, turbulentæ audaciæ non patrocini-
or, sed notatur à me leuitas imprudentia-
que simplicitatis hac in parte, cui sese ma-
litia fraudes implicantes perniciosas su-
perstitiones introduxerunt. De quibus qui
vult, aliorum scripta, sunt enim in medio,
legere peterit. Nos vero Epiphanium nunc

audiamus. Sic igitur ille, eo quem demonstrauimus, loco: Quoniam facile & in procliui est conuertere animum ad futilia potius, quam necessaria, quod lubrica sit humana nostra cogitatio, quæ non statim dirigat incitationem suam ad directum iter DOMINI nostri, sed declinet modo ad dextram modo ad læuam, & difficulter expleat id quod Salomon inquit: Ne declines ad dextram neq; ad sinistram, & quia prauitate in ijsdem cogitationibus circumagimur, & impellitur quod sanum & sobrium est ad ingrediendas alias vias: Ideo caute incedamus, ne forte nimia laudatio sanctæ virginis, euadat alicui ad offensionem inanis speciei. Nam qui in filium DEI blasphemi sunt, quemadmodum supra à me dictum est, ij abalienare naturam huius à patris Deitate cupide studuerunt. Alij autem contra diuersa sententia euecti tanquam ad ampliorem cultum, eundem esse hunc & patrem dixerunt. Itemq; eundem filium & SPIRITUM sanctum. Est autem in his ambabus partibus plaga insanabilis. Pariter de sancta hac & beata semper uirgine, quidam contumelias effundere ausi fuere, quod post maximam illam & sinceram rationem & ordinationem DOMINI nostri, qui carnem intueps aduenerit, carne ipsa alteri

alteri fuerit coniuncta, id quod impietate omnem prauitatem superat. Verum quemadmodum dicimus audiendo nos cognouisse istam quorundam audaciam in tam facili obsequio peccati, ita alterum contra admirati sumus, cum audiuissemus alios rursus desipere quodam sanctam virginem celebrante argumento, qui pro Dea & studuissent & studerent illam producere, commoti attonita quadam mentis peruersitate. Narratur enim quasdam mulieres ex Thracia illinc in Arabiam hanc inanem vocem detulisse: vt in nomen illius semper virginis placentula quædam offeratur, & conuentus agantur. Hæc Epiphanius. Sane initio istiusmodi pio studio & minime dolose aut malitiose inchoata fuisse, mihi quoque suspicari & credere libet. Et, si error tolerabilis, aut istæ essent ineptiæ quædam ceremoniarum tantum, quamuis ad doctrinam sanam cœlestis & æternæ veritatis nihil alienum absurdumue aggludinandum sit, dissimulando tamen atque conniuendo aliquousque ferri poterant. Tam euidentem autem corruptelam & doctrinæ & disciplinæ Christianæ nullo modo ferri potest, neque occultari debet, ab ijs, qui in præstando fidem Deo æterno spem salutis & vitæ perpetuæ retinere cupiunt. Nam aduersus
eos,

eos qui religiosam affectionem ad talia as-
ferunt, quid Epiphanius dicat, audiamus.
Sic autem ille confutans Collyridianos :
An non vero furor iste attonitorum omni-
bus, quibus intelligentia inest & diuinitus
contigit, esse videatur ? An non studium
istud simulacra constituit, & conatus est
Diabolicus ? Diabolus enim semper pieta-
tem & iusticiam prætendens, & ita irrepens
in animos hominum, & ex natura humana
efficiens diuinam, hominibus similia signa
ante hominum oculos varietate artificio-
rum depinxit. Atque illi qui adorantur, mor-
tui iam sunt. Signa autem ista horum neque
uiua neque mortua (quomodo enim mor-
tua sint, quæ vixere nunquam) producant
ad adorandum per adulterio corruptum
animum, deserto D E O vno & solo, instar
prostibuli scroti, incitati multiplice absur-
ditate concubitus, & quod perfrecta fronte
abiecit pudorem in legitima vnus mariti
consuetudine. Profecto sanctum erat cor-
pus Mariæ, sed non illa Dea, profecto vir-
go erat virgo illa atque adeo honorata, sed
non ad adorationem nobis data, quæ ipsa
adorat ex sese carne natum, qui cœlitus ex
sinu paterno aduenerat. Istis & alijs his si-
milibus, quæ melioribus temporibus ab
hoc autore sunt prolata, si quis offenditur,
cum

cum ipso expostulet. Nunc quidem certe multo iustiores & grauiores causæ sunt has querelas deplorandi, quam fuere antea vnquam. Nam qui exaggerare cultus diuinus & amplificare laudes sanctorum hominum præclarum ac fortasse vtile ducunt, ijs videndum, ne ad hominum commoda, vt ipsi arbitrantur, respicientes D E I æterni maiestatis rationem minus habuisse videantur. Neu ea educendo altius extruant, quæ sua aliquando mole grauata concidant. Néue veritatis pulcritudinem ac decus contaminent atque polluant aspersis mendaciorum maculis. Fit autem hoc interdum quadam mirifica specie, qua exitiosus sæpenumero error obijcitur. Vt cum alienis coloribus & fucis rei natura obscuratur, præ quibus id quod est amplius non apparet, quemadmodum similitudine oculorum Plato luculenter demonstrauit. Nam si quis ita pingi oculos velit, vt his nitidissimi venustissimique colores, verbi causa, purpurei & aurei illinantur, quod niger obscurior sit, non sit ille profecto audiendus, sed plane refutandus, qui sic ornari illustrarique oculos postulet, vt iam non amplius hi oculi esse videantur. Quapropter in omnibus magnarum rerum disputationibus fugiendæ magnopere sunt hyperbolæ, id est,

id est, id quod est nimium. Quanquam enim & quæ recedunt à medio, in eo quod parum est, cum vitiosa tum detrimenti expertia non sunt, tamen illud nimium semper plus nocet, & multis modis deterius est. Hanc mentione eorum quæ historiæ series complecteretur quasi prouocatam appendicem, non disputationis sed indicij tantum, oro vt legentes forte hæc boni consulant, & in eam partem quam scripta sunt, accipiant, id est, optimam, tanquam perfecta ab eo, qui vera consideratione, miseriam temporum nostrorum perpendat, & iudicium sincerum de præsentibus rebus faciat, & ex animo optet Ecclesiasticam doctrinam atq; disciplinam instaurari, & vitia corrigi, & emendari prauitatem, secundum à filio DEI Domino nostro Iesu Christo declarata prophetica, & præconij Evangelici apostolica scripta, in consensu perpetuo atq; recto Ecclesiæ sanctæ IESU Christi, cuius viuentis regnantisq; cum patre æterno filij coæterni, vna cum SPIRITU sancto, DEI vnus, veri, solius, vt est, sic maneat atque vigeat omnis laus, honor, gloria sæculis infinitis.

EXPO-

EXPOSITIO EORUM,
 QVAE DE APOSTOLIS
 IESU CHRISTI SINGILATIM RE-
 cte & vtiliter commemorari pos-
 se visa sunt.

QVI historias scripsere de veteribus
 praestantibus viris inprimis sancti-
 tate & pietate erga D E V M, ita vt ab hoc
 praeter ceteris mortalibus diligerentur, inq-
 uis efficacitas quaedam superans humanam
 conditionem appareret: illi vel famam se-
 quentes, quae augere solet audita, vel de in-
 dustria amplificantes tradita, ad animos
 legentum religione complendos, & propo-
 nenda exempla insigniora, commemoraue-
 runt multa, quae attente legentes non im-
 periti rerum neque stolidi, animaduertunt
 fidem narrationum illo quasi exaggerandi
 studio non nusquam deminui, & expositio-
 nem saepe esse audacem nec non dissentien-
 tem. Et si autem de priscis hominibus & re-
 bus omnium esse praecelaram existimatio-
 nem, neque superantia praesentium natu-
 ram statim ficta arbitrari conuenit, Non
 tamen etiam reprehendendam esse existi-
 mo circumspectionem diligentiae in confi-
 derandis & perpendendis talibus scriptis,
 quae passim edita sunt & eduntur, & tan-
 quam

quam per manus accepta de aliorum vel libris, vel sermonum serie (quæ sunt Græcis *παράδοσις*) pertexuntur. Atque constat semper vel facilitate vel etiam curiositate hominum accidisse, ut credulitate errores cumularentur, & de ijs, quibus temere aliqui fuissent assensu, cum opinionum sententiarumque mirabiles quasi foetus conciperentur, tum nascerentur dissidiorum atque sectarum pernicioſa mala. Quapropter antiquitas quidem venerabilis esse debet vniuersis, sed ea sancta, incorrupta, sincera. De qua si quando in religiosæ pietatis tractatibus quærere rectum fuit, his maxime temporibus esse, vel ipsa potius, ut quæratur, necessitas imponi videtur, nisi confundi superstitione, aut profana licentia euerſi omnia videre & pati velimus. Hæc mihi in mentem venire, & quasi præfari visum est, cum instituissem post veteres recentisque operas diuersorum, ipse quoque de apostolis DOMINI nostri IESU Christi aliquid scribere. Ne quis suspicaretur omnia priora à me improbari aut etiam damnari. Ut cum iudicio tamen ea legantur neque omnia æque tanquam certa ac vera admittantur, non fuerit inutilis neque superuacanea admonitio. Constat autem iam statim apostolorum ætate, & sermonibus diuersas

verfas variasque res tradi, & libros à compluribus scribi cœpisse, & sequentibus temporibus vtrumq; factum esse liberius, donec copia ad extremam veritatis perniciem euaserit. Itaq; hanc retinere cupientes, quæ est congregatio Ecclesiæ IESV Christi, coacti fuerunt veluti censendo, vera approbare & retinere, falsa repudiare & auersari. In quo adeo cauti fuisse reperiuntur, vt quæ falsitatis nomine reiici non deberent, ea, quod vulgo sine periculo non putarentur lectum iri, nequaquam edi oportere, & edita nullius autoritatis esse statuerent. Hæc Græcum nomen habent *ὑποκρίματα*. Sed præter nominatim indicata huius generis, alia innumera circumuolitantur partim mendacijs, vt ita dicam, consutis efficta, partim speciem quandam honestam præ se ferentia, sed nihilo tamen minus commentitia & fabulis referta. Diuus Hieronymus Leuconem quendam Manichæum falsam historiam apostolorum edidisse scribit. Apocrypha autem notantur cum alia, tum peregrinationes Petri, peregrinatio Iohannis, peregrinatio Thomæ, Clementis affecclæ Petri itinera. Res gestæ Andreæ, Iohannis, Thomæ. Itemq; Petri ac Pauli, & eorundem *ὑποκρίματα*, quæ sunt rerum occultarum indicia seu patefa-

H ciones,

&ionis, præterea liber continens doctrinas Apostolorum. Quis autem certo polliceri audeat, eorum, quæ vulgata circumferuntur, nihil esse ex his & istiusmodi alijs reiectaneis libris excerptum & in hæc inculcatum? Iam de propagatis sermone, quæ *παραδοσεις* vocantur, quam sit dubia, ambigua, fallax atque adeo insidiosa res, quis non videt? Vt enim quo maior esset scriptorum autoritas, atque haberent plus ponderis tradita, non dubitarunt in superiora & omnino antiqua tempora expositionem conferre nonnulli suarum excogitationum, sic credibile est illis sermonibus multa tradita esse tanquam accepta, quæ vnusquisq; ipse protulisset. Non fiunt autem talia semper fraudulente, sed plerunque & abest dolus, & res sæpe vtilitatem habet cum commendacione ingenij atque doctrinæ. Vt, verbi gratia, septem sapientum conuiuium Plutarchi, complectens sermones collatos in personas eorum, qui illa ætate multis sæculis priore vixissent & celebres fuissent. Neque ignorant eruditi istius *προσποποιήεις* figuram atq; rationem. Non loquor autem nunc de doctrina tradita absque scriptura, de qua & ipsa tamen idem plane dici potest. Cum præsertim huius, aliam fecerint non proferendam verbis & arcanam, aliam apertam

pertam & notam. Itemque aliam signorum
& initiorum (ipsi *συμβολικῶ καὶ τελεστικῶ* ap-
pellarunt) aliam philosophicam & argu-
mentationum. Quæ excurrunt in latissi-
mum campum vanitatis & leuitatis, ne quid
gravius dicam, cum præsertim ab antiquis-
simo quoque tam scriptorum quam *παρὰ δόσεων*
αἰρετικῶν, mentio fiat. Sed de historicis tra-
ditis nunc disputamus. Quibus priscis Pa-
piæ scripsit Eusebius nonnulla fabulis ple-
ne, id est, *μυθικώτερα*, exposita esse. Atque pu-
tat simplice ingenio & minime solertem il-
lum, in ijs quæ audisset, recte intelligendis
& enarrandis fuisse allucinatum. Quod si
isti hoc accidit, quid putandum usu venisse
longo interuallo eum secutis, & doctrina
iam corrupta & superstitione regnante in
Ecclesia. Quamobrem de talibus quæ pro-
pagata sermonibus, & per manus, ut aiunt,
accepta perhibentur, ut modeste sic caute
etiam sentiendum loquendumque, neque
omnia illa contumaciter repudianda, neque
cunctis inconsiderate assentiendum est. Sed
hoc videndum nequid omnino admittatur
certæ & perscriptæ doctrinæ Ecclesiasticæ
& catholicæ atque orthodoxo consensui con-
trarium. De quo nunc differendum non
est. Quod igitur ad aliorum narrationes
attinet, legant eas, qui volunt, sunt enim

in medio. Nos quæ & à bonis autoribus referri & cum doctrina veritatis cœlesti congruere sciuius, de ijs latina oratione quædam recensenda esse duximus. Eusebius quidem vir perquam eruditus historiam Martyrum se scripsisse testatur. Quæ si extaret (priorum enim tradita diligenter eum persecutum esse existimo) & nostro & aliorum labore poterat hac in parte supersederi. Carentes vero hoc & huic similibus libris facere scilicet oportet, vt quimus, quando non licet vt volumus. Atque confido inter aliorum operas meam etiam hanc qualemunque reperturam locum, & religiosæ pietatis bonarumq; artium studiosis non esse futuram ingratam. Cui euentui nihil, vt Poëtæ lyrici verbo vtar, allaborans, hæc pauca præfatus ita institutas narrationes sum deinceps, adiuuante CHRISTO, explicaturus.

S I M O N P E T R V S.

P E T R V S apostolus nomen habuit Simonis, in historia apostolica Lucæ Symeonis legitur, (quod interpretantur aliqui auscultantis & obtemperantis, cum quidem scriptura Hebraica certa non proponatur) natus patre Iona seu Ioanne, patriam Galilææ

lææ oppidum Bethsaida. Quod nomen & ipsum cum in Hebraicis ijs libris non extet, qui sacræ scripturæ appellatione celebrantur, alij aliter sunt interpretati, sed significationem indicare domum, id est, copiam frugum credibile est, factam de soli illis in locis fertilitate. Frater huius fuit Andreas. De hoc nos, quæ memorantur in libris sacræ scripturæ, eorum capita recensimus, vbi lecta certius cognoscantur singula. Andreas eum frater adduxit ad I E S V M, cui tum nomen hic imposuit Cephæ, quod Syriacum perhibetur, & habere significationem rupis, quæ est Græcis πέτρα & πέτρος. Ita Simon autore I E S V Christo cognomen habuit Petri. Qui accersente I E S V per aquas ad ipsum accessit. Idem adhibitus est spectator & testis mutatæ formæ I E S V in monte Thabore & vocis diuinæ τῆς μεγαλοπρεπείδος δόξης, vt in epistola secunda ipsius legitur, & de morte ad vitam reuocatæ puellæ. Idem statim (nomisma fuit hoc τετραδράχμιον) de ore eximere piscis iussus. Hic pro cæteris apostolis omnibus respondens, eximia oratione professus est : I E S V M esse CHRISTVM filium DE I æterni. Huic vbi-que princeps inter apostolos locus tribuitur. Sed idem ille tantus vir, & obiurgatur increpando à I E S V vehementer, & præ-

dicitur ei defectio à se negando. Hic etiam nominatim repræhenditur à I E S V, quod in illo tanto discrimine, in maxima animi anxietate vigilante ipso & precante obdormisceret, qui dudum tam gloriose esset locutus. Atq; fuit improbatum facinus ipsius, cum gladio stricto amputasset auriculam vnus ex ministris Pontificis. Euenit etiam id quod prædixerat C H R I S T V S, vt negando ter Petrus à se descisceret, & respectu tamen benigno C H R I S T I ad se obfactum illud acerbissimo dolore afficeretur. Itaq; conuersus ad bonam mentem atque constantiam, & fuit à C H R I S T O singulari amore compræhensus, & post familiares sermones mandatum peculiare accepit pascendarum Christianarum ouium, demonstratumq; quo genere mortis celebraturus esset gloriose nomen D E I æterni. Postquam igitur ascendisset in cælum D O M I N V S noster I E S V S Christus filius D E I æterni, verus D E V S & verus homo, Simon Petrus rem Christianam constituit & administrauit principe loco, & cura simul atque autoritate præcipua. Atque tunc & numerum duodecim apostolorum decessione & morte Iscariotæ deminutum complendum curauit, & habuit conciones præclaras de I E S V Christo cum libertate & confidentia

fidentia summa , & nullis minis deterreri se à confessione veritatis cognitæ de I E S V Christo fuit. Tum deinde exemplum edidit tristis illud quidem seueritatis , sed eo tempore necessaria , in Anania atque ipsius vxore. Coniectus mox in carcerem diuinitus liberatur. Et perspicue cognoscit demonstrantē D E O æterno præconium Euangelij ad cæteras quoque gentes præter Iudæos pertinere. Alia etiam mirabiliter ab eo facta exponuntur in Lucæ apostolica historia , vt Aeneæ sanatio , Tabithæ mortuæ in priorem vitam restitutio. Quæ omnia indicanda non enarranda putauimus : Quod in libris sacra scripturæ plane commemorata extent. Vnde traducta in alias expositiones vim suam & natiuam bonitatem , magis quam stirpes in solum externum translata , amittere videntur. Ibi igitur , vbi debent & vtiliter possunt , legantur atq; cognoscantur , & à nobis attexantur cætera , quæ ab alijs pæssim tradita visum fuit colligere. Vxorem habuisse Petrum constat, cum socrus eius à I E S V liberata febre mentio fiat à Matthæo Euangelista. Idq; dicitur factum in oppido Capernaumo , vt non ex suo oppido sed vicino Petrus vxorem duxisse videatur. Nisi migrando forte domicilia fuere mutata. Epi-

phanus distantiam oppidorum istorum fuisse magnam scripsit. Sed qui his temporibus exposuerunt situs oppidorum in Iudæa & vicinis regionibus, vix duum milium illam fecere. Clemens autem Alexandrinus libro *VII. ερωματέων* hæc retulit: *φασὶ τὸ μακάριον πέτρων διασάρκρον πλὴν αὐτοῦ γυνῶκα ἀγορεύει πλὴν ὅτι θανάτου, ἡδυνῶαι μὲν τῆς κλήσεως χάριν, καὶ τῆς εἰς οἶκον ἀνακομιδῆς, ὅτι φωνῆται ὃ εὖ μάλα ὅτι περὶ πικρῶς τε καὶ παρεκκλητικῶς ἔξ ὀνόματος προσεπύοντα: μέμνησο ὡς αὐτὴ τῷ κυρίου.* Quæ sunt ab Eusebio relata in suæ historiæ lib. 3. Et à me in sermonem latinum conuersa hoc modo: Aiunt beatum Petrum, cum cerne-
ret suam uxorem ad mortis supplicium duci, lætatum fuisse vocationis illius & reuer-
sionis domum gratia, atque cohortando consolandoq; diligenter nominatimq;
eam compellendo acclamasse: O mea tu, memento **D O M I N I** nostri. Fuisse huius quasi curriculum in ponto, Galatia, Cap-
padocia, Asia & Bithynia, ipse indicare quodammodo videtur compellatione epi-
stolæ suæ, quæ & verbis & sententijs atque adeo orationis figuris præclare composita est. De Petri ad munus apostolicum, cui
mox præesset designante **I E S U X I I.** voca-
tione, ea quæ Epiphanius disseruit in disputa-
tione contra hæreticos, quos appellat
Alogos

Alogos, hoc loco recitanda existimaui. Scribit enim ille post diabolicam tentationem non statim IESVM ad Iohannem baptistam, sed prius in Galilæam & postea ad Iordanem & Ioannem venisse. Ex eo tempore ab Andrea primum ad IESVM adductum Petrum, sed tunc non fuisse ad munus vocatum Apostoli, neque hunc neque fratrem ipsius Andream, qui die illo quo accesserat, apud IESVM remansisset, sed abiisse rursum hos ad vitæ prioris studia, quæ essent piscationum. Id quod, vt Epiphanius ait, ex alijs historiæ Euangelicæ locis, facile depræhenditur. Postero die egrediens IESVS, vt in Galilæam veniret, obuiam habuit Philippum, & est cum Nathanaëlo collocutus. Atque ita tertio die Canas ad nuptias perrexit, ad quas vna cum discipulis esset inuitatus. Qui autem discipuli tum apud eum fuerint, certo indicari nequit. Epiphanius de Nathanaëlo & Philippo suspicatur & alijs quibuspiam, cum Petrus & Andreas discessissent. Post hoc tempus venit IESVS, inquit Epiphanius, Capernaum, & ibi habitauit, & cum alia fecit mirabiliter potentia diuina (quæ signa & miracula nominantur) & Petri socrum laborantem febre restituit sanitati. Inde reuertitur Naffarethida, vbi educatus fuerat, &

ea relicta rursum Capernaumum incoluit. Et ad mare progressus cum vidisset piscantes retibus in mare coniectis Petrum & Andream fratres, itemque Ioannem & Iacobum Zebedei filios, ad apostolicum eos vocauit munus. Hi in eo quæstu socij erant Petri atque Andreæ. Et docet Epiphanius de hoc ipso Lucæ expositionem esse exquisitiorem, apud quem legitur, nauem tum Petri ascendisse I E S V M, eo scilicet, quod inter ipsos adeo de priore congressu notitia esset, & de sermonibus Baptistæ eum præsidem seu præceptorem fuisse appellatum. Etiam id quod Petrus tunc dixerit: Exito à me D O M I N E, sum enim peccator, in eam partem interpretatur, quasi pœnituerit Petrum, quod ad piscatum rediisset post primam allocutionem I E S V. Atq; ita relictis omnibus fuere tandem secuti isti quatuor I E S V M, & in numerum relati apostolorum, quorum, ordinatione I E S V, fuit caput atq; princeps Petrus. Quæ temporibus ita diuisa putat Epiphanius plana esse & perspicue consentire. Petri Euangelium olim fuit vulgatum, sed à doctõribus pijs in Ecclesia, vt contraria doctrinæ apostolicæ continens, explosum. De Marci autem Euangelio Eusebius scripsit, Romæ Marcum exoratum ab ijs, qui Petrum fuerant secuti,

secuti, quique ad illum sese applicuerant, cum à Simone Mago discessissent, conscrip-
sisse à Petro audita atque tradita. Quod
monumentis etiam literarum doctrinam
ipsius celebrari cuperent. Idq; factum esse
permittente Petro, & hunc deinde operam
describendo narratam à Marco, sententia,
ipsumq; opus autoritate sua approbasse.
Marcum hunc fuisse vnum ex septuaginta
discipulis I E S V, & recessisse ab hoc & ip-
sum offensum coniectione exposita capite v 1.
Ioannis Euangelistæ, sed reuocatum à Pe-
tro ita priore loco dignatum esse, & studi-
um suum contulisse ad ea literis mandan-
da, quæ Petrus docendo Euangelium com-
memorauisset: scripsit Epiphanius. Vocat
autem hunc in epistola sua filium Petrus.
Quod de hac spiritali altera generatione
accepere. Quia autem facta est mentio Si-
monis Magi, quid de eo legatur in Lucæ hi-
storia Apostolica notum est. Eusebius ex
Iustino & Irenæo vicum Gittha fuisse huius
patriam, & venisse eum Romam potente
rerum Claudio scribit, & ibi cultu diuino
fuisse honoratum, statua ipsi cum inscri-
ptione: Simoni D E O sancto, consecrata
atque posita intra duos potens. Idem pri-
mum autorem sectæ fuisse ait deficientis à
veritate doctrinæ Christianæ & hanc cor-
rum-

rumpentis. Cumq; Romam quoque Petrus diuinitus venisset, Simoni aduersarius par, imo is futurus à quo ille euerteretur, & ab oriente in occasum ita preciosissimam mercem ad mentes illustrandas allatam, & extinctam fuisse Simonis iactatam illam vim vna cum ipso. Hanc vim eximiam & singularem esse Simon perhibebat, potentia S A N C T I spiritus, acquiescentis in muliercula Tyria, quam circumducebat ipse secum, nomine Helenen, & ornabat speciosis nominibus *ἐννοίας καὶ ἀθλημάτων*, id est, intelligentia & Minerua, de qua ita traditur ridicule nugatus esse, vt ludibria Diabolica non perspicue cognouisse omnes, mirum esse videatur. Eam mulierculam & Selenen, quo luna nomine significatur, vocatam, animaduerti potest ex eo itinerario Clementis, cuius paulo ante meminimus, quod Ruffinus latinum fecit. Sed quæ & in isto & alijs scriptis Tragœdiæ præterea aguntur de disputationibus & actionibus Petri & Simonis mirificis, haud scio an magis religiosæ pietati officiant cognitione sua quam profint. Non aliter quam iste repræsentationes historiarum sacrarum dramaticæ, collata expositione in personas. Non me fugit quæsitum esse à quibusdam, veneritne Petrus Romam an non venerit.

Sed

Sed & venisse eum Romam & ibi secundum I E S V Christi prædictionem supplicio crucis esse affectum, cur dubitare nos velimus caussa non est. Et refellens hoc studium curiosæ calliditatis potius quam exquisitæ diligentiae putandum. Nam si concedatur hoc, ut unusquisque veterum scriptorum auctoritatem suo arbitrio conuellere audeat, cum præsertim cur fides aliquibus habeatur nihil obstat, vel quando consensu etiam aliqua communi fuere confirmata: quid certi remanebit, aut quid omnino reperiri poterit, in quo fides & assensio innitatur? Quæ sunt fabularum similia aut repugnant alijs minus dubijs, aut de quibus ambigua fuit bonorum & grauium sententia, in ea licet iudicio prudente inquiratur, cætera non labefactentur confidenter & temere. Non igitur audiantur refragantes hac in parte & auctoritati antiquorum & consentienti pietatis religiosæ opinioni. Credatur etiam ita se rem habere, quemadmodum Epiphanius scripsit: Cerinthum fuisse vnum ex ijs, qui Petro aduersati fuere resistentes, cum ad Cornelium ille Centurionem accessisset, & commouisse eum multitudinem Hierosolymis hoc crimine: Quod Petrus gentibus non circumcisis consuesceret. Credatur sane & Eusebio, dictum fuisse, quod

se, quod Claudij Imperatoris temporibus Philon Iudaus notitiam Petri habuerit, & cum eo sit versatus. Cætera, quæ de scriptis Philonis ibidem differuntur, cum attentione legantur. Sunt enim eiusmodi, ut multas ansas contradicendi, vel certe quædam notandi, dare videantur. Id quod eo minus dubitanter perhiberi potest, quod Philonis scripta iam præcipua edita sint, & Iudaicis superstitionibus philosophicas disputationes confundentia, & ijs, quas Græci ἀλληγορίας vocant (quæ sunt commenta ingeniosa interpretationum, cum aliud dici aliud significari videtur) sacrarum scripturarum veritatem contaminantia & eleuantia auctoritatem. De colloquio autem Appionis cum Petro, quæ idem Eusebius lib. 3. historiæ Ecclesiasticæ scripsit, interpretari & ascribere hoc loco placuit, etiam admonitionis & cautionis gratia. Sic igitur Eusebius: Iam vero Clementis (loquitur autem de vetere Clemente, quem Romanum patria fuisse accepimus) alia quidam multis versibus composita scripta heri & nudiustertius protulerunt, Petri inquam & Appionis colloquium continentia, quorum apud antiquos nulla prorsus extat mentio. Non enim puram illa conseruant formam apostolicæ doctrinæ rectæ.

etæ. Hactenus Eusebius. Quæ poterit esse regula legendis scriptis omnibus, de quibus quæri dubitariq; solet atq; fas est. In libris Clementis *σηματέων* sæpe mentio fit præconij Petri, ipse *κήρυγμα* Petri vocat. facit Eusebius etiam mentionem imaginum referentium similitudinem & faciem Petri & Pauli. Sed addit expressas eas fuisse more earum gentium, quibus veritas rerum diuinarum ignota esset (quod hominum genus appellatione communi proprie Ethnicos vocari scimus) vt hoc notare eum non laudare appareat. De instituto à Petro quadraginta dierum ieiunio & ceremonijs seruatis in conuentibus Ecclesiasticis, quæ *συνάξεις*, & functione muneris, quæ *λειτούργειαι* sunt, itemq; collocata sede principatus in vrbe Roma, à nobis neq; decet neq; omnino fortasse debet disputari. Sunt autem omnia ista talia, vt & temporibus exquirenda, & personis declaranda, & locis quoque concilianda esse videantur. Concordare quidem ea & sacrarum scripturarum sententiam atq; doctrinam, si fidem inuenire velint, necesse est. Quæ sunt iam nimis vehementer agitata inquirendo, & demonstratis vitij erroribusq; manifestis, frustra prætendetur antiquitatis sincera integritas & sanctitas religiosa. Sed vt in morbis ad spem sanitatis

sanitatis & iudicium mali & medicinæ curatione necessaria est, sic ad recuperandam dignitatem pristinam retinendamque disciplinam in Ecclesia, & ingenua confessione peruersitatis atque corruptelæ, & studiosa correctione emendationeque tam doctrinæ quam morum opus est. De quo imploremus opem D E I æterni, in hac ætate extrema mundi, qua supremo illius die appropinquante, & fidei sanctitatem scelerate violatum, & vitam turpissime dissolutum iri, prædictione D O M I N I nostri I E S V Christi cognouimus. De principatu quidem sedis seu solij constat iam olim fuisse controuersiam inter Romanos & Antiochenos, quod hi apud sese prius Petrum quam Romæ præsedisse, & primum cepisse Christianum nomen usurpuri, perhiberent, illi sua morte Petrum quasi fundasse solium istud contenderent. Sane Petrum apostolum & præsedisse in Ecclesia Romæ, & ibidem Neronis imperatoris temporibus cruci inuerso corpore, ut caput infra esset, affixum præclara morte secutum esse I E S V M Christum, cum quidem reliquisset successorem Linum natione Tuscum, & sepultum in Vaticano: Hæc inquam omnia vere tradita esse credamus, neque in dubium patiamur vocari, & colamus memoriam pietate religiosa

gioſa & gratis animis, tam præſtantiæ apoſtolicæ quam maximorum beneficiorum doctrinæ & exemplorum, venerantes D E V M æternum patrem D O M I N I noſtri I E S V Chriſti autorem & largitorem tantorum bonorum, quæ orbi terrarum apoſtolicis laboribus collata ſunt, ad certam in fide Euangelij ſpem ſalutis & vitæ ſempiternæ, qui vna cum filio & S A N C T O ſpiritu D E V S vnus, ſolus, verus viuit & regnat ſæculis infinitis.

A N D R E A S.

N O M I N A apoſtolorum, id eſt duodecim virorum, quos ex omnibus diſcipulis legiſſet I E S V S, vt mitteret ad præconium Euangelij de regno D E I, in ſcripturæ ſanctæ locis quatuor ſerie exponuntur, ſed diuerſa. Etiam alia eſt eorum, qui ſymboli, quod apoſtolicum vocant, capita ſingula ſingulis apoſtolis autoribus tribuunt. Quam opinionem retinere certam atq; firmam recte poſſe exiſtimo. Siue quidem ita res geſta eſt, vt à ſe vnusquiſq; ex apoſtolis conferret vnā de doctrina cœleſtis veritatis ſententiam, & ſummo hoc modo quædam illius pertexeretur, ſeu de hac ſumma abſq; tali quaſi collatione capitum ipſi conſenſerunt,

runt, nomine vero symboli apostolici ea est appellata: Quod signum & quæ nota esset confitentium veritatem cœlestem cui fidem habuissent. Vnde & fidei nomine vocatas esse scimus, huiusmodi doctrinæ in Ecclesia summas, quæ postea multæ & variæ prolatae fuere. Sane cum apostoli discendo, secundum mandatum I E S V Christi in totum orbem terrarum separarentur, religiosæ & piæ attentionis ac curæ fuit, ut inter sese prorsus de doctrina conuenirent. Hoc enim fundamento niti atq; consistere omnem apostolici muneris functionem & prædicationem de I E S V Christo & Evangelij præconium oportuit. Nam consentiente per omnia doctrina, in reliquis, si qua esset forte dissimilitudo, non multum habuit ea res periculi. Et potuere cuncta facile explicari non modo amanter conferendo, sed grauitate etiam disputando atq; adeo obiurgando & repræhendendo, ita re postulante. Nam fieri certe potest, ut offensiones existant inter eos quoq; qui sunt amicissimi & maxime concordēs. Cuiusmodi in epistola ad Galatas exponitur non expertis contentionis. Vbi ipse apostolus Paulus ait Petrum à se vehementer fuisse increpatum. Id nos in historiola nostra de Petro non posuimus, quod Eusebium meminisse-

minissemus ex libro Clementis Alexandri-
ni *ὑποτάξεων* quinto retulisse in historiae
suae librum primum : Alium fuisse Petrum
illum cum quo Paulus Antiochia disceptas-
set, non apostolum, sed vnum ex septuagin-
ta discipulis. De quo nos amplius quærere
disputareque nihil attinet. Hoc notandum
putavi : Interpretatum esse Ruffinum *ὑπο-
τάξεων* libros disputationum, cum infor-
mationum aut similiter potius debuisset vi-
deatur. Sed reducatur excurrens oratio ad
propositum. De doctrina & consensisse, &
consensionis eius quasi formulam expres-
sam constituisse apostolos, priusquam in
diuersa loca terrarum abirent, sine dubio
credendum est. Sed de ordine seu serie no-
minum nihil est necesse nos anxie sollicita-
ri, cum dignitate aut existimatione nullum
ex apostolis præferri alteri, ac potius vnum
quenque se inferiorem humilioresque duce-
re CHRISTVS iusserit. Petri quidem no-
men vbique primo loco positum legitur. In
cæteris nos eum ordinem sequi voluimus,
quem Lucas Euangelista seruasset, vt ma-
gis historiae Iohannis Euangelistæ congru-
entem. Hic igitur subiicit Petro fratrem
Andream, quem Eusebius ait sortitum esse
Scythiam, ita enim tradi. Socrates autem
Scholasticus libro primo historiae suæ ne-

scio quo autore scripsit, distributo orbe terrarum ad præconium Euangelij faciendum sortitione vnicuique ex apostolis obuenisse suam quasi prouinciam in qua Euangelium doceret. Sane Eusebius librum quendam comprehendentem res gestas, id est, *ᾠράξ* Andreæ & Ioannis aliorumque apostolorum, ita improbat atque repudiat, vt ne inter ea quidem numerari, quæ non germana habeantur Ecclesiasticorum scriptorum, ipse *ῥήθρα* appellat, quodque in ijs neq; res neq; oratio cum apostolica forma atque veritate congruat, pro commentis hæreticorum illa duci velit. De ijs, quæ leguntur in Ioanne Euangelista, constat Andream fuisse vnum ex duobus discipulis Ioannis Baptistæ, qui audito testimonio de I E S V prætereunte magistri sui, illum secuti fuerint vel domum vel ad hospitium ipsius. Credibile etiam est, quod fuerit minor natu Petro. Nomen si est Græcum, eius formæ, cuius est *ἀνδρέας, δῆμιέας, πατριεύς*, significationem habet virtutis seu fortitudinis ab eo ductum, quo vir significatur. Nam Hebraicam exquirere originem nimis anxie curiositatis videri possit. Cum autem multa ab Andrea in Achaia mirabiliter facta esse memorentur, & perhibeatur ipse Patris, iam tenente imperium Vespasiano,

fiano, crucis supplicium pertulisse, præfide Hegea quopiam ei infesto, & ossa translata Byssantium à Cōstantio imperatore, necesse scilicet est ex Scythis in Græciam eum venisse. Et narratur per Thraciam iter fecisse. Apud Scythas quid egerit non admodum celebratur. Cætera sunt in medio, in quibus hoc egregium dictum ipsius refertur, cum non pateretur quosdam genere proximos nuptijs iungi: Non impediri à se neque diuelli nuptias, cum D E V S æternus harum sit autor, sed damnari incestos concubitus. Vt illud iam de præsidis vxore, quam Maximillam nominant, Christiana facta, & abstimente mariti consuetudine, confictum esse videatur. Contrarium enim hoc & illi dicto & doctrinæ apostolicæ esse constat. Quæ nos in præsentia notasse satis, neque quid præterea de apostolo hoc addendum putaremus, habuimus. Id non omittendum esse duximus, cum mentio facta sit separationis apostolorum discedendo, non accipiendum hoc ita esse, quemadmodum pingi & fingi cernimus, quasi vno quodam momento in diuersa abierint sese mutuo consalutatis. Nam & congressus horum inter sese post itinera inita, & digressionem non subitam & quasi præcisam illorum fuisse, permulta vi-

dentur indicare. Sed in hoc parum fortasse momenti sit, quid aliquis suspicetur aut credat.

I A C O B V S.

IACOBVS is de quo nunc dicturi sumus, frater fuit Iohannis, Zebedei filius. Hunc maiorem vocarunt. Matrem tradunt fuisse sororem Iosephi Salomen nomine. Sed de Saloma antea à nobis quædam dicta sunt, ex quibus potest conijci eam liberos non peperisse. Hoc igitur incertum relinquatur. Fuisse etiam hi populares Petri Andræq; & Philippi putantur. Atq; suspicatur Epiphanius, alterum ex discipulis Baptistæ, qui cum Andrea sectari cæperit I E S V M, vel Iacobum hunc vel fratrem ipsius Ioannem fuisse, propterea quod essent hi populares contubernalesq;, & facerent eundem quæstum & operas darent communes, id est, si quis forte græca verba requirat, διὰ τὸ ἑμύχων, διὰ τὸ σύσπλων, διὰ τὸ ἑμύτρεχον, διὰ τὸ ἑμοιγέει. Hic vna cum fratre & patre exercens quæstum suum piscando, vocatus ad apostolicum munus, quo ordinatione postea I E S V fungeretur, statim relicto patre secutus est ipse & frater I E S V M. Eundem esse cum Iacobum existimatur,

tur, quam vna cum Petro & Ioanne ad singulares & eximias actiones adhibuerit Iē-
s v s, & in montem Taborem, vbi forma
faciesq; eius illustrem & speciosum in mo-
dum fuit mutata, adduxerit, & post cœ-
nam vltimam in hortum secedens, in quo
proditus fuit & compræhensus. Huic obti-
gisse tradunt Iudææ & Samariæ regiones, in
quibus faceret præconium de regno cœlo-
rum. Cui quidem etiam in Hispanias
abierit, vnde cum non admodum copioso
fructu laborum suorum in Iudæam reuer-
sus, principe in imperio Romano Claudio,
quemadmodum tradit Eusebius, ab Hero-
de rege gladio est interfectus. Id quod scri-
psit Lucas. Sed Eusebius hæc etiam ex se-
ptimo informationum, hanc enim *ἡμετέριον*
συνταξιν interpretationem, vt dixi, esse puto,
Clementis exposuit, quæ ille ita tradita re-
tulerit à prioribus: Quod is, qui nomen
Iacobi detulisset & eum vocasset in iudici-
um, cum cerneret in testimonij constantia
illum perseuerare, commotus se quoq; esse
Christianum confessus fuerit. Abducti igi-
tur sunt, inquit Clemens, ambo. In via au-
tem petijt iste veniam à Iacobo, qui post
breuem considerationem, *παῖ* tibi, inquit,
& est eum osculatus. Suntq; ita ambo-
rum capita amputata. Hunc Iacobi accusa-

torem Iosiam scribam nominarunt. Perhibent etiam ossa ipsius in Hispaniæ maritimam regionem deportata esse, quæ Gallæciæ nomen habuit, vbi Artabri populi olim incoluerunt. Nunc urbem Compostellam & regionem Galaciam ac finem terræ vocant. Quo è longinquis locis & à diuersis nationibus, superstitionis peregrinationibus ventum aliquando studiosius fuit, quam his temporibus. Neque istius itineris votum potuisse vlli facile remitti creditum est. Quia autem scripsit Lucas ab Herode esse gladio necatum Iacobum: Sciendum est Herodem cognomento Magnum filium Antipatri Ascaloniten primum fuisse alienigenam Regem Iudæorum. Quo regnante natus est filius DEI in terris DOMINVS noster IESVS Christus, & sunt iussu illius infantes Bethlehemitici cum finitimis interfecti. Huius filius fuit, matre Marianna Simonis pontificis filia, Herodes Antipater & idem Antipas, qui Baptistæ Ioannis iussit in carcere caput ceruicibus abscindi. Et affectans maiorem potentiam omni gubernatione est à Cæsare Caio priuatus, relegatusq; Lugdunum ibi mortem obiit. Herodi autem Agrippæ Aristobuli filio Herodi Magni nepoti (qui Magnus & ipse est appellatus) tetrarchia huius attributa, & postea

stea auctum regnum fuit à Cæsare Claudio. Hic est, qui Iacobum apostolum gladio curavit interficiendum & coniiciendum Petrum in carcerem, & miserabili postea exitu vitam finiuit. Quæ de Iacobo hoc apostolo alia tradita sunt, de ijs suum cuiusque iudicium esto. Hoc sine hæsitatione vt falsum & fictum repudietur, apostolo hoc suatore & autore Salomen à viro suo discessisse, quasi in coniugio fidelis CHRISTO esse non posset, & in hoc ipso facto ab apostolo esse magnopere confirmatam. Nam ab apostolica istud doctrina abhorret, quæ nuptias iungit non distrahit. Sed de his satis. Nomen Hæbræum significationem habet plantæ, vt supplantantis voce aliquis latina interpretando vri posse videatur. Ad hunc etiam autorem epistolam, quæ inter Catholicas septem prima numeratur, à nonnullis relatam fuisse non est obscurum.

I O H A N N E S.

SEQUITVR in proposita à nobis serie Iohannes frater Iacobi. De cuius iam patre & patria dictum est. Cognomen autem his fratribus fecerat I E'S V S significans sobolem tonitruui, vt Boanerges vocarentur. Ista enim scriptura extat apud Marcum.

Iohannis autem Hebraicum nomen gratiosum apud D E V M significat. De cognatione cum I E S V horum fratrum nihil habeo certi indicare. Fuisse sane cognatos & familiares dubium esse non potest, legenti scripta Evangelica, in quibus hoc plane dicitur, I E S V imprimis carum fuisse Iohannem. Atque ipse in suo libro descriptione discipuli quem I E S V diligeret, sese semper indicat. Et liberius consuetudine I E S V hunc usum esse, ex ijs facile perspicere licet, quæ perstringendo de eo in libris sacris scripta esse mox recensebimus. Accessio ad I E S V M etiam & postulatio matris horum fratrum tam confidens, declarat non fuisse eos alienos. Sed de Iohanne in libris sacris factas mentiones breuiter, ut ibidem legendo cognoscantur, indicabimus. Primum secutus est ipse & frater, sine respectu ad patrem & cætera omnia, vocantem I E S V M. Quodam tempore, cum in Samaria hospitium nusquam pateret I E S V transeunti cum discipulis, Iohannes una cum fratre indignantes ob hoc vlciscendam inhumanitatem illam igne cœlitus demisso, quo homines conflagrarent, censuerunt. Sed fuere grauiter refutati à Christo. Indicans etiam Iohannes, quod vetuissent quendam nomine I E S V dæmonia ex
ijs,

ijs, quos illa corripuissent, eijcere, reprehenditur à I E S V, & deinceps fieri id prohibetur. Eundem vna cum Petro misit I E S V S ad instruendam parandamq; cœnam, quam cœnauit vltimam in terris. In qua cum ita Iohannes accumberet, vt caput ipsius ad C H R I S T I caput vergeret, ad nutum Petri inclinatus in pectus C H R I S T I, ita de proditore eius interrogauit. In atrium quoq; Pontificis, cui notus esset, captum I E S V M profecutus Iohannes, & vt Petrus admitteretur, scilicet perfecit. In cruce etiam pendens I E S V S huic tanquam alteri filio commendauit virginem matrem suam. Ad nunciũ autem, quod sepulcrum I E S V vacuum esset repertum, ipse eo tanta incitatione cucurrit, vt Petrum anteuertiret. Atq; de eodem perconctanti Petro, quid futurum esset? cum conditione respondit I E S V S: Si ita remanere eum velit, nihil hoc ipsius interesse, cum quidem Iohannes eo tempore primus ex discipulis compluribus qui aderant, I E S V M agnouisset, & indicasset Petro. Idem affuit Petro cum restitutus est sanitati claudus residens ad portam templi & mendicans, & ambo simul tunc in custodiam dati diuinitus liberati, & fortissimo animo in confitenda veritate de I E S V Christo constantes fuere.

Vbique

Vbique autem in singularium & magnarum rerum tractatibus hic cum Petro & alicubi cum Iacobo coniungitur. Quæ omnia suis locis exposita legantur & considerentur à religiosæ pietatis studiosis. In Iohanne fuisse probitatem vitæ & honestatem suauitatemq; morum & maximum studium castitatis atq; innocentiae apparet. Hunc quasi prouinciam habuisse Asiam, ibique commoratum, & Ephesi mortem obiisse, legitur in Eusebio. Qui & hæc retulit ex scripto Polycratis episcopi Ecclesiæ Ephesi: In Asia consopita fuere μεγάλα σοιχῆα, id est, ingentia elementa (sic autem appellauit ille autores & principes doctrinæ Christianæ & Ecclesiasticæ disciplinæ) quæ resurgent ad vitam extremo die aduentus DOMINI, quo venturus ille est cum gloria celitus, & conquiriturus sanctos vniuersos: Philippus inquam consopitus Hieropoli & duæ filiae ipsius quæ virgines consenuerunt. Alia etiam huius filia in SANCTI spiritus administratione versata, id est πολιτευσαμένη, Ephesi quiescit. Præterea & Iohannes, qui in pectus DOMINI nostri incubuit, qui idem sacerdos insigne gestauit tegmen, & martyr fuit & doctor, is consopitus est Ephesi. Alibi idem Eusebius totius Asiæ Ecclesias Iohannem inspiciendo administrafse

strasse ait, reuersum ab exilio. Neque hic
 vlllo in loco Episcopi muneri præfuisse tra-
 ditur, vt communiter habuisse eum curam
 credendum sit, vniuersarum. Et constat
 Paulum apostolum Ephesi Ecclesiam fun-
 dasse. In ijs autem quæ dicta sunt, duo con-
 sideranda diligentius videntur. Vnum quod
 martyr Iohannes perhibetur. Significat
 autem Græcum hoc nomen, quod Ecclesia-
 sticus sermo latinus retinuit, testem veri-
 tatis cœlestis & Christianæ fidei seu Euan-
 gelij perseuerantem in professione & sen-
 tentia, & cruciatus omnes, mortem denique
 perpetientem potius, quam vt mutet ani-
 mum, vel certe manifestum periculum vitæ
 in confessione religionis adeuntem. Ioan-
 nem autem senem admodum, nonaginta
 nimirum annis maiorem Ephesi mortuum
 esse, cum imperium iam esset penes Traia-
 num, accepimus. Deque sepultura ipsius
 singulari quæ tradantur, non est obscurum,
 cui sane consentit quod nihil vspiam reli-
 quiarum corporis ipsius, sicut aliorum,
 ostentatum fuisse scimus. Etsi peregrina-
 tores narrant in insula Patmo (Parmosam
 modo nominant) manum ostendi ab inco-
 lis Græcis monachis, in qua digitorum vn-
 gues non secus crescant, resecti quoque, ac
 viuendum, & hanc esse dextram perhiberi
 Iohan-

Iohannis, qua *στοναλίτης* librum exarau-
rit. Vbi igitur vt testis Euangelij & asser-
tor afflictus fuit? Perhibetur sane & in
athenum olei feruentis coniectus, quod quo
loco acciderit, de eo narrationes discre-
pant. Fertur & venenum sciens bibisse, ne-
que id ei nocuisse. Et relegatum fuisse in
insulam, quam Patmum nominant, non ha-
betur pro dubio. Etsi igitur non amisit vi-
tam ob testimonium de veritate, ea tamen
pertulit, propter quæ merito ipsi martyris
nomen tributum fuit. Alterum est, quod
considerandum diximus, sacerdotium Io-
hannis & insigne huius, quod *πέταλον* appel-
lauit Polycrates. Eo autem nomine & fo-
lium significatur, & quæ instar folij expla-
nantur, vt laminæ. Et Græcum nomen le-
gitur in libro Exodi interpretationis L X X.
Et latino laminæ Hieronymus vsus est. an-
nexum autem hoc fuit mitræ Iudaicæ Pon-
tificali, vt ita ostendatur fuisse summum
pontificem Iohannem. De quo quidem quid
præterea indicari à me possit, nihil est. At-
que huc fortasse referre liceat, id quod le-
gitur de discipulo noto pontifici. Siquidem
Iohannem eum fuisse existimandum esse vide-
atur. Verum his exquirendis frustra, vt opi-
nor, nunc aliquis occupetur. Quapropter
veniamus ad alia. Ex libro tertio Irenæi ad-
uersus

nerfus hæreticos exposuit Eusebius historiam de Iohanne apostolo, qui Ephesi aliquando lauandi caussa in balneas venisset, cumq; vidisset intus esse Cerinthum, resiliit inde statim, atque dixerit: Discedamus cito ne ruina balnei opprimamur, cum intus sit Cerinthus veritatis hostis. Hoc cum alijs quibusdam additamentis Epiphanius, memoria scilicet lapsus de Ebione narravit. Exposuit etiam Eusebius eodem libro, vel retulit potius narrationem Clementis Alexandrini verbis ex eo libro eius descriptis, cuius titulus: Qui diues is sit, cui salus contingat: De adolescente perditto consuetudine improborum & reuocato ad mentem bonam ab apostolo. Historia de Drusiana à diuersis diuerso modo narratur. In qua & ipse implicatur diremta matrimonij consuetudo doctrina apostoli. Quod cum semel atq; iterum notauerim, & animaduertam tamen similia vel eadem potius & in has de apostolis historias & alias inculcari, satis habiturus sum hoc loco rem testatam me reliquisse: Nimirum cum perniciofa falsitate ascribi istiusmodi doctrinam & actiones apostolis. Nam & Paulus apostolus firma & indissolubilia coniugia esse vult, & in Epistola ad Hebræos matrimonium res grauis atque honesta perhibetur.

hibetur. Vt autem nulla tempora suas peculiare laudes atque virtutes non habent, sic propriæ culpæ cuiuspiam ac labis non sunt etiam expertia. Atque verisimile est, talia tunc conficta esse, quando eo tantum castitas prædicabilis visâ fuit, qua extra coniugium corpus purum conseruaretur. Hac autem opinione accumulatis celebrationibus virginalis continentia, extra modum in extollenda & commendanda hac excessum fuit. Quod si forte apostolica doctrina huic conditioni in hac vita plusculum etiam approbando tribuisset, ij tamen huius sæculi mores & hæc nostræ ætatis tempora sunt, ut è contrario sanctitas nuptiarum quibus verbis possit, amplificanda esse videatur, ut occasio impuritatis, quæ cælibatus nomine vitam occupauit, hoc modo amittatur. Habet autem testimonia alia quoque apostolica, id est, eorum qui apostolorum discipuli & familiares fuere, coniugium sanctitatis suæ, & de se præcepta, ex quibus eximia sunt Ignatii, qui etiam se I E S V M, postquam hic viuus resurrexisset de morte, vidisse scripsit, quique ipse coniunx non fuit, & hoc genus vitæ castæ fecit maximi. Hæc igitur illius verbis memorantur: Virginitatis iugum nulli imposito. Est enim istud bonum & periculosum
& custo-

& custodiæ difficilis, quando necessitate astringitur. Sinito iuniores nuptijs iungi, priusquam in scortis depereant. Non igitur oportuit pulcerrimum & laudatissimum & quasi cœleste in reris genus virginalis castitatis tanti facere, ut matrimonij sanctitas eleuaretur & pene profana duceretur. Neque religiosam pietatem aliter sentire decet, quam omnes narrationes coniugij statum vel condemnantes, vel conuellentes, vel quocumque modo infamantes, nequaquam congruere doctrinæ apostolicæ, sed esse in illam temeraria deprauatione insertas ab ignorantibus, vel etiam corrumpere volentibus ea, quæ apostoli docendo tradidissent, & ordinando constituisent. Hæc si videntur forte alicui dici vehementius. Is si bonus vir est & pietatis religiosæ amans, intuendo in præsentem vitæ Ecclesiasticæ dissolutionem, & Christianæ religionis nomen propemodum inane, facile perspiciet esse istam & huic similes commonefactiones nequaquam superuacaneas, quamuis quasi stimulis quibusdam, qui aliquos fodiant, non carere videantur. Neque hic locus neque consilium nostrum est, vitia hac in parte insectari, quorum nefaria turpitudine manifesta est, & nimis iam pridem accusatorie exagitata.

Quapropter ad ea quæ restant absoluenda opus procedat. In insulam relegendus fuisse Iohannem apostolum Domitiani imperatoris temporibus & reuocatum Ephesi rursum consedissee, vt in dubium vocetur causa nulla; neq; ferendum est, cum habeant hæc testem incorruptam antiquitatem. An ibidem Euangelicum librum composuerit, quæsitum est. De quo in Epiphanio excerpta ex Eusebio & ipsius more aucta atque exornata huiusmodi quædam leguntur: Iohannes reuersus ex insula Patmo, cum inuenisset homines occupatos de aduentu CHRISTI terreno, & Ebionæos deceptos serie generis CHRISTI hominis, quæ ab Abrahamo deduceretur, & retro à Luca ad Adamum vsque abduceretur, quod comperisset etiam Cerinthianos & Merinthianos rixando perhibere nudum hominem CHRISTVM, itemq; Nazoræorum & aliorum similiter hereses multas, ipse igitur priores secutus (quartus enim hic Euangelicæ historiæ est autor) incipit reuocare, vt ita dicam, eos qui aberrauerant, occupati in CHRISTI aduentu terreno, ipsiq; tanquam post alios accedens, & cernens quosdam in salebras declinasse, itinere recto & vero, vt sic loquar, relicto, talia quædam dicere: Quo ruitis, quo abitis? Qui ingredimini

dimini iter quod trudit in salebras & plenum est offensionibus & ducit ad hiatum, reuertimini, non ita se res habet. Non est Mariæ tantum filius D E V S sermo, natus ille antea ex patre, & cætera, quæ in disputatione contra Arii furiosam sectam commemorantur. Et quæ idem ab eodem aduersus repudiantes Euangelium Iohannis, quos nominat ἀλόγους. De eo autem libro cuius titulus est *Ἀποκάλυψις*, nec non de duabus epistolis breuibus, neminem latet fuisse semper dubitatum, haberéntne autorem Iohannem apostolum an alterum quempiam eiusdem nominis. Huius generis scripta ἀντιλεγόμενα vocarunt, id est, de quorum autoribus non consentiretur, quamuis approbationem communem Ecclesiæ haberent. De quibus Eusebius lib. 3. Vbi etiam notauit à Papia antiquo scriptore, bis positum esse quadam in narratione Iohannis nomen. Prius sic tanquam consortis Petri & Iacobi & Matthæi & cæterorum apostolorum, qui plane Iohannes Euangelista esse declaretur. Alterum vero eius Iohannis, qui oratione distincta inter alios, qui in apostolorum numero non essent, collocaretur, præposito ipsi Aristione quodam & plane nominato eo presbytero. Vt his etiam ipsis veritas historię demon-

stretur, qua perhibentur duo in Asia hoc eodem nomine fuisse, & duo monumenta Ephesi posita, quorum vtrunque appellatur nunc etiam, inquit, Iohannis. Quibus censet Eusebius necesse esse vt animus attendatur. Quod si quis priorem nolit, quæ exponuntur libro præferente nomen apocalypsis Iohannis, hunc tamen alterum ea vidisse credendum esse videatur. Breuioribus etiam epistolis Iohannis nomen ita præponitur, vt addatur, presbyteri. Quo quidem cum senior significetur, apostoli illud esse tamen accipi posse, credere fortasse liceat. Dorotheus quispiam Tyri Episcopus de Iohanne hæc tradidit, quemadmodum nos sumus interpretati. Iohannes à Traiano in insulam Patmon relegatus, ibi Euangelium conscripsit & edidit opera Caij hospitis & diaconi. Postea reuersus Ephesi remansit & vixit annis c x x. Et deinde sese viuus sepeliuit voluntate diuina. Sunt tamen qui dicant Domitiani temporibus relegatum eum fuisse. Quibus sane vereor ne fabulæ aliquid implicetur. Etsi nihil est, nisi fallor, in his quoque, vnde pietatis religiosæ assensionem magnopere abhorrere necesse sit. De istis itaque & similibus, poterit, vt opinor, iudicium liberum relinqui cuiq; & sine inimica discordia disputari atq; queri, &

ri, & id retineri, quod maxime verisimile fuerit visum. Scripta Iohannis apostoli sunt verbosa, cum studio explicandi & interpretandi dicta & repetendo exposita, & iterum eadem commemorando. Sunt in his etiam crebrae sententiae è contrario positae, ut appareat summopere ei curae fuisse, ut animo à se concepta declararentur oratione & copiosa & perspicua. Atque de Iohanne apostolo & Euangelista haecenus. De Ebionaeis autem disserens Epiphanius scripsit in Iudaeorum Thesauris asseruatum fuisse & Matthaei Euangelium, quod autor Hebraico sermone composuisset, & Iohannis, itemque Lucae apostolicam historiam è Græco in Hebraicum translata ambo. Qua occasione longa narratio ab illo pertexitur, quam qui volet, euoluere poterit.

P H I L I P P V S.

SEQUITUR eo ordine, quem seruare visum est, Philippus, de quo in Euangelicis historijs legitur, popularem eum fuisse apostolorum Petri & Andreae. Et iussum à CHRISTO sectari sese in Galilæa, eumque Nathanaëlo indicasse, quod Messiam, id est, CHRISTVM (is enim erat nimirum de quo Moses & Prophetæ scripserant) iam

inuenisset I E S V M Nazarenum. Cum eodem de cibo in deserta loca secutis se comparando, disputat I E S V S, Philippo qui dem considerate respondente ad numerum eorum qui aderant, & faciente mentionem denariorum ducentorum. Sunt enim ducenti denarij, si denarius drachma æstimetur, oboli mille ducenti. Quod si æstimatur obolus assibus duobus, quemadmodum Polybium sensisse alibi ostendimus, erunt scilicet oboli mille ducenti, semisses quater mille octingenti. Qua ratione quam proxime nummo Romano ad Græcum redacto, ad singulos tum pertinuisset tantum propemodum panis, quantum emi posset semisse. Nam si denarium Latinum æstimus assibus decem, unde & nomen factum est, ducenti denarij facient tantum quatuor milia semissium. Semissis autem, si redigatur ad nostratē nummum, reperietur precium ferme nummuli Vuirtenbergici aut Franconici noui. Hæc ad istum modum φιλολογηθέντα non inepta hoc loco visum iri confido. Philippus etiam vna cum Andrea indicauit I E S V Græcorum quorundam cupiditatem videndi ipsum. Quod indicium occasionem dedit præclarissimæ concioni I E S V. Idem autem I E S V petit ostendi patrem sibi & ea audit ex ipso, quibus perspicue affirmat

firmatur vnus D E I æterni in eo natura. Quæ, vt reliqua, ijs locis, vbi exponuntur, legi cognosciq; rectius fuerit. Præter ista traditur in Scythicis etiam regionibus hunc præconem fuisse Euangelij, & ad cognitionem veritatis fidelemq; assensionem plurimos conuertisse doctrina sua, & reuersum in Asiam Hieropoli quam Syriæ fuisse urbem in epitoma Stephani legitur, Ebionæorum falsam doctrinam confutasse, & ibidem valde senem mortem obiisse, sepultumq;, vt supra quoq; indicatum est, & monumentum eius fuisse intra filias duas positum. Fuere qui crucis supplicium perpeßum esse prodiderint. Epiphanius mentionem facit Euangelici scripti falsi atque ficti ab hæreticis (qui ostentando eximiam cognitionem Gnosticos se voluerunt appellari) præferentis nomen Philippi, in quo perhiberetur demonstrata à I E S V Philippo nugatoria illa collectitiæ animæ natura. Fuit alter Philippus vt credibile est Cæsariensis, vnus ex septem viris ab apostolis ad ministerium Ecclesiæ cibo præbendo delectis, quos Diaconos vocarunt. Ab hoc & in Samaria Simon Magus Baptismatis sancto lauacro initiatus fuit. Atq; censet Epiphanius, quod hic esset Diaconus, non habuisse eum potestatem fungendi munere.

ἡγεοδισίας, id est, ut imponente eo manus baptisato appareret efficacia SPIRITVS sancti. Idem hic & Aethiopem Eunuchum reginæ Candaces baptisauit, ad reuertentem eum accedere iussus ab angelo DEI æterni. fuisse autem illis temporibus Candacen virilis animi mulierem Aethiopissam, dominam supra Aegyptum incolentium loca Aethiopum, Strabo quoque scripsit. Eundem istum, qui & Euangelista vocatur, Paulus apostolus proficiscens, rursus Hierosolyma habuit hospitem Cæsareæ. Cuius quatuor fuere filia virgines, prædicentes futura. Quapropter videndum vnus ne nominis (cuius significatio studium rei equestris indicat) errore de apostolo & Diacono seu Euangelista tanquam eisdem, scripta alicubi confundantur.

BARTHOLOMAEVS.

BARTHOLOMAEI alia mentio non fit in historia Euangelica & apostolica, quam quod vnus fuerit ex duodecim, quos ex omnibus discipulis electos secum familiariter habuit DOMINVS noster IESVS Christus, & ad Euangelium primum in Iudæa mox toto orbe terrarum prædicando benignitatem misericordiamque DEI, docendum

dum singulariter ablegauit. Vnde hi apostoli sunt nominati. Quæ autem ab alijs narrantur, ea sunt in medio. Atq; est optandum fuisse in hoc genere scriptores istos maiore religione fideq; , ac diligentia quoq; & attentione versatos. Nostrium consilium non est, quicquam illorum refellere, cum præsertim non pauca sua ipsorum mole ruant. Notare autem visum est, interdum quædam nullo modo dissimulanda, aut silentio prætereunda ei, qui doctrinæ Christianæ sinceram & puram integritatem amplecteretur, quæ est καθελικὴ καὶ ὁρθόδοξος consensus Ecclesiæ DEI. Idq; confido neminem religiosæ pietatis studiosum & virum bonum esse offensurum. Nomen huius apostoli Hebraica origine deductum, significationem habet filij & aquæductus, siue aquæ suspensæ. Reperitur autem Tholomæi nomen proprium in sacris libris Hebraicis. fuere tamen qui suspicarentur corruptam appellationem istam esse confusione nominis Hebræi & Græci, vt filius Ptolomæi illo significaretur. Satis autem constat commistis externis gentibus cum Iudæis nomina quoque aliena in eo populo vsurpata fuisse, inter quæ est, Alexandri, Menelai, Iasonis. Vt Ptolomæus etiam esse aliquis potuisse videatur. De quo suam cuiq; conie-

cturam retinere concedatur. Sicut de origine etiam atq; genere apostoli huius, quod regie nobilitatis, atq; Indicæ adeo, quidam perhibere non dubitauerunt. Huius sortem fuisse Indicæ regiones, quæ late patent & sunt ingentes, etiam Eusebius, vt à prioribus acceptum libro tertio, & libro 5. Bartholomæum Indis reliquisse opus Hebraicum Euangelij Matthæi, scripsit, quod ibi repperit Pantæus magister scholæ Alexandrinæ, cum ardente quadam cupiditate pietatis religiosæ propagandæ in illa loca venisset, & docuisset Euangelium CHRISTI. De genere supplicij non omnes idem tradiderunt. Et satis esse nobis poterit, fuisse eum constantem & fidelem doctorem veritatis, à contumacibus & refragantibus siue in Armenia seu alibi, exquisitis cruciatibus necatum, & gloriosam mortem perfungendo manere suo obijisse. Hoc non credamus in ipsius nomine postea aliquid mirabiliter factum. Nam nequaquam consentit istud cum apostolica doctrina. Negat enim Petrus sua potentia aut vi effectum, vt ingredi posset claudus. Et idem affirmat, non esse aliud quam IESU Christi nomen hominibus datum, in quo salus contingere nobis debeat. Atque sunt de talibus vel per ignorantiam & simplicitatem incul-

inculcatis, vel studio pietatis nimio impru-
denter exaggeratis, vel quocūq; modo
in doctrinam puram atq; sinceram tan-
quam turbidis aquis deriuatis, paulatim
etiam mirificis & alienis crescentibus ce-
remonijs, ij errores nati, & sic corrupta
contaminataq; est disciplina Ecclesiastica,
vt partim fabulis Iudaicis, partim aliarum
gentium ritibus referta, ne speciem qui-
dem retinuerit amplius, cum res iampri-
dem peruersa atq; sublata esset. Quod dili-
genter erat animaduertendum. Iam etiam
vna cum contentione & refutatione falsi-
tatis inuectæ, & eorum quæ perperam vsur-
pata depræhenduntur, irrepit vel etiam pa-
lam existit, sanctarum & necessariarum ob-
seruationum intermissio, & in licentia om-
nium profana animorum leuitas crescit.
Quorum tam grauium malorum ij causam
dant, vel etiam autores sunt, qui apostoli-
cam successionem gloriose iactantes, neque
doctrinæ neque vitæ apostolicæ restituen-
dæ & instaurandæ operam dant, suumq; vt
opinantur, statum defendendo & confir-
mando, non verentur pro vitijs manifestis
propugnare, & errores ita demonstratos,
vt ante omnium oculos versentur, asserere.
Quæ quo euasura sint, licet cogitent ij quo-
rum maxime interest. Nobis hanc mentio-
nem

nem & sensus communis miseræ, & non iniusta indignatio ob tantam & socordiam & contumaciam, in periculis vndique circumstantibus maximis, expressit. Quam nequaquam abhorrentem ab instituto argumento in optimam partem acceptum iri confido. Non enim increpantis neque accusantis ista oratio est, sed vel deplorantis molliter querelam suam, vel admonentis fideliter officij omnes, qui rebus laborantibus atque prolapsis consulere opitularique & possunt & debent. Atque nunc deinceps historiæ descriptionem prosequemur.

M A T T H A E V S.

MATTHÆVS, ut videtur, græca terminatione nominis ductus ex Hebraico, significationem habere perhibetur Donati. Huius fuit Leui quoque appellatio, in qua est significatio copulæ. Marcus Euangelista non obscure videtur indicare, fuisse patrem Matthæi Alphæum. Præterea neque de genere eius neque patria certi quicquam est proditum. Capernaumi verisimile est habuisse eum tabernam quæstus sui, & ibi inde esse auocatum à IESV, habuisse & domicilium ibidem, de accepto IESV domi ipsius una cum alijs, & conuiuio parato, conijcere

ijcere liceat , vt Capernaiten Matthæum
fuisse suspicari aliquis possẽ videatur. De
quo quidem hætenus. Quem *τελώνω* voca-
runt Euangelistæ , & huius tabernam seu
officinam *τελωνέιον* , is est, latinis publicanus.
Publicani autem olim equites Romani &
homines honesti dicebantur , qui conductæ
seu redemptæ habebant in prouincijs vecti-
galia populi Romani. De quorum operis
& ministris mentio scilicet *τελωνῶν* apud
Euangelistas atq; alios quoq; scriptores est
accipiendâ. Hos *δημοσιῶνας* quoq; voca-
runt , à redemptione eorum , quæ publico
nomine exigenterentur , propius latinum no-
men interpretantes. Istorum magistrum
Zacheum perhibet Lucas & appellat *ἀρχιτε-
λώνω*. Ex his igitur vnum Matthæum fuisse
existimandum, qui iussus à I E S V sequi se,
sine recusatione & nulla interposita morâ,
paruit. Quod expositum etiam est ab ipso
Matthæo & Marco deinde atq; Luca. Cæ-
tera alij tradidere: Nimirum Euangelicam
historiâ scripsisse hunc sermone Hebrai-
co. Quod opus completum habere & ser-
uare Nazoræus Epiphanius , & sibi exem-
plum inde transferendi potestatem ab eis
factam, Hieronymus scripsit. Incoluere au-
tem Nazoræi Berroeam quondam in Cœ-
losyria & Decapoli, vbi Pella olim fuit, re-
cepta-

ceptraculum Christianorum, qui Hierosolymis ante obsidionem Romanorum excesserant. Hi ad Euangelij doctrinam etiam legis Mosaicæ obseruationem adiunxere. Atque putat Epiphanius his ipsis à Iudeis solenni execratione maledici, cum illi Christianos potius detestentur Nazæorum nomine vniuersos propter IESVM Nazarenum. De opere igitur Euangelico hoc sane ita esse persuasum habeatur, Hebraico id esse sermone ab autore compositum, cum nostra etiam ætate tale quoppiam fuerit prolatum. Quis autem in Græcum conuerterit, & an non etiam ipse Matthæus Græco quoque sermone conscripserit, cum veteres in medio & ambiguum reliquerint, nos exquirere esset superuacaneum & ineptum quoque. Quia autem supra ex Eusebio indicatum est, reliquisse opus Euangelicum Indis Matthæum, quæri fortasse possit, unde historia de eo Aethiopica nata sit. Rufini quidem interpretatio Eusebiana, attribuit Matthæo sortem Aethiopiæ, vt. Bartholomæo Indiæ citerioris. Sed neutrum horum in græcis libris Eusebij, in primo tamen libro Socratis scholastici vtrunque legitur, loco ex Rufini scriptis translato. In narrationibus etiam istis, quidam eruditi quoque (nam de indoctis minus est mirandum)

dum) non animaduenterunt Candaces nomen in Lucæ historia apostolica positum, non viri & Eunuchi esse, sed mulieris Reginæ Aethiopum, cuius ille esset Eunuchus, & in eo regno potens, nomine non expresso. Eamq; reginam à Strabone ut Domitianam Aethiopum celebrari, supra diximus. Quapropter cum quadam attentione ea legi poterunt, quæ sunt de hoc apostolo deq; alijs vulgata. Neq; tamen negandum est, & ad Indos & ad Aethiopas Matthæum accessisse, cum præsertim utranque gentem tam late longeque patere & extendi veterum descriptionibus & nostrorum quoque temporum narrationibus constet. Euangelicum scriptum composuisse Matthæum, ijs temporibus, quibus Romæ Petrus & Paulus docendo Euangelium Ecclesiæ fundamenta iecerint, ex Irenæo retulit Eusebius libro 5. historiae Ecclesiasticæ. In Chronicis vero eiusdem Eusebij nomen præferentibus, librum Euangelicum à Matthæo compositum esse anno tertio Imperij Caij Cæsaris legitur. De mirabilium autem operum effectibus, tam huius apostoli quam cæterorum generaliter credi par est, fuisse illas insignes, cum haberent adiutorem laborum suorum DOMINVM Iesum, & confirmatorem doctrinæ salutaris. Non tamen

men necesse est in singulis, quæ diuerforum narrationibus recitantur, quasi hæere, vel explicandi vel inquirendi gratia. De quo plura dicturi non sumus. Interfectum eum esse ab regio carnifice refragantem cupiditati iuuenili, in templo, traditum est. Non vult autem certe potentia aduersari suæ voluntati vllos, & in hoc mundo talem mercedem reddi apostolis scilicet oportuit, ad exemplum in I E S V Christo statutum, & secundum prædictionem ipsius. Patratum facinus perhibent ante diem vndecimum Cal. Octobris, quo in Ecclesiasticis fastis nomen Matthæi apostoli legitur ascriptum. Et seruatum idem est in plerisque alijs, vt quo die excelsisset quisque è vita, eo memoriæ ipsius celebrandæ gratia, nomen in fastis ascriberetur, & anniuersariæ illi recordationis tribueretur honos, & exemplū ad imitandum prædicatione religiosa proponeretur cæteris. De quo quidem in quadam epistola à Basilio scripta putauī in latinum sermonem conuersa hoc loco subiicienda. Sic igitur ille: Quemadmodum pictores, quando imaginem vnā ex altera imagine exprimere volunt, crebro respiciendo ad propositum exemplum, formam illam ad suæ artis & industriæ opus inde transferre student: Ita oportet eum, qui studio

studio tenetur omnibus partibus perfectæ virtutis, quæ in se ipso elaboretur, respicere ad sanctorum hominum vitam, tanquam simulacra quædam ingredientia atq; actiuosa, & quod in illis boni est, id sibi familiare facere & proprium imitando. Atque hic cultus sanctorum hominum, qui curriculo suo confecto in terris, ad consuetudinem cum CHRISTO Iesu DOMINO suo cœlestem decesserunt, verus esse & fructuosus superstitibus & placens DEO ipsiq; gratus existimari debet. Clemens Alexandrinus eo libro, cui titulum fecit *παιδαγωγῶν* (quo institutio puerilis significatur) scripsit, apostolum Matthæum solitum fuisse carnis abstinere, & tenuissimo victu ac contemtissimis escis uti, nimirum leguminum, fructuum, olerum. Quo ipso, ut in cibo atque potu temperantia recte commendatur, & necessaria etiam victus cultusq; apostolici ratio indicatur, sic non debent de istis & similibus narrationibus detexi quasi plagæ edictorum, aut induci obseruationum laquei. Apostolorum vita perpetuis peregrinationibus & nulla ciuili ordinatione occupata, ad maximam atq; singularem patientiam laborumq; tolerantiam exercenda fuit inq; primis ad continentiam ac abstinentiam. Quomodo enim mandato

L

mune-

munere fungerentur, vel curis rei domesticæ implicati, vel alligati publicis curationibus, vel voluptatum vllis illecebris relinquentes locum? Atque pertinet exemplum horum eo, & ita est ad imitandum propositum omnibus, ut similiter opera detur castitati, sobrietatiq; utq; libidines coherceantur, & vitetur immoderatus pastus atq; potus. Nam illis animus exultans nulli salutare cognitioni vacare potest, hoc mens obstupefacta obruitur, & tanquam & in pecude nulla huius apparet efficacia. Omnino est in Ecclesia Christi necessaria abstinentia atq; continentia itemq; virtutis decus vniuersæ. Neq; hominum istam laudem sed cœtus illius esse conuenit. Ut qui in eo censi velint, ij vitam degere studeant ab omni turpitudinis labe puram. Aut si sceleribus flagitijsue contaminentur, ex illius sancti populi communitate exterminentur. De precibus enim religiosis quid dicamus? Quas ardentes in Ecclesia CHRISTI frequentari oportet. At hæc certe crapula restringuntur, & in molli dissolutaq; vita languescunt. Itaq; & apostolus Paulus, ut magis in has incumbatur, vsui quoque legitime consuetudinis in coniugio moderandum esse præcipit, & cum harum fere vbiq; in sacris literis mentione mentionem ieiunij

nij coniungi scimus. Quinetiam de tali vita constitutionem quoque atque normam quandam seueræ disciplinæ extare rectum est ac debet, vt omnia fiant ordine in religiosæ pietatis & honestatis eximie luculenta specie. Sed his ipsis legibus, institutis, ritibus nullo modo ferendum est minui Christianæ fidei libertatem, & veritatem religionis cum superstitionis falsitate aut commutari aut confundi, aut clarissimo doctrinæ cœlestis lumini tenebras obduci errorum. Id quod & factum esse, & nunc quoque defendi alicubi, non est obscurum. De quo & ipso in præsentia satis. Filius D E I, qui in mundum hunc venit, vt testis esset veritatis, benigne largiatur S P I R I T V M sanctum Magistrum veritatis, laboranti & multipliciter afflictæ Ecclesiæ suæ, qui depulsa caligine errorem veritatis lucem reducat, & maculis absterfis pristinam restituat pulcritudinem.

T H O M A S.

P E R V E N I T iam serie proposita narratio nostra ad apostolum Thomam, quem Lucas inter duodecim ex vniuersis discipulis delectis ad munus apostolicum à I E S V, octauum numerat. Interpretatur autem

huius nomen Hebraicum Euangelista Iohannes, Græco nomine διδύμου, id est, Gemini. Sunt autem gemini vno puerperio nati fratres. Neq̃ addi fratres necesse est, cum nihil aliud geminorum appellatione soleat intelligi. Geminos tamen dixit, & Tergeminos fratres Liuius, qui sunt τριδύμοι. Sed ista hæcenus inserta esse, fortasse non sit culpandum. Thomas apostolus reuerſi in Iudæam volentem IESVM retinentibus dehortando cæteris discipulis: Et nos, inquit, vna pergamus, vt vna cum ipso moriamur. De quo dicto non alienum fuerit commemorare, quid ex Origene retulerit Theophylactus, cum quidem ridiculam enarrationem eam vocet. Cum Thomas, inquit Origenes, audiſſet atque didiciſſet, quod prophetiæ eſſent de CHRISTO: Descensurum eum ad inferos & liberaturum eſſe animas, postquam audit ex Christo: Vado ad ſuscitandum de ſomno Laſſarum, ſtatuit non poſſe aliter eum de eo ſomno ſuscitare, id eſt, liberare animam illius, niſi ipſe quoque exuto corpore ad inferos penetraret. Quapropter tanquam germanus CHRISTI diſcipulus, ne tunc quidem relinquere volens magiſtrum, deliberat & ipſe exuere corpus, & cohortatur ad hoc cæteros diſcipulos, vt vna cum IESV deſcen-

scendant, impensuro suam animam & ex inferis animam amici sui ita educturo. Atque hæc vt negatoria ille deridet, & putat ea, quæ in historia Euangelica leguntur, à Thoma tunc fuisse dicta simulatione quadam, id est, *ἡρωικῶς*, vt à comitatu ita I E S V cæteros quoque absterret. Sunt autem explicationes Theophylacti excerptæ de enarationibus prolixioribus Iohannis cognomento Chrysostomi. Quæ ideo etiam hoc loco putavi recensenda, vt pia & religiosa consideratione veterum quoque scripta legenda esse animaduertetur. Hic idem apostolus negat se viam nosse, qua abiturus esset I E S V S. Hinc item I E S V S Christus, postquam ad vitam à morte resurrexerat, sese exhibuit præbuitq; contrectandum, & hortatus est, vt fidelis esse vellet, abiecta omni diffidentia. Quibus demonstratis persequamur reliqua. Eusebius libro primo ex publicis monumentis Edessenorum Syriacorum, exposuit exempla literarum principis Augari seu Agbari ciuitatis illius ad D O M I N V M nostrum I E S V M, & I E S V responsionem ad hunc. Et inde dem historiam missi apostoli Taddæi vnus ex septuaginta discipulis I E S V à Iuda qui & Thomas esset, quæ sane minus discreta narratio est, cum non explanetur, an ha-

buerit Thomas apostolus alterum Iudæ nomen, & nunquid Thaddæus iste apostolus fuerit ille ex septuaginta discipulis vnus ad munus apostolicum delectus. Suspiciari etiam aliquis possit, transpositis nominibus illam descriptionem esse deprauatam. De quo qui volet, quærat amplius, fit mentio ab eodem Eusebio de Euangelio Thomæ, quod prorsus repudiat vt alienum à religionis Christianæ sanctitate. Inter *ἀποστόλοις* etiam recensetur *θεόδοτος* Thomæ, sicut Iohannis & Petri. Quæ scilicet narrationes fuere de itineribus & peregrinationibus istorum apostolorum. Epiphanius autem confutans hæresin apostolicorum, meminit Andreæ & Thomæ rerum gestarum, id est, *ᾠδῶν*. Quibus in primis vterentur & supra quas fundarent suam sententiam apostolici illi. Horum fuere præcipua dogmata: Nihil quenquam possidere propriarum facultatum, & : abstinere coniugio, quod damnarent nuptias tanquam inquinantes illis iunctos. Cum autem istiusmodi quædam in vulgatis narrationibus de Thoma apostolo reperiantur, inprimis autem distractiones matrimonij, omnino credibile est, hæc ex falsis & explosis catholico consensu scriptis manasse, vt non modo nihil in Ecclesia autoritatis habere debeant, sed

tanquam

tanquam corruptelæ veritatis exterminandæ esse videantur. Ad autorem Chrysostomum refertur, venisse hunc apostolum ad Magos, à quibus fuissent munera allata infanti CHRISTO Iesu. Cuius penes ipsum fides esto, nam Iustinus Arabicam eam nationem fuisse, quemadmodum alibi quoque ostendimus, censet. Post graues autem cruciatus, inter quos vitam ipsius diuina potentia mirabiliter conseruasset, tandem lanceis confossum apostolum Thomam, & corpus eius Edessam delatum fuisse accepimus.

I A C O B V S, C O G N O - M E N T O I V S T V S.

DOMINI nostri IESV Christi cognati atq; consanguinei aliqui, omnium populorum consuetudine fratres appellati fuere. In his præcipue Iacobus ista mentione, quod frater DOMINI Iesu fuerit, ornatur. Eundem & Obliam appellatum, in quo munitæ iusticiæ significatio insit, ex Hegesippo retulit Eusebius. Ea autem fuit existimatio omnium de ipsius sanctitate & virtute, vt cognomento Iusti de eo tanquam proprio nomine vterentur. Quod in illustri excellentia aliquorum fieri solet. Eundem ta-

men & paruum seu minorem vocarunt. Hunc omnium primum episcopum ab apostolis constitutum fuisse in terris traditur, qui præsideret in Ecclesia CHRISTI Hierosolymis, quam gubernasse eum Diuus Hieronymus scripsit annis xxx. Epiphanius, nescio quo autore, refellens impie sentientes de illibatæ virginis Mariæ matris IESV Christi perpetua castitate, vixisse hunc ait post ascensionem in cælos IESV, annis plus minus xxxiiii. & mortuum anno ætatis suæ nonagesimo sexto. Cum tamen idem tradat hunc Iacobum fuisse, qui relicta sindone nudus aufugerit, cum comprehenderetur noctu IESVS, quem certe Marcus Euangelista adolescentem appellat. Quædam igitur non exquiri nimis anxie, atque relinqui potius in medio, & retineri simplicem exclusis omnibus controuersijs, assensionem, in Ecclesiâ potissimum non ambigua doctrina, tantum abest vt improbandum sit, vt infinito studio occulta perscrutandi, & nihil non explicandi atque euoluendi, longe melius atque rectius æstimari debeat. Huic conspiciendum se exhibuisse IESVM, postquam resurrexerat viuus à morte, scripsit Corinthijs apostolus Paulus, de quo Diuus Hieronymus amplius aliquid narrauit, translatum ex Euangelio

ho Hebræorum, quod Epiphanius etiam
 τὸ διὰ τῶν ἁγίων nominari ait, quasi dicamus
 feriem per quatuor procedentem, ut qua-
 tuor ita scripta Euangelica continuata fu-
 isse videantur. Et addit perhiberi, quod
 autor illius sit Tatianus, unde secta prodi-
 erit τῆς ἐκκαλιτῶν, id est, continentum. Qua-
 propter libri illius neque fuit vnquam neque
 esse debet aliqua in Ecclesia CHRISTI au-
 toritas. Quamuis à Diuo Hieronymo com-
 memorata nihil absurditatis prorsus, neque
 adeo incommoditatis quicquam habere vi-
 deantur. Quod ad cognationem quoque at-
 tinet IESU & Iacobi, bifariam hæc demon-
 strata est. Aliqui, quibus diuus Hierony-
 mus assentitur, tradidere, matrem fuisse
 Iacobi huius Mariam sororem germanam
 virginis Mariæ matris. His quidam ad-
 dunt nupsisse eam primum Alphæo, qui ex
 ipsa hunc Iacobum suscepit. Quod si
 idem hic Alphæus est & pater Matthæi, re-
 periuntur scilicet fratres Iacobus atque
 Matthæus saltem consanguinei. Mortuo
 Alphæo tradunt isti nupsisse Mariam illam
 Cleopæ fratri Iosephi, & peperisse Simeo-
 nem, qui post Iacobum episcopus fuerit
 Hierosolymis. Et dicitur hic sane in libro
 tertio Eusebij fuisse ἀδελφὸς DOMINI Iesu.
 quo certe frater patruelis aut consobrinus

significatur. Epiphanius hunc Iacobum filium fuisse scripsit Iosephi, susceptum ex coniuge, quam habuisset antequam ei virgo Maria mater IESV desponderetur. Et ex illa ait post Iacobum genuisse Iosephum filios tres & filias duas ætate ipsum grandem. Filiorum nomina memorat Iosæ, Simeonis, Iudæ, filiarum Mariæ & Salomes. Fuere etiam qui vocarent Mariam virginem matrem IESV, Iacobi huius & Iosæ matrem, nouercam nimirum quæ desponsa fuisset patri ipsorum Iosepho. Mirum autem videri possit, Iacobum hunc Iosephi filium Perhiberi, animaduertenti vbiq; Alphæi illum in Euangelica & apostolica historia dici, alij igitur cognationem sic explicarunt. Iosephus & Cleopas fratres fuere. Moritur Cleopas sine liberis, ducere igitur oportuit legibus Iosephum relictam uxorem eius, ex qua suscepit cum alios liberos, tum Mariam, quæ virginis Mariæ soror & Cleopæ perhibetur in historia Euangelica Iohannis. Hæc iam ad ea referantur, de quibus rixari aut contendere non opus, vel nequaquam par est ac decet. Quod retineri ab vnoquoq; id, quod maxime arriserit, recte posse videatur. Iacobus hic, cum negligi intermittiq; indies magis ritus Iudaicos augescere numero Christianorum,

rum, ægre & iniquo animo quidam ferrent,
 & passim turbarent in congregationibus
 piorum, affirmantes necessariam esse legis
 obseruationem, grauis: oratione post Pe-
 trum autor fuit epistolæ missæ de comuni
 sententia apostolorum Antiochiam. Ex tur-
 batoribus autem illis nominauit Epiphani-
 us Cerinthum hæreticum. Istam vero epi-
 stolam Clemens Alexandrinus appellat
 Canonicam, & docet ea quæ ibi recensentur,
 necessario obseruanda esse. Et constat
 sane diu fuisse in Ecclesia obseruata. Idem
 Iacobus vel consilium dedit, vel dantib. as-
 sensus certe fuit, de nuncupando voto &
 soluendo ab Apostolo Paulo. Id etsi, ordi-
 nante Deo æterno illam progressionem
 negotij, ita factum esse apparet: Tamen
 documentum etiam capi inde potest, quo
 interdum sanctissimorum quoque homi-
 num prudentiæ consilia euadant. Qua enim
 ratione quietem effectum iri tunc speraue-
 rant, ex ea quantus tumultus & quam sedi-
 tiosus motus extitit? Sed hæc considera-
 tionis iam alterius fuerint. De huius Iaco-
 bi sanctitate & assiduitate precandi, & ijs
 exercendis, quibus omnium vitiorum at-
 que cupiditatum quasi materia excideretur
 & restinguerentur flammæ, itemq; de di-
 gnitate pontificia & fideli administratione
 mune-

muneris apostolici, deq̃ constante & firmo proposito confitendi & asserendi veritatem doctrinæ cœlestis de filio D E I Domino nostro I E S V Christo, liberatore, redemptore, saluatore generis humani (quod est præconium Euangelij de regno D E I) Itemq̃ de crudelitate aduersantium Iudæorum, & morte ipsi seni per maximos cruciatus oblata: De his omnibus, inquam, historia est in mediò apud Eusebium Hegeppii verba referentem libro Ecclesiasticæ historiæ secundo, & repetentem illa more suo Epiphanium in disputatione contra eos, qui sanctissimam virginem Mariam vnus D O M I N I Iesu solam fuisse matrem negarent. Quæ mihi narratione mea retexere visum non est, cum & Græce & Latine exposita extent, & cognosci legendo ab vnoquoq̃ facile possint. Quibus addi poterit Flauij Iosephi honestiss: testimonium ex vltimo antiquarum rerum narrationis libro. Qui etiam hoc nefarium facinus gentem Iudaicam, exitio vltimo luisse censet. Quæ & ipsa Eusebius verbis Iosephi exposuit. Atq̃ nos sanctissimi viri & admirabili continentia abstinentiaq̃ ac religionis eximio studio celebris apostoli memoriam venerantes, ita ad ea quæ restant persequenda procedamus. Extat autem
epistola

epistola Canonica Iacobi, quæ in Ecclesia
 IESU Christi inter eas, quæ Catholicæ epis-
 stolæ vocantur, prima collocata legitur.
 Eam quidam alteri Iacobo fratri Iohannis
 ascripsere, quamvis de auctore omnino ve-
 tustas dubitarit, neque multi ex antiquis
 doctoribus pijs in Ecclesia, testimonijs epi-
 stolæ illius vti sint, quemadmodum scripsit
 Eusebius. Est autem epistola illa plena
 optimis præceptis vitæ honestæ & sanctæ,
 professionemq; fidei Christianæ inprimis
 decentis. Eusebius libro septimo Eccle-
 sisticæ historiæ, solum Iacobi, qui primus
 esset designatus atque factus episcopus
 Hierosolymis ab ipso DOMINO Iesu &
 apostolis, scripsit illo in loco diligentia
 successorum conservatum fuisse ad sua us-
 que tempora & cum veneratione ostensum.
 Vt autem monumenta quædam retineri
 aliquorum, neq; ab affectione amoris ab-
 horret, & piæ memoriæ laudem hæ-
 bere potest, sic non etiam hoc studium eo
 usq; progredi debet, vt ad manifestas super-
 stitiones & idololatricos cultus euadat. Id
 quod & in simulacris atq; imaginibus &
 reliquijs aliquorum ex sepulcris quoque
 erutis & ad adorandum propositis, accidisse
 impietate animaduertenda, iam sic est cui-
 dens, vt impudentia quoq; in negando cru-
 bescere

bescere cogatur. De quo, si necesse est, audiantur alij & grauiores censores talium & accusatores vehementiores. Gregorius certe, quem eccellente nomine Theologum vocarunt horribile & atrox in primis esse pronunciat *νεκρῶν λείψανα σέβειν*. Quo nos in præsentia autore & dicto contenti pergemus ad ea, quæ restant prioribus adiungenda.

S I M O N Z E L O T E S.

SIMONEM, qui in ea serie, quam nos sequimur, post Iacobum ponitur, Matthæus & Marcus Cananiten vocant, Lucas Zeloten, quo nomine significatur vehemens & incitata affectio & ardor animi in ijs vrgendis, quæ aliquis proposuit atq; decreuit. Significatur Zeli nomine & æmulatio, quæ est, secundum Ciceronem, ægritudo, si eo, quod concupierit, alius potiatur, ipse careat. Fuit autem factio olim quædam Iudæorum, quæ sibi imposuit Zelotarum nomen, tanquam acerrimis assertoribus & defensoribus legitimarum obseruationum. Sed plerisq; placet græcum hoc *ζηλώτου* cognomen Simonis interpretari Hebraicum Cananitæ. Cum istud quidem formam patriæ etiam appellationis præ se ferat, & suspicari

spicari aliquis forte possit, habuisse eum
 Canan in Galilæa patriam. Neque est de
 genere huius quicquam certi proditum.
 Quidam nomen Simeonis alterius, cum hu-
 ius Simonis nomine confundentes, perhi-
 buerunt cum Hierosolymis esse interfe-
 ctum admodum senem. Id quod de Simeo-
 ne libro tertio Eusebij ex Hegesippo refer-
 tur: Qui scripserit & secundum episcopum
 hunc Hierosolymis & filium Cleopæ, &
 post gravissima tormenta in crucem sub-
 latum fuisse anno ætatis suæ centesimo vi-
 cesimo. Huius igitur Simonis genus in me-
 dio relinquatur inexploratum. Deque eo
 quæ vulgo extant, qui volet is legendo co-
 gnoscat, sunt enim in promptu. Sane quæ de
 Magis ibi aduersarijs Simonis & Iudæ nar-
 rantur, ideo attentius fortasse considerari
 possint, quod dogmata illis tradantur hæ-
 reticorum, qui longo post eos tempore Ec-
 clesiam CHRISTI Iesu turbarunt, Saturni-
 lianorum & Basilidianorum, & qui secta-
 tores horum singularem noticiam iacta-
 runt, vnde & Gnostici fuere dicti. Non fit
 etiam in Evangelica aut apostolica histo-
 ria alibi de hoc Simone mentio, nisi in duo-
 decim apostolorum enumeratione. Neque
 nobis quid de eo præterea commemorare-
 mus, in mentem venit. Hoc igitur loco
 istam

istam expositionem concludentes, de Iuda quem cum hoc coniungere, & quidam fratrem etiam fuisse ipsius crediderunt, quæ recte & vtiliter narrari posse putauimus, ea subiiciemus.

IUDAS QVI ET LEBBAEVS
ET THADDAEVS.

LVCAS Iudam Iacobi inter duodecim apostolos nominat. Hoc quid sit, nisi filium Iacobi, equidem non dispicio. Quidam tamen fratrem maluerunt. Sed Græci sermonis proprietās ad alicuius nomen alterum casu eo, quem genitium appellant, apponens filium & patrem indicare solet. Sicut igitur Matthæo est *Ἰακωβὸς ὁ ὅτ' ἀλφαίου*, & idem Lucæ *Ἰακωβὸς ἀλφαίου*, Iacobus filius Alphæi (quamuis nescio quo autore hunc Iacobum Iosephi filium faciat Epiphanius, quemadmodum supra ostendimus) Sic scilicet est *Ἰουδᾶς Ἰακωβόυ*, nimirum *Ἰουδᾶς ὁ ὅτ' Ἰακωβόυ*, Iudas Iacobi filius. Cuius quidem Iacobi ego indicare non possum, atque haud scio an demonstrari omnino plane nequeat. Itaque de hoc plus verborum facturi non sumus, & in ignorantia quoq; generis, cum de persona constet, nihil detrimenti pia consideratio fecerit. Lebbæum hunc nominat

nominat Matthæus Euangelista, & cognomen addit Thaddæi. Lebbæi appellatio videtur habere significationem lucis & candoris. Thaddæum autem interpretantur ita, vt idem hoc & Iudæ nomine significetur, nimirum laudans & celebrans confessione sua. Vnde Thaddæum & Iudam cognomine diuersis vocabulis idem significante appellatum fuisse, eum qui proprio nomine Lebbæus esset, suspicari fortasse liceat. Meminit huius apostoli Iohannes Euangelista, non aliter eum denotans quam distinctione ab Iscariota, hoc modo: Dicit ei Iudas, non Iscariota ille, D O M I N E, quid accidit, quod te declaraturus es nobis, & haud mundo? Eusebius quidem Iudam fuisse inter eos, qui fratres D O M I N I Iesu vocarentur, ex Hegesippo indicat. Et Epistola, quæ Iudæ ascribitur, fratrem hunc Iacobi perhibet. Vnde apud Lucam illud *Ιουδᾶς ἰακώβου*, quidam sic fuere interpretati, vt adderent fratris nomen. Quod si hic & Iacobus & Iudas fuissent filij Iosephi, id quod Epiphanium scripsisse supra docuimus, manifesta esset consanguinitas horum. Sed quid illa ab Epiphanio, quocumque sane autore, tradita conturbet, nos quoque monuimus, vt incerta ista à me relinqui necesse sit, fuere etiam qui hunc

M Thad-

Thaddæum missum esse existimarent ad Abgarum præsidem Edessæ, secundum promissionem epistolæ, cuius exemplum exposuit Eusebius libro 1. translatum, ut ipse ait, ex publicis Edessenorum literis. De quo etiam supra & mentionem fecimus & disputauimus quædam. Sane in Eusebio Thaddæus ille, qui ad Abgarum illum missus fuerit, vnus esse plane dicitur ex numero septuaginta discipulorum, & tamen apostoli quoque nomine dignatur. De hoc igitur vel quærat amplius, qui volet, vel inexactum etiam istud relinquat, & magis necessariae cognitioni operam tempusque impendat. Epistola Iudæ & Petri posterior tantam habent inter se similitudinem, ut altera ex altera excerpta atque expressa videatur. Et constat utranque eam inter illa scripta Ecclesiastica habitam esse, quæ ἀντιγραφικὰ vocarunt, id est, de quorum autoribus quæri solet, quamuis in Ecclesia publice legerentur & doctrinae apostolicæ auctoritatem obtinerent.

M A T T H I A S.

CUM Iudas cognomento Iscariotes (de cuius cognominis tam significatione quam causa alij aliter) & scelere & desperatione
 miseri-

misericiordiæ diuinæ, & tandem morte horribili numerum duodecim apostolorum diminuisset, forte lectus Matthias, quemadmodum in apostolica Lucæ historia legitur, rursus illum numerum explendo perfecit. In nomine est significatio diuini muneris. Atque perhibent hunc patriam habuisse Bethlehemi oppidum, & in Iudæa Euangelium docuisse, & tandem Pontificum odio sublatum è medio. Non autem idem omnes de genere supplicij tradiderunt. Fuisse vnum hunc ex numero septuaginta discipulorum D O M I N I Iesu scripsit Eusebius libro primo, vbi ille quidem nusquam extare ait enumerationem horum nominatum, perhiberi tamen in his fuisse Barnabam, & Sosthenem & Petrum eodem cum Cepha nomine, & Matthiam hunc & Thaddæum ab apostolo Thoma ad Abgarum missum. Cum autem apostoli Matthiæ historia causam dederit mentioni quæ de Iscariota fieret, non putavi silentio prætereundum id quod de hæreticis Caianis retulit Epiphanius, habuisse eos librum, cuius auctoritatem præcipue sequerentur, titulo Euangelij Iudæ huius. Vnde perspicui potest, nihil tam esse absurdum aut mirificum, ad quod non aberret in tenebris ignorantia mens humana. Clemens Alexandrinus

buerit Thomas apostolus alterum Iudæ nomen, & nunquid Thaddæus iste apostolus fuerit ille ex septuaginta discipulis vnus ad munus apostolicum delectus. Suspiciari etiam aliquis possit, transpositis nominibus illam descriptionem esse deprauatam. De quo qui vult, quærat amplius, fit mentio ab eodem Eusebio de Euangelio Thomæ, quod prorsus repudiat vt alienum à religionis Christianæ sanctitate. Inter *ἀποστόλοις* etiam recensetur *θεόδοτος* Thomæ, sicut Iohannis & Petri. Quæ scilicet narrationes fuere de itineribus & peregrinationibus istorum apostolorum. Epiphanius autem confutans hæresin apostolicorum, meminit Andreæ & Thomæ rerum gestarum, id est, *ἐργασιων*. Quibus in primis vterentur & supra quas fundarent suam sententiam apostolici illi. Horum fuere præcipua dogmata: Nihil quenquam possidere propriarum facultatum, & abstinere coniugio, quod damnarent nuptias tanquam inquinantes illis iunctos. Cum autem istiusmodi quædam in vulgatis narrationibus de Thoma apostolo reperiantur, inprimis autem distractiones matrimonij, omnino credibile est, hæc ex falsis & explosis catholico consensu scriptis manasse, vt non modo nihil in Ecclesia autoritatis habere debeant, sed
tanquam

tanquam corruptelæ veritatis exterminandæ esse videantur. Ad autorem Chrysostomum refertur, venisse hunc apostolum ad Magos, à quibus fuissent munera allata infanti CHRISTO Iesu. Cuius penes ipsum fides esto, nam Iustinus Arabicam eam nationem fuisse, quemadmodum alibi quoque ostendimus, censet. Post graues autem cruciatus, inter quos vitam ipsius diuina potentia mirabiliter conseruasset, tandem lanceis confossum apostolum Thomam, & corpus eius Edessam delatum fuisse accepimus.

I A C O B V S, C O G N O -
M E N T O I V S T V S.

D O M I N I nostri I E S V Christi cognati atq; consanguinei aliqui, omnium populorum consuetudine fratres appellati fuere. In his præcipue Iacobus ista mentione, quod frater D O M I N I Iesu fuerit, ornatur. Eundem & Obliam appellatum, in quo munitæ iusticiæ significatio insit, ex Hegesippo retulit Eusebius. Ea autem fuit existimatio omnium de ipsius sanctitate & virtute, vt cognomento Iusti de eo tanquam proprio nomine vterentur. Quod in illustri excellentia aliquorum fieri solet. Eundem ta-

men & paruum seu minorem vocarunt. Hunc omnium primum episcopum ab apostolis constitutum fuisse in terris traditur, qui præsideret in Ecclesia CHRISTI Hierosolymis, quam gubernasse cum Diuus Hieronymus scripsit annis x x x. Epiphanius, nescio quo autore, refellens impies sentientes de illibata virginis Mariæ matris I E S V Christi perpetua castitate, vixisse hunc ait post ascensionem in cælos I E S V, annis plus minus x x I I I I. & mortuum anno ætatis suæ nonagesimo sexto. Cum tamen idem tradat hunc Iacobum fuisse, qui relicta sindone nudus aufugerit, cum comprehenderetur noctu I E S V S, quem certe Marcus Euangelista adolescentem appellat. Quædam igitur non exquiri nimis anxie, atque relinqui potius in medio, & retineri simplicem exclusis omnibus controuersijs, assensionem, in Ecclesiâ potissimum non ambigua doctrina, tantum abest vt improbandum sit, vt infinito studio occulta perscrutandi, & nihil non explicandi atque euoluendi, longe melius atque rectius æstimari debeat. Huic conspiciendum se exhibuisse I E S V M, postquam resurrexerat uiuus à morte, scripsit Corinthijs apostolus Paulus, de quo Diuus Hieronymus amplius aliquid narrauit, translatum ex Euangelio
lio

Ho Hebræorum, quod Epiphanius etiam
 τὸ διὰ τῶν ἁγίων nominari ait, quasi dicamus
 seriem per quatuor procedentem, ut qua-
 tuor ita scripta Evangelica continuata fu-
 isse videantur. Et addit perhiberi, quod
 autor illius sit Tatianus, unde secta prodi-
 erit τῆς ἐγκρίσεως, id est, continentum. Qua-
 propter libri illius neque fuit vnquam neq̃
 esse debet aliqua in Ecclesia CHRIS TIAu-
 toritas. Quamuis à Diuo Hieronymo com-
 memorata nihil absurditatis prorsus, neq̃
 adeo incommoditatis quicquam habere vi-
 deantur. Quod ad cognationem quoq̃ at-
 tinet I E S V & Iacobi, bifariam hæc demon-
 strata est. Aliqui, quibus diuus Hierony-
 mus assentitur, tradidere, matrem fuisse
 Iacobi huius Mariam sororem germanam
 virginis Mariæ matris. His quidam ad-
 dunt nupsisse eam primum Alphæo, qui ex
 ipsa hunc Iacobum suscepit. Quod si
 idem hic Alphæus est & pater Matthæi, re-
 periuntur scilicet fratres Iacobus atque
 Matthæus saltem consanguinei. Mortuo
 Alphæo tradunt isti nupsisse Mariam illam
 Cleopæ fratri Iosephi, & peperisse Simeo-
 nem, qui post Iacobum episcopus fuerit
 Hierosolymis. Et dicitur hic sane in libro
 tertio Eusebij fuisse αὐτὸς D O M I N I Iesu,
 quo certe frater patruelis aut consobrinus

significatur. Epiphanius hunc Iacobum filium fuisse scripsit Iosephi, susceptum ex coniuge, quam habuisset antequam ei virgo Maria mater I E S V desponderetur. Et ex illa ait post Iacobum genuisse Iosephum filios tres & filias duas ætate ipsum grandem. Filiorum nomina memorat Iosæ, Symeonis, Iudæ, filiarum Mariæ & Salomes. Fuisse etiam qui vocarent Mariam virginem matrem I E S V, Iacobi huius & Iosæ matrem, nouercam nimirum quæ desponsa fuisset patri ipsorum Iosepho. Mirum autem videri possit, Iacobum hunc Iosephi filium Perhiberi, animaduertenti vbiq; Alphæi illum in Euangelica & apostolica historia dici, alij igitur cognationem sic explicarunt. Iosephus & Cleopas fratres fuisse. Moritur Cleopas sine liberis, ducere igitur oportuit legibus Iosephum relictam uxorem eius, ex qua suscepit cum alios liberos, tum Mariam, quæ virginis Mariæ soror & Cleopæ perhibetur in historia Euangelica Iohannis. Hæc iam ad ea referantur, de quibus rixari aut contendere non opus, vel nequaquam par est ac decet. Quod retineri ab vnoquoq; id, quod maxime arriserit, recte posse videatur. Iacobus hic, cum negligi intermittiq; indies magis ritus Iudaicos augescere numero Christianorum,

rum, ægre & iniquo animo quidam ferrent,
 & passim turbarent in congregationibus
 piorum, affirmantes necessariam esse legis
 obseruationem, grauis: oratione post Pe-
 trum autor fuit epistolæ missæ de comuni
 sententia apostolorum Antiochiam. Ex tur-
 batoribus autem illis nominauit Epiphani-
 us Cerinthum hæreticum. Istam vero epi-
 stolam Clemens Alexandrinus appellat
 Canonicam, & docet ea quæ ibi recensentur,
 necessario obseruanda esse. Et constat
 sane diu fuisse in Ecclesia obseruata. Idem
 Iacobus vel consilium dedit, vel dantib. as-
 sensus certe fuit, de nuncupando voto &
 soluendo ab Apostolo Paulo. Id etsi, ordi-
 nante Deo æterno illam progressionem
 negotij, ita factum esse apparet: Tamen
 documentum etiam capi inde potest, quo
 interdum sanctissimorum quoque homi-
 num prudentiæ consilia euadant. Qua enim
 ratione quietem effectum iri tunc speraue-
 rant, ex ea quantus tumultus & quam sedi-
 tiosus motus extitit? Sed hæc considera-
 tionis iam alterius fuerint. De huius Iaco-
 bi sanctitate & assiduitate precandi, & ijs
 exercendis, quibus omnium vitiorum at-
 que cupiditatum quasi materia excideretur
 & restinguerentur flammæ, itemq; de di-
 gnitate pontificia & fideli administratione
 mune-

mulieris apostolici, deq; constante & firmo proposito confitendi & asserendi veritatem doctrinae coelestis de filio D E I Domino nostro I E S U Christo, liberatore, redemptore, saluatore generis humani (quod est praconium Euangelij de regno D E I) Itemq; de crudelitate aduersantium Iudaorum, & morte ipsi seni per maximos cruciatus oblata: De his omnibus, inquam, historia est in medio apud Eusebium Hegeippi verba referentem libro Ecclesiasticae historiae secundo, & repetentem illa more suo Epiphanium in disputatione contra eos, qui sanctissimam virginem Mariam vnus D O M I N I Iesu solam fuisse matrem negarent. Quae mihi narratione mea retexere visum non est, cum & Graece & Latine exposita extent, & cognosci legendo ab vnoquoq; facile possint. Quibus addi poterit Flauij Iosephi honestiss: testimonium ex vltimo antiquarum rerum narrationis libro. Qui etiam hoc nefarium facinus gentem Iudaicam, exitio vltimo luisse censet. Quae & ipsa Eusebius verbis Iosephi exposuit. Atq; nos sanctissimi viri & admirabili continentia abstinentiaq; ac religionis eximio studio celebris apostoli memoriam venerantes, ita ad ea quae restant persequenda procedamus. Extat autem
epistola

epistola Canonica Iacobi, quæ in Ecclesia
 IESV Christi inter eas, quæ Catholica episto-
 læ vocantur, prima collocata legitur.
 Eam quidam alteri Iacobo fratri Iohannis
 ascribere, quamvis de autore omnino ve-
 tustas dubitarit, neque multi ex antiquis
 doctoribus pijs in Ecclesia, testimonijs epi-
 stolæ illius vti sint, quemadmodum scripsit
 Eusebius. Est autem epistola illa plena
 optimis præceptis vitæ honestæ & sanctæ,
 professionemq; fidei Christianæ inprimis
 decentis. Eusebius libro septimo Eccle-
 sisticæ historiæ, folium Iacobi, qui primus
 esset designatus atque factus episcopus
 Hierosolymis ab ipso DOMINO Iesu &
 apostolis, scripsit illo in loco diligentia
 successorum conservatum fuisse ad sua us-
 que tempora & cum veneratione ostensum.
 Ut autem monumenta quædam retineri
 aliquorum, neq; ab affectione amoris ab-
 horret, & piæ memoriæ laudem hæ-
 bere potest, sic non etiam hoc studium eo
 usq; progredi debet, ut ad manifestas super-
 stitiones & idololatrias cultus euadat. Id
 quod & in simulacris atq; imaginibus &
 reliquijs aliquorum ex sepulcris quoque
 erutis & ad adorandum propositis, accidisse
 impietate animaduertenda, iam sic est cui-
 dens, ut impudentia quoq; in negando eru-
 bescere

bescere cogatur. De quo, si necesse est, audiuntur alij & grauiores censores talium & accusatores vehementiores. Gregorius certe, quem eccellente nomine Theologum vocarunt horribile & atrox in primis esse pronunciat *νεκρὸν λείψανον σέβειν*. Quo nos in præsentia autore & dicto contenti pergemus ad ea, quæ restant prioribus adiungenda.

S I M O N Z E L O T E S.

SIMONEM, qui in ea serie, quam nos sequimur, post Iacobum ponitur, Matthæus & Marcus Cananiten vocant, Lucas Zeloten, quo nomine significatur vehemens & incitata affectio & ardor animi in ijs vrgendis, quæ aliquis proposuit atq; decreuit. Significatur Zeli nomine & æmulatio, quæ est, secundum Ciceronem, ægritudo, si eo, quod concupierit, alius potiatur, ipse careat. Fuit autem factio olim quædam Iudæorum, quæ sibi imposuit Zelotarum nomen, tanquam acerrimis assertoribus & defensoribus legitimarum obseruationum. Sed plerisque placet græcum hoc *ζηλωτου* cognomen Simonis interpretari Hebraicum Cananitæ. Cum istud quidem formam patriæ etiam appellationis præ se ferat, & suspicari

spicari aliquis forte possit, habuisse eum
 Canan in Galilæa patriam. Neque est de
 genere huius quicquam certi proditum.
 Quidam nomen Simeonis alterius, cum hu-
 ius Simonis nomine confundentes, perhi-
 buerunt eum Hierosolymis esse interfe-
 ctum admodum senem. Id quod de Simeo-
 ne libro tertio Eusebij ex Hegesippo refer-
 tur: Qui scripserit & secundum episcopum
 hunc Hierosolymis & filium Cleopæ, &
 post gravissima tormenta in crucem sub-
 latum fuisse anno ætatis suæ centesimo vi-
 cesimo. Huius igitur Simonis genus in me-
 dio relinquatur inexploratum. Deque eo
 quæ vulgo extant, qui volet is legendo co-
 gnoscat, sunt enim in promptu. Sane quæ de
 Magis ibi aduersarijs Simonis & Iudæ nar-
 rantur, ideo attentius fortasse considerari
 possint, quod dogmata illis tradantur hæ-
 reticorum, qui longo post eos tempore Ec-
 clesiam CHRISTI Iesu turbarunt, Saturni-
 lianorum & Basilidianorum, & qui secta-
 tores horum singularem noticiam iacia-
 runt, vnde & Gnostici fuere dicti. Non fit
 etiam in Evangelica aut apostolica histo-
 ria alibi de hoc Simone mentio, nisi in duo-
 decim apostolorum enumeratione. Neque
 nobis quid de eo præterea commemorare-
 mus, in mentem venit. Hoc igitur loco
 istam

istam expositionem concludentes, de Iuda quem cum hoc coniungere, & quidam fratrem etiam fuisse ipsius crediderunt, quæ recte & vtiliter narrari posse putauimus, ea subiiciemus.

IVDAS QVI ET LEBBAEVS ET THADDAEVS.

LVCAS Iudam Iacobi inter duodecim apostolos nominat. Hoc quid sit, nisi filium Iacobi, equidem non dispicio. Quidam tamen fratrem maluerunt. Sed Græci sermonis proprietates ad alicuius nomen alterum casu eo, quem genitium appellant, apponens filium & patrem indicare solet. Sicut igitur Matthæo est *Ἰακωβὸς ὁ πρῶτος ἀλφαίου*, & idem Lucæ *Ἰακωβὸς ἀλφαίου*, Iacobus filius Alphæi (quamvis nescio quo autore hunc Iacobum Iosephi filium faciat Epiphanius, quemadmodum supra ostendimus) Sic scilicet est *Ἰουδᾶς ἰακωβὸς*, nimirum *Ἰουδᾶς ὁ πρῶτος ἰακωβὸς*, Iudas Iacobi filius. Cuius quidem Iacobi ego indicare non possum, atque haud scio an demonstrari omnino plane nequeat. Itaque de hoc plus verborum facturi non sumus, & in ignorantia quoq; generis, cum de persona constet, nihil detrimenti pia consideratio fecerit. Lebbæum hunc nominat

nominat Matthæus Euangelista, & cognomen addit Thaddæi. Lebbai appellatio videtur habere significationem lucis & candoris. Thaddæum autem interpretantur ita, ut idem hoc & Iudæ nomine significetur, nimirum laudans & celebrans confessione sua. Vnde Thaddæum & Iudam cognomine diuersis vocabulis idem significante appellatum fuisse, eum qui proprio nomine Lebbæus esset, suspicari fortasse liceat. Meminit huius apostoli Iohannes Euangelista, non aliter eum denotans quam distinctione ab Iscariota, hoc modo: Dicit ei Iudas, non Iscariota ille, DOMINE, quid accidit, quod te declaraturus es nobis, & haud mundo? Eusebius quidem Iudam fuisse inter eos, qui fratres DOMINI Iesu vocarentur, ex Hegesippo indicat. Et Epistola, quæ Iudæ ascribitur, fratrem hunc Iacobi perhibet. Vnde apud Lucam illud *Ιουδᾶς ἰακωβου*, quidam sic fuere interpretati, ut adderent fratris nomen. Quod si hic & Iacobus & Iudas fuissent filij Iosephi, id quod Epiphanium scripsisse supra docuimus, manifesta esset consanguinitas horum. Sed quid illa ab Epiphanio, quocunque sane autore, tradita conturbet, nos quoque monuimus, ut incerta ista à me relinqui necesse sit, fuere etiam qui hunc

M Thad-

Thaddæum missum esse existimarent ad Abgarum præsidem Edessæ, secundum promissionem epistolæ, cuius exemplum exposuit Eusebius libro 1. translatum, ut ipse ait, ex publicis Edessenorum literis. De quo etiam supra & mentionem fecimus & disputauimus quædam. Sane in Eusebio Thaddæus ille, qui ad Abgarum illum missus fuerit, vnus esse plane dicitur ex numero septuaginta discipulorum, & tamen apostoli quoque nomine dignatur. De hoc igitur vel quærat amplius, qui volet, vel inexactum etiam istud relinquat, & magis necessaria cognitioni operam tempusque impendat. Epistola Iudæ & Petri posterior tantam habent inter se similitudinem, ut altera ex altera excerpta atque expressa videatur. Et constat vtraque eam inter illa scripta Ecclesiastica habitam esse, quæ ἀντιγραφὴν vocarunt, id est, de quorum autoribus quæri solet, quamuis in Ecclesia publice legerentur & doctrinæ apostolicæ auctoritatem obtinerent.

M A T T H I A S.

Cum Iudas cognomento Iscariotes (de cuius cognominis tam significatione quam causa alij aliter) & scelere & desperatione
miseri-

miseriordiæ diuinæ, & tandem morte horribili numerum duodecim apostolorum diminuisset, sorte lectus Matthias, quemadmodum in apostolica Lucæ historia legitur, rursus illum numerum explendo perfecit. In nomine est significatio diuini muneris. Atque perhibent hunc patriam habuisse Bethlehemi oppidum, & in Iudæa Euangelium docuisse, & tandem Pontificum odio sublatum è medio. Non autem idem omnes de genere supplicij tradiderunt. Fuisse vnum hunc ex numero septuaginta discipulorum D O M I N I Iesu scripsit Eusebius libro primo, vbi ille quidem nusquam extare ait enumerationem horum nominatum, perhiberi tamen in his fuisse Barnabam, & Sosthenem & Petrum eodem cum Cepha nomine, & Matthiam hunc & Thaddæum ab apostolo Thoma ad Abgarum missum. Cum autem apostoli Matthiæ historia causam dederit mentioni quæ de Iscariota fieret, non putavi silentio prætereundum id quod de hæreticis Caianis retulit Epiphanius, habuisse eos librum, cuius auctoritatem præcipue sequerentur, titulo Euangelij Iudæ huius. Vnde perspicui potest, nihil tam esse absurdum aut mirificum, ad quod non aberraret in tenebris ignorantia mens humana. Clemens Alexandrinus

libro secundo *ερωματίων* meminit *παράδοσιον* Matthiæ, & præceptum ex eis vnum exponit his verbis : *θαύμασον τὰ παρὲντα βαθὺν τοῦτον πρῶτον τὸ ἐπέκεινα γνώτως ὑποτιθέμενος.* Quibus significatur, admirationem rerum præsentium quasi gradum primum constituendum, vnde ad altiolem cognitionem ascendatur, ne in his scilicet aliquis insistat & adhærescat. Idem Clemens libro 3. hæc scripsit : ferunt Matthiam docuisse, carni esse repugnandum, & ita vtendum quasi non vtaris (ipse Græcum verbum *παρὰχρᾶς* posuit) ne quid ei ad luxuriosam voluptatem indulgeatur. Animam vero nutriendam fide & cognitione. Quo loco facere non potui, quin monerem, vt exponentes res præcipuas non vtantur verbis ambiguis parumue proprio sermone, & vt cognoscendæ significationi eorum, quibus veteres sententiam suam explicarunt, diligens opera detur. Nam quod dictum refertur vt Matthiæ, in quo verbum illud *παρὰχρᾶς* ponitur, ei Nicolai vnus ex septem viris simile ab eodem Clemente memoratur, ὅτι *παρὰχρᾶς τῇ σαρκὶ δέι.* Ex quo perperam intellecto ab alijs tetra est hæresis exorta, cum ipse Nicolaus & castus fuisse & castos liberos reliquisse perhibeatur. Quæ ipsa etiam Eusebius in Ecclesiasticæ historiæ librum

brum tertium ex Clemente transtulit. Vbi qui volet legendo omnia certius poterit cognoscere.

P A V L V S.

APOSTOLOS IESU CHRISTI ab ipso designatos & quasi declaratos fuisse numero duodecim, perspicuum est. Ex quo numero & scelere & interitu suo cum Iscariota sese exemisset, repletus ille fuit sorte Matthiæ. Hæc igitur sic se habere constat. Reperitur tamen & alijs tributum nomen apostoli, in quo legati significatio est. Atq; habet hoc ipsum eximium filius DEI Dominus noster IESVS Christus in hunc mundum ab æterno patre missus, ad generis humani liberationem, quod mortifera servitute peccati oppressum, potestati esset subiectum aduersariæ potentiae eius, quem Hebraica lingua Satanam, Græca Diabolum vocat. Inter alios post duodecim illos Apostolos hoc nomine celebratur in primis Tarsensis Saulus & idem Paulus. Et huius socius Barnabas. De quibus & ipsis nonnihil commemorandum esse duximus. Paulum apostolum traditur vel natum esse in oppido Phœnices, cui nomen Gischala versus ortum & aquilonem Hierosolymis di-

stante plus minus nonaginta milibus passuum, vel inde oriundum, & ex eo migrasse maiores parentésue eius Tarsum, quam urbem in Cilicia aliqui conditam fuisse tradidere ab Sardanapalo Rege die vno. Huius incolas ciuitate Romana donatos accepimus à Marco Antonio, & ita ciuis Romanus vel Saulus vel Paulus natus aut certe iure paterno factus reperitur. De nomine mutato nihil certi indicare habeo. Sunt qui in Cypro ita appellatum fuisse putant, vbi tum præses esset Sergius Paulus. Est autem Sauli nomen Hebraicum, quo significari perhibent expetitum munus. Pauli vero ab origine Græca latinum. Cum autem historia huius apostoli diligenter ab Euangelista Luca perscripta sit, ad id vsque tempus quo Romam ille primum fuit deductus, ibi omnia legi cognosciq; fuerit rectius & melius. Sane multa alia græci de eo prodidere, quorum nihil nunc integrum extare nequaquam est dolendum, & particulæ quædam relictæ, vt nugatoriæ atque futes aspernandæ sunt. In quibus est de Thecla narratio in primis speciose conficta. Mentio fit & *ἐπικαλύψας* Pauli, & *αἰαλατικοῦ*: Nimirum commenti de auditis & visis à Paulo abrepto vsque in tertium cœlum & in paradysum. Cuius rei ipse meminit in posteriore

steriore ad Corinthios epistola. De his igitur, quod ad nos non peruenere, nihil detrimenti factum est. Collegit autem Henricus Bullingerus perquam studiose ante annos aliquot exposita ab Euangelista Luca de hoc apostolo, & temporibus accurate distinxit, horum simul & rerum gestarum seriem præclare contextens. Quæ mihi alijs nullis in hoc genere editis visa sunt minoris facienda. Ego in præsentia summam modo quasiq; indicem proponendum duxi, cursus vitæ in terris Pauli apostoli, vnde requiri & quo applicari copiosior explicatio posset, si prius de mirabili à Iudæica superstitione illius ad religionem Christianam conuersione disseruissem, quod duobus in locis ab vno autore ea quibusdam dissentanea expositione commemorata esse videantur. Sic enim Lucas suis verbis: Qui in comitatu ipsius erant, ij quasi attoniti astant, vocem quidem audientes, sed neminem cernentes. Pauli vero ita: Comites, inquit, mei, lucem quidem conspexere, & fuere metu perculsi, vocem autem non audierunt loquentis mecum. Quæ cum discrepare vel sententiam quoq; contrariam habere aliquis suspicari possit, prorsus congruunt, si attente considerentur. Nam vocem comites illi in luce circumfusa exani-

mati non audierunt ullius, neque viderunt
quenquam, qui cum Paulo colloqueretur;
cum scilicet ipsius vocem respondentis al-
teri plane exaudirent. Sed nunc indicem
illum, quem promissimus, pertexamus. Ac
primum hoc modo constat, Paulum ætate
iuuenem seu adolescentem fuisse, cum Chri-
stianus factus est. Conferunt hoc tempus
in annum Tiberij, aliqui xix. aliqui xx.
Hic igitur esto primus annus historiæ Pau-
li, quo Iudaicæ impietatis ille assertor esse
desijt. Damasco autem in Arabiam pro-
fectus, & inde illuc reuersus, ibiq; de vita
periclitatus, venit tandem Hierosolyma ad
apostolos Petrum & Iacobum, post annos
tres. Et inde vt insidias vitaret, quæ fiebant
ei ab affectantibus sapientiam Græcorum,
primum Cæsaream deductus, & mox able-
gatus est Tarsum. Quod tempus attinget
iam annum quintum, ex quo religionem
Paulus Christianam amplexus fuerat, &
pertinebit ad annum Caij Cæsaris tertium.
Estq; in Cilicia deinceps Paulus versatus
annos circiter tres. Tum deinde Claudio
iam anno rerum summa potente, Barnaba
autore Antiochiam Tarso in Syriam se con-
tulit. Vbi illi integro anno congregatio-
nem Ecclesiæ frequentarunt, & inde Hiero-
solyma sunt profecti cum pecunia collecta,
quæ

quæ ad necessarios vsus tribueretur incolis Iudææ propter prædictionem famis, per totum orbem terrarum peruasuræ. Eaquæ re administrata reuersi fuere Antiochiam. Antiochia S A N C T O spiritu iubente Seleuciam, & postea in Cyprum venere. Ex Cypro in Pamphyliam, ex Pamphylia Antiochiam Pisidiæ. Et inde Iudæorum aduersaria factione eiectionem Iconium perrexere. Vbi cum satis diu bene processisset doctrinæ cœlestis studium, tandem contrariæ similiter factioni Iudæorum, cæterisque cum ijs consentientibus, cesserunt, inque Lycaoniæ vrbes abierunt Lystra atque Derben, & in vicinas his regiones. Vnde retro qua aduenerant, ea Antiochiam Syriæ redierunt, ibique non modico tempore fuere commorati. Et ita ablegati sunt Hierosolyma ob controuersiam de circumcisione. Qui annus est decimus quartus, cuius ipse mentionem facit in epistola scripta Galatis. De quo diligentiores quæsierunt, post trienniumne, cuius ibidem meminit, an vna cum illo decimus quartus hic annus numerandus sit? Atque quatuordecim his tres illos compræhendi argumentis nequaquam infirmis collectis quidam ostenderunt. Factum autem est hoc iter per Phœnicen & Samariam. Epistolam acceptam ab apostolis,

164 V I T A
lis, qui Hierosolymis ad explicandam controuersiam illam conuenerant, Antiochiam Paulus una cum adiunctis sibi detulit. Atque ibidem dissidium factum est Pauli ac Barnabæ. Quod quidem quibuscunque coloribus pingatur, eiusmodi tamen de apostolicæ historiæ expositione apparet, ut tantos tamque diuinos viros Paulum ac Barnabam, homines etiam fuisse ostendatur, id est, eos, quorum animi perturbarentur, & qui in pertinacia essent vehementiores. Nam qualis sentitur in morbis asperior motus, ut in febribus certorum temporum tentationes, quæ ἀψήεις Græcis sunt, talem dicitur inter hos extitisse acerbitalis contentionem. Non fuerint inimicitia hæ neque rixæ, quemadmodum de hoc casu Græci disputarunt, grauis certe fuit dissensio. Absuerit etiam iracundiæ furor, æquitatem urgente Paulo & humanitatem retinente Barnaba, coniunctionem tamen ipsorum alienatio ista voluntatum diremit. Cesserint sane sibi inter se, & ne certamen oriretur separari maluerint: Discordia omnino mutua consuetudinis suauitatem utriusque eripuit. Sed ex hoc incommodo DEI æterni prouidentia ea ratione rem dispensauit, ut præconio Euangelij longius latiusque diuersa loca per sonarent, Barnaba in Cyprum reuertente, Paulo

Paulo peragrate Syriam atq; Ciliciam. Quo itinere ille Derben & Lystra redijt. Ibiq; Timotheum sibi adiunxit, & Phrygi- am Galaticamq; regionem atq; Bithyniam transeundo in Mysiam peruenit. Quib. om- nibus in locis siluit doctrina Pauli, repri- mente eam SPIRITV sancto, qui, vt Græci interpretantur, præuideret sectam oppugna- tricem sui, id est, *τῆς πνευματομάχης* illa loca peruagaturam esse. In Trœade autem viso nocturno impulsus traiecit in Somathra- cen, & inde Neapolim & ita Philippos Co- loniam Macedoniæ accessit. His itineribus atq; rebus credibile est ferme biennium ab- sumtum fuisse. Philippis vaticinantis muli- erculæ quamuis testimonij præclari vocem Paulus cohercuit. De quo quæsitum fuit: Quomodo spiritus mali instinctu agitâtam illam commendasse Pauli apostoli doctri- nam existimandum sit? Græci ita enarrant: Hac arte fidem de cæteris quoq; sibi Dæ- mona conciliare voluisse, & esse eum con- fessione veritatis salutari abusum, ad stabi- liendam falsitatem perdituram quam plu- rimos. Si enim admisisset testimonium il- lius apostolus, multi scilicet decipi potuif- sent, quasi ipsum ab apostolo approbare- tur. Sed Philippis per tumultum Paulus cum comitibus suis afflictus & in carcerem con- iectus

iectus mirabiliterq; liberatus fuit, custode carceris religionem Christianam amplectente. Quem in Græcorum commentarijs inuenio perhiberi Stêphanæ nomen habuisse, & meminisse eius apostolum in epistola ad Corinthios priore. Relictis Philippis Amphipolim, Apolloniamq; & tandem Thessalonicam venerunt. Vbi seditione concitata à Iudæis multitudineq; forensi commota, ablegatus noctu Paulus cum suis Berrhoeam concessit, ibiq; similiter tumultuati Iudæi causam dedere discessionis Pauli ad mare, remanente ibi Sila ac Timotheo. Atq; ita Paulus Athenas peruenit, qui erit annus quartus à tempore acceptæ epistolæ Hierosolymitanæ. Hic operiens Silam ac Timotheum interea cum philosophis disputauit, & in colle Martio concionem habuit egregiam. Qua, alijs ridentibus, nonnullorum animi ad veritatis cœlestis studium conuersi fuere. In quibus Dionysius Areopagita nominatur, id est, Senator consilij illo in loco. De quo Græcorum narrationes verbosæ extant, conantes probare eum hunc esse autorem librorum de cœlestis & Ecclesiastici ordinis principatu & aliorum cum his editorum, itemq; adiectarum epistolarum. Sed cum de eo ipso semper dubitatum fuerit,
nos

nos etiam rem incertam relinquere conuenit, cum quidem multa, aliam quempiam ista scripta composuisse, argumento esse videantur. Fuit collis Martius Athenis situs aduersus arcem. Sed de ara consecrata inscriptione: Deo ignoto, quæ in Græcorum commentarijs reperi, hic etiam exponenda duxi. Tota, inquit illi, inscriptio fuit talis: *Δις Ἀσίας καὶ Εὐρώπης καὶ Ἀφρικής, Θεοῦ ἠγνώστου καὶ ἑξωτερικοῦ*. Consecratæ autem aræ istius causæ afferuntur duæ. Vna mandati Panos nunciante Phidippide hemerodromo (id est, si verbum interpretari aliquis velit, diurno cursore) Placuisse enim tunc ascribi hoc, vt si quis forte *DEV* propitius ciuitati ignoraretur, ei iste honor habitus esset. Altera causâ ducitur à pestilentie sæuitiâ narrata libro secundo Thucididis. Malum enim illud ab ira diuina profectum arbitrati, ita placandum censuerunt *DEM*, quicumque ipsum immisisset, quasi is antea inhonoratus hanc pœnam exegisset. Itaque & aram tunc extruxisse Athenienses & inscriptione tali ignoto *DEO* consecrassent. Quæ quibus autoribus tradita sint, nescio. Diuus Hieronymus inscriptionem talem indicat. *Δις*
Ἀσίας,

Asiæ, Europæ, Libyæ, Dijs ignotis, & Paulum pia calliditate numerum mutasse censet. Pausanias describens Atticam regionem mentionem facit de aris consecratis Dijs cognomento ignotis. Ibi, inquit, sunt etiam βασιλεῖ θεῶν ὀνομαζομένων ἀγνώστων. Diogenes autem in Epimenide per populos Atheniensium passim fuisse scripsit aras sine nominibus, id est, non ascripto nomine DEI cui consecratae essent, quarum scilicet unaquæque fuit DEI ignoti. Si sciretur enim cuius DEI esset, non esset ara ἀνόνομος. Athenis, opinio est, scriptam epistolam Pauli ad Thessalonicenses vtranque, de quo tamen fuere, qui dubitarent, suarum dubitationis non fuit rationes afferrent. Neque ea in vrbe apostolus Paulus diu commoratus est profectus inde Corinthum. Quod totum tempus non compleuit annum integrum, vt aduentus Pauli Corinthum in decimum octauum annum conuersi ipsius ad religionem Christianam incidere videatur. Lucas mansisse Paulum Corinthi annum vnum scripsit & menses sex. Atque ea in vrbe epistola ad Romanos scripta & inde est missa Romam, siue tunc seu aliquot annis post, id quod magis quibusdam arrisit. Corintho in Asiam reuersus curam & gubernationem Ecclesiæ Ephesi commisit Timotheo

theo (vel tunc vel postea, vt videtur, quando Asiam prorsus reliquit) Et Hierosolyma ipse contendit ad diem festum Pentecostes. Has enim fuisse ferias consentaneum putatur, quarum Lucas sic meminit, vt affirmante Paulo se appropinquantibus illis esse Hierosolymis oportere, neque patiente se vsquam in itinere detineri. Atq; statim inde discessisse eum oportet, & rediisse Antiochiam, ibique aliquantisper commoratum peragrassse rursus Galaticam regionem ac Phrygiam. Eo itinere & Laodiceam venisse, & inde epistolam ad Timotheum scriptam misisse creditur, de quo diligentes & attenti non sine causa studiosius querendum esse censuerunt. Tum deinde Ephesum reuersus est, ibique tribus mensibus in Iudæorum congregationibus magna libertate de regno Dei differuit, & mox improbitate quorundam repulsus, separatim suos docuit, idque ad annos duos. Indicari autem à Luca Pauli apostoli & Hierosolyma accessionem, & Ephesum reuersionem, Græcorum commentationes monent, eo quod conantibus Ephesijs sese retinere diutius, plane negauerit valedicendo his verbis : Modis omnibus me Hierosolymis ferias aduentantes celebrare oportet. Reuersurus autem sum denuo ad vos Deo volente

lente. Paulus apostolus, inquit, qui propheta esset, & certo sciret se Hierosolymis Ephesum rediturum, non tamen hoc simpliciter asseueravit, docens nos, ne quid absque ista appendice polliceamur. Nam nemo nouit quid allatura sit posterior dies. Illius autem temporis annorum duum, quod Ephesi consumsit, res sunt expositæ in apostolica Lucæ historia accurate. Ibi in suorum conatuum temeritate refutati tueri exorcistæ quidam Iudæi vulgares. Vt autem res ista singularis, sic nomine quoque haud communi appellata fuit. In quo illo quidem Sacramenti, quod à iuratis dicitur, mentio inest. Atque significatur vis quædam verborum, quæ alteri admouetur contestando diuinum nomen. Quemadmodum in iureiurando religiosa quædam necessitas imponitur non fallendi. Ita & Pontifex apud Matthæum Euangelistam interrogatione sua vrget I E S V M contestando D E V M viuentem. Imprecationes nimirum istæ fuerunt sacrorum carminum, de quibus adiurandi verbo sunt interpretes vsi, cum impostorum fuerit exorcissare, factum è græco sicut patrissare, id quod Vlpianus scripsit de extraordinarijs cognitionibus. Plurimi quoque Ephesi superstitionis artibus dediti has excercere destiterunt.

runt. Ephesios autem vt studiosos eorum, quæ magica vocantur, celebrat prouerbi-
um quoque, ἐφεσια γράμματα. Non enim hæc
de vlla parte optimarum disciplinarum at-
que artium & liberalis doctrinæ & sapien-
tiæ eruditæ accipienda sunt. Non desunt
argumenta quæ colligi possint ad demon-
strandum Corinthijs scripsisse Paulum a-
postolum literas Epheso missas, cum tamen
Philippis datas ascriptum legatur. Qua-
propter & hoc inter ea relinquatur, in qui-
bus diligentem considerationem occupari
non repræhendendum esse videatur. Agi-
tante autem Paulo apostolo consilium pro-
fectionis Hierosolymitanæ, excitata fuit
illa ingens turba Ephesi à factione Deme-
trij. De epistolis Pauli disputationes sunt
exquisitæ Bullingeri indagantes secundum
indicia factarum in illis ipsis mentionum,
quando scriptæ & vnde missæ singulæ vide-
antur. Itaque ascripta in editis loca alicu-
bi illè non agnoscit. Sed possunt permulta
ralia scrutantes fallere, & in his vestigan-
dis non est necesse vel admodum etiam vti-
le, nimium temporis & operæ poni. Et ip-
se Bullingerus videtur magis hoc efficere
voluisse, ne quis temere quibuscumque, quam si-
bi vt omnes assentirentur. Epheso reuifere
Macedoniam Paulo placuit. Qua peragra-

N

ta in

ta in Græciam venit, vbi trium mensium tempus absumsit. Inde rursum per Macedoniam Troada & hinc Assum venit, & Affo soluens Mytilenen, Mytilena Chium præteriens trajecit in Samum, & in Trogylio Mycalæ, vt opinor, insulæ, moratus ita cum suis Miletum aduectus est. Statuerat enim Ephesum non appellere, veritus, ne sibi mora inferretur properanti Hierosolyma. Arque accersitis Epheso senioribus in Ecclesia habuit præclaram illam orationem, qua & doctrinæ suæ eos commonefecit, & suum exemplum proponens ipsis ad imitandum Ecclesiarum administrationem atq; curam vehemente contestatione commendauit, & impendentia pericula futuræq; difficultates prædixit. Quæ oratio vt singularis atq; eximia à me aliquando in Latinos versus translata est, addita quasi responsione literarum missarum ab illis senioribus apostolo, pia meditatione grauissimorum negotiorum. Mileto in insulam Con nauigauit, & hinc Rhodum, Rhodo Patara, & inde præteruectus Cyprum, quæ relinqueretur ad sinistram, Tyrum, Tyro Ptolemaïda, & tandem Cæsaream, vbi hospitio vnius ex septem viris Philippi, quem Euangelistam vocat Lucas, acceptus, prædictione certiore etiam quam Tyri de ijs cognouit,

uit, quæ Hierosolymis aduersa ipsum mæ-
nerent. Atq; ita Cæsarea Hierosolyma ad
ferias accessit, & ibi seditione ab Asiaticis
Iudæis concitata (cum ad ritus Iudaicos
sefe de consilio episcopi Iacobi accommo-
dando, cauere studuisset, ne illos offende-
ret (in periculum mortis venit, & ereptus
à tribuno cohortis Romanæ, primum in
vincula coniectus, & cædi loris iussus, mox
tamen corpore inuiolato solutus, & insidi-
as Iudaicæ coniurationis vitauit, & ad præ-
sidem prouinciæ Claudium Felicem trium
reginarum, vt Suetonius inquit, maritum,
Pallantis fratrem, qui Cumano successerat,
à tribuno missus est, circiter annum x x i i i.
ex quo apostolus I E s v Christi factus fue-
rat. Quod tempus est vel desinentis princi-
patus Cæsaris Claudij vel inchoati Neron-
is. De quarum rerum expositione, quæ ex-
tat in apostolica historia Lucæ, nonnihil
dicendum putauimus. Fit autem ibi men-
tio Ananiæ summi Pontificis, qui cum ius-
sisset pugnum in os Pauli impingi, vehe-
mente dicto refutatus est. Quod quidem
apostolus sic defendit, vt per ignorantiam
personæ prolatum. Quæ scilicet ironia fu-
it grauitè reprehendentis peruersitatem
& futilitatem Pontificis ita se gerentis, vt
in ipso nulla dignitas autoritasue Pontifi-

cia appareret, cum esse eum honore & gradu Pontificem, nescire minime potuerit. Haud scio an hic Ananias sit, quem habuisse fratrem Esseciam Iosephus scripsit, & esse à seditiosis inter exordia belli Iudaici delitescentem ad Euripum regiae domus depræhensum atq; interfectum. Id vero facinus designatum est circiter annum post illam plagam impactam Paulo duodecimū. De Aegypto autem cuius meminit apud Lucam tribunus, narrat Iosephus in historia antiquitatis Iudaicae, magnam hunc, qui prophetam se perhiberet, multitudinem Iudæorum congregasse, & perduxisse ad montem oliueti, vnde conspecturi essent ruinam mœnium Hierosolymitanorum. Sed Felicem copijs equestribus & pedestribus immisis, interfectisq; quadringentis & ducentis captis, cæteros facile dissipasse, inter quos Aegyptius etiam ille elapsus sit. In captæ autem urbis Hierosolymorum libro secundo, de eodem leguntur istiusmodi quædam: Maius vulnus infligendo læsit Iudæos Aegyptius quidam pseudopropheta. In eam regionem enim cum venisset homo præstigiator, fidemq; inuenisset prophetæ, circiter triginta milia circumuentorum fraude collegit, ijsq; ex deserto, eductis in montem cognomento Oliuarum, inde præ

de præ se tulit irruptionem violentam in Hierosolyma. Vbi præsidio Romano & populo oppresso ipse deinde Tyrannicam potestatem exerceret, vtens satellitibus irruptionis socijs. Anteuertit autem impetum illius Felix, obuiam progressus cum legione Romana, populo defensionem adiuuante vniuerso. Prælio itaq; commisso Aegyptius cum paucis aufugit, plurimis, qui eum secuti fuerant, occisis. Ex reliqua multitudine dissipata suam quisq; domum clam reuersus est. Tribunus autem apud Lucam mentionem facit quattuor milium nominatim Sicariorum, quod fuit peculiaris sceleris atq; latrocinij genus insidians vitæ aliorum, & clanculum mortem offerens inimicis. De quibus Latino nomine ducto à fica, vsi externi fuerunt. Gladios fuisse hos Iosephus scripsit libro antiquitatis Iudaicæ x x. magnitudine æquales Persicis Acinacis, sed incuruis, quales sunt, inquit, quæ à Romanis ficæ appellantur. Sed seriem iam historiæ persequamur. Felici successit Portius Festus, cum biennio tunc Paulus in custodia fuisset. Inclinate autem præside ad partes aduersarias Paulo apostolo Iudæorum, & Cæsarem apostolus appellauit, & ita Romam est missus vna cum alijs, deducente centurione cohortis Augustæ

gustæ Iulio. Venisse autem Romam secundum huius narrationis seriem oportet Paulum, Nerone iam post necatum vitricum summa rerum potito, annum vnum integrum, vt secundo anno imperij Neroniani iter illud confectum fuisse recte perhibeatur. Ibi tum in libera custodia fuit annis duobus, neque amplius quicquam Lucas de his rebus aut de Paulo apostolo scriptum reliquit. Onesimi quidem serui fuga à Domino Philemone, tum occasionem dedit brevis illius quidem sed præclaræ epistolæ perscriptæ ad Philemonem. Cum autem non dubium esse credatur, quin apostolus Paulus post biennium istud omni periculo liberatus & caussa dicta absolutus, & tandem vltimo anno regni Neroniani reuersus Romam, supplicioq; affectus fuerit, interiectis eum his decem medijs annis traditur, & iterum Syriæ Asiæq; & Græciæ ac Macedoniæ loca obijisse, & transijisse in Gallias ac Hispanias. Consensit autem in hoc etiam antiquitas, apostolos Petrum & Paulum vno eodemq; die diuersis supplicijs & locis occisos esse Romæ, & monumentum sancti Petri positum in Vaticano, Pauli apostoli via Ostiensi. Adiunxit autem Nero nefariæ impietati crudelitatiq; suæ etiam scuitiam in Christianos. Et in Christianos fuisse

fuisse crimen illatum incendij vrbis Nerone autore, scripsit Tacitus historicus. Paulo autem apostolo factum infestiores Neronem, Chrysostomus tradidit, ob pelli-
cem quandam ipsius ad Christianam religionem Pauli doctrina conuersam. Alij Proculum quempiam à poculis Neroni, quem à morte præcipitio extinctum in vitam Paulus restituisset, causam dedisse narrauerunt, iracundiæ Neronis aduersus Christianos, & apostolum Paulum in primis tanquam caput illorum. Quod si coniecturis locus relinquitur, suspicari aliquis haud temere, vt opinor, possit, Iudæorum odium Romæ necem attulisse apostolo, cuius vbique locorum & gentium vitæ insidiati illi fuissent. Nam Nero Iudaicæ superstitioni iniquus non fuit, ac fauit potius, inducente eum ad hoc Poppæa Sabina coniuge, quam dilexit vnice, quamuis per iracundiam ictu calcis grauidam occiderit, quemadmodum scripsit Suetonius. Leguntur autem in Iosepho hæc de quadam Iudaica ad Neronem legatione: Nero ipsis auditis, non modo veniam dedit ob id quod factum erat, sed concessit quoque vt ædificatio illa remaneret, gratificans Poppææ, quæ religiosa esset, pro Iudæis deprecandi. Neque obstare debet opinioni isti, ante hoc tem-

pus, quo apostolus Paulus interfectus sit, Poppæam interiisse, cum neq; quando hæc mortem obierit, constet, & Iudaica improbitas postea quoq; amico favore abuti potuerit. Apostolo Paulo obtrectauit impietas Ebioneorum impudente mendacio, vt Epiphanius retulit, quod non fuerit origine & genere Hebræus, sed à Græcorum religione ad Iudaicam desciiuerit. Quæ conditio nomen habuit profelytorum. Idem maledicentes huic apostolo, contumelioso nomine apostatæ eum appellarunt, quo transfuga significatur. Id quod legitur in Eusebij historiæ libro tertio. Hoc videri leuius potest, cum ex ijs quî opibus & dignitate sacerdotali cæteris præstarent auditæ dudum voces sint probrorum nefariæ hunc apostolum superbam beluam appellantes. Quam quidem ille scriptorum suorum grauissima repræhensione & damnatione iustis. vesanam audaciam vlciscitur. Tales enim ista scripta neque viuentes patiuntur animis esse tranquillis, & in mortuos testimonia dicunt atrocissimi sceleris sempiterna. De epistolis quidem Pauli apostoli ad Senecam & vicissim huius ad illum, vt commentum est non inuenustum, sic non modo de ijs, quorum falsitatem redarguere consideratio diligentæ facile potest

test (in quo genere istarum epistolarum compositio reperitur) sed quæ speciem veritatis quoque habent illustriorem , confingi in historia Christiana aliquid non videtur sanctitati religionis nostræ congruere, & quocunque consilio fiat , non esse laudabile neque probandum. Fuit autem Græcæ natio in hanc partem procliuior. Quæ eadem in alijs quoq; humanæ calliditatis atque solertiæ quasi fœtibus simplici & sinceræ veritati cœlestis doctrinæ veluti supponendis, inuenitur ingeniosior atque audacior. Itaque cultus similes ceremoniarum gentilium, id est, vsurpatarum à fraudantibus verum D E V M suo honore, studio quodam peruerso ab illis introductos esse, & admissos ab alijs deinde depræhenditur. In quibus est imaginum veneratio & consecratio. Quam defendentes ad adorationem inuocationemq; sanctorum hominum iam post mortem ipsorum rem argumentando deduxerunt. Sanare nimirum conati malum malo. Fecimus autem supra quoq; superstitionis huius mentionem. De qua nomine Iohannis Damasceni edita ea leguntur, quæ digna non sunt vel doctrina vel pietate eius, quæ cæteris quibusdam in scriptis illius conspicitur. Etsi vitia temporum hunc quoque, vt semper suorum aliquos,

quasi contagione infecisse animaduertere licet, & hic de re prolabente ad superstitiones perniciosas disseruit quam alij plerique cum cautius tum doctius atque eruditius. Non volentem autem me istam mentionem refricare, commouit hac in parte id, quod illo in libello præferente Iohannis Damasceni nomen de imaginibus, ex descriptione vitæ Iohannis cognomento Chrysostomi legitur, incitauitque animum atque manum, ut quædam ultra priora denuo, de imaginum superstizioso honore his perscribendis exponeremus. Narratur enim, loco indicato, habuisse Iohannem Chrysostomum Pauli apostoli consecratam imaginem in suo conclauis, quam, ubi scribendi laborem explicans commentationibus suis epistolas illius intermitteret paulisper acquiescendo, intentis oculis contemplari solet. Atque fuisse Proclum quempiam visum videre, cum Chrysostomo colloquentem virum simili facie eius, quæ pictura illa exprimeretur. In his sane nihil sit fide indignum, neque contrarium puræ doctrinæ Christianorum, quo tamen res abducatur animaduertendum est. Nam & adorationem imaginum his & similibus narrationibus confirmari studuerunt, & implorationem opis auxiliique, quæ à sanctis post vitam
eorum

eorum in terris peteretur & expectaretur, stabilire sunt conati. Chrysostomum, cuius extant commentationes explicantes Pauli epistolas copiosæ & præclaræ, non in imaginem pictam Pauli apostoli, sed in illius viventis pectus atque cor assidue intuitum esse, & inde sententiam depromptam ipsius studiose explanasse credamus, & hoc colloquium fuisse sanctorum piorumq; animorum. Cætera adiungere nescio quid utilitatis habeat, cum de bona existimatione & auctoris & scriptorum apud aliquos nonnihil detrudere posse videantur. Hæc igitur & istiusmodi alia conquirere vel superuacaneum sit, vel etiam noceat. Itaq; sunt aliqua iudicio vero Ecclesiastici consensus in hoc genere condemnata atq; reiecta. In quibus nominatur & Theclæ ad religionem Christianam conuersæ & Paulo præsentē baptissatæ fabula. Elogia autem singularia & prædicationes eximæ de Paulo passim in scriptis Chrysostomi aliorumq; extant, secundum quæ colamus nos memoriam viri & à I E S U Christo mirabiliter ad munus apostolicum vocati, & in eo fidelissime accuratissimeq; & ea patientia, fortitudine, cōstantia versati, ut cum principe apostolorum Petro hunc Ecclesiæ CHRISTI honorifica memoria merito coniunxerit, & cuius scri-

ius scriptis D E O æterno placuerit, ita muniri Ecclesiæ filij sui D O M I N I nostri I E S V Christi doctrinam, vt aduersus omnem impetum hostilem facile tuta esset. Atq; sunt hæ reliquiæ illius debito honore colendæ, non aliæ vel commentitiæ vel inanes certe. Sicut S. Petri scripta, non gladius, quo auriculam Malchi hic abscidit, multo minus argentea simulacra clauium referencia clauis illi commissas regni cœlorum, quorum mentionem facit Theodorus quidam præfectus conuentui qui nomen habuit Studij. Vixit autem hic apostolus id quod verisimile est & expositis consequens, non pauciores ac plures fortasse annos, annis L X. Ex quibus x x x v i i. magnam partem orbis terrarum peragrande & præconium faciendo de regno D E I, & docendo prædicandoque Euangelium I E S V C H R I S T I consumsit.

B A R N A B A S.

B A R N A B A E cognomentum fuisse Iosæ, scribit Lucas in apostolica historia, & interpretatur filium consolationis. Itemq; habuisse patriam eum Cyprum, conditione Leuitam. Hic cum apostolis initio statim præconij se coniunxit communicando facultates

cultates suas. Atq; postea Pauli apostoli fidelis & assiduus comes fuit, donec discessio facta est, ob Iohannem cognomento Marcum fratrem vel patrualem vel consobrinum Barnabæ. Vterque enim Græcis *ἀνδρῆς* est. De hoc autem dissidio supra disputauimus. Extat sane narratio de Barnaba tanquam è græco scripto conuersa Marci consobrini Barnabæ. Sed non est ea consentanea neq; ijs quæ in historia Lucæ apostolica leguntur, neq; commentationibus Græcorum. Hæ enim Marcum hunc & scriptorem Euangelij eundem faciunt, & Lucas habuisse eum matrem Mariam nomine Hierosolymis ait, cum illa narratio alterius gentis perhibeat, & Iconij operam dedisse Iouis sacerdoti cuidam. Cuius autor quasi remouere voluisse suspensiones videtur inimicitiarum inter Paulum & Barnabam, quos separatos fuisse dissentientes Lucas scripisset. Quibus excogitationibus nihil fuit opus. Nam pietatis religiosæ consideratio & hæc & hisimilia facile explicat. Neq; enim dissensio illa quamuis vehemens iracundiæ etiam atq; odij acerbiteriam habuit, & manare potuit, quemadmodum inter tales viros mansisse credendum est, dissoluto etiam usu consuetudinis familiaris, animorum tamen & sententiarum coniunctio.

ctio. Neque fuisse prorsus alienatum Paulum apostolum à Marco, indicat facta huius mentio in epistola ad Timotheum, scripta Romæ quocunq; sane tempore, diu certe post illam Pauli & Barnabæ de Marco contentionem. Siquidem idem iste Marcus & vnus est, nimirum qui Iohannes appellaretur, & esset frater siue patruelis siue consobrinus Barnabæ & Euangelista. Quapropter narrationis istius autoritas ac fides omnino infirma est & leuis. Illud igitur quod certum est de hoc apostolo, teneatur: præclaram & vtilem operam eum in præconium Euangelij contulisse. Quod ex historia apostolica Lucæ plane cognosci potest & debet. Cum autem obseruassent pij in Ecclesia CHRISTI doctores maximam caritatem & fidelitatem summam studiumq; eximie necessitudinis inter Paulum & Barnabam tantopere celebrari, vt Græci de singularis atq; raræ amicitie consilio opeq; Thesea, sic illi pia mentione Barnabam nominarunt. Ita enim Narsianus de se & Basilio in Epitaphio: *εἰ δὲ τί καὶ βαρβάτος ὁ ταῦτα λέγων καὶ χάρις παλὴν σὺν ἡγωνίστατο παύλῳ χάρις πρὸς προσελούμῳ καὶ σωτηρὸν ποιησαμένῳ τῷ ἀγνώστῳ. Se enim hic Barnabam & Basilium quasi Paulum ista orationis figura, tanquam Thesea Herculi, secundum Græcorum*

rum fabulas, adiunctum introducit. De exitu Barnabæ ex hac vita (quam græci τελείωσι vocarunt, consummatum quoddam & perfectum opus) credamus id patratum esse, quod traditur, nimirum crudeliter eum à Iudæis in Cypro insula Salamine necatum fuisse. Credamus & Magum Iudæum Bariesum incitasse Iudæos ad hoc facinus. Fuit alterum nomen huius Magi Elymas, ut in apostolica Lucæ historia legitur. Atque hunc & recepisse visum & veritatis tamen postea doctrinam non amplexum Apostolorumque aduersarium fuisse, ex eo etiam apparet, quod ab autore libelli de diuinis nominibus narratur: Paulo apostolo obtrectasse eum, qui scripsisset: Deum esse fidelem, neque posse αὐτὸν ἀρνήσασθαι. Id quod legitur in posteriore ad Timotheum epistola scripta Romæ. Quomodo enim, inquit Elymas, aliquid non potest Deus? si est παροδυσίμος. Sed nugatoriarum tales argumentationes ne puerilem quidem iam doctrinam fallunt. Combustum esse corpus Barnabæ, dissentit ab aliorum narrationibus, quæ perhibent, Zenonis imperatoris temporibus repertas esse Barnabæ comitis & socij peregrinationum Paulinarum, id est, σωικδῆμου πούλου ὑποσώλου, reliquias in Cypro insula, libro Euangelij, quod Matthæus

thæus conscripisset, in pectore imposito, cuius tabellæ essent Thyinæ. In ijs quæ extant fragmenta historiæ Theodori cuiusdam, legitur sub ceraso reliquias illas iacuisse, & scriptum Euangelij fuisse manu Barnabæ exaratum, & id Zenonem in palatio consecrasse. Sed nos hoc loco nostræ expositioni & instituto opusculo finem imponamus. In quo fidem diligentiamq; nos præstitisse, & studium curamq; adhibuisse, affirmare possumus. De elaborationis autem industria & opera nauatâ, aliorum scilicet iudicium erit. Opto autem ex animo nostra hæc aliorum scriptis obscurari & obliterari. Ita enim certe & meliora & luculentiora proferentur.

οἱ δώδεκα ἀπόστολοι χριστῷ ἰησοῦ ἐμμέτρως,
τῷ θεολόγῳ.

δώδεκα δ' αὖ χριστοῦ θεῷ μεγάλῳ μαθηταί,
πέτρος τ' ἀνδρείας τε, ἰωάννης, ἰακωβός,
πέμπτος δ' ἦε φίλιππος, ὃς δ' ἔκτος βαρθολομαῖος,
ματθαῖος, θωμᾶς τε, καὶ ἀλφάιν ἰακωβός,
ἰσδαὲς τ' αὖ, σίμων τε καὶ ὁ φάτος ἄλλος ἰσδαῖ.

οἱ τεσσαρεῖς καὶ τέσσαρες ὄντες
Ἰωαχείμ.

τέσσαρες ἐγγραπὸν χριστῷ παρέδωκαν ἰησοῦ
ἰσορίῳ βίβλος ἐκκλησίᾳ ὧν ἐδέξατο,
ματθαῖος, μάρκος, λυκάς, ὅπῃ τοῖς τ' ἰωάννης.
τεύχεα δ' ἄλλων ὅτι ἀπέκρυφα καὶ νύθα πάντων.

*Conuerſi ydem verſus Graeci in
Latinos. Apoſtoli
X I I.*

*Bi s ſunt Chriſte tui Deus optime maxime, ſeni
Discipuli in mundū hunc Regni ad ꝑconia miſſi :
Petrusq, Andreasq, cum Iohanne atq, Iacobus,
Quintus erasq, Philippe & ſextus Bartholomae,
Mattheus, Thomas, Alphai deinde Iacobus,
Iudas & Simon, alterq, nefandus Iudas.*

Euangelifſta quatuor.

O

Chriſte

CH R I S T E duo historiam scripsere tuā bis Iesu
 Quorum etiam libros Ecclesia sancta recepit :
 Matthæus , Marcus , Lucas & deinde Ioannes.
 Alterū opus falsum quoduis & adulterū habeto.

τῶν ὧς ἑβδομήκοντα μαθητῶν ὀνόματα
 κατὰ νικηφόρον τινα ξανθόπτερον.

τὸς δὲ ἑβδομήκοντ' αὖ μαθηταί· κυρίε
 ὀνομαδί· χρεῖς καὶ λόγος μυστηρίους,
 ὡς ἡ παράδοσις φησιν, ἔτω μάνθανε.
 τέτων μὲν ἔν περτολὺ ἰακωβὸς θεῷ
 λόγος φατιζόμενος ἀδελφός, τῷδε δὲ
 ἔπεται κλειωπᾶς ἔτα ματθίας τρίτος.
 μετ' ὃν δαδᾶος καὶ θεόφρων αἰανίας,
 σέφανός τε πλήρης πνεύματος ἁγίου θεῷ.
 φίλιππος, ἠδὲ πόρχος ἅμα νικάνορι,
 τίμωντι παριουᾶς τε νικολαῖος δ' ἅμα,
 οἱ πρῶτοι ἐκκληθέντες ἐπὶ δᾶκονοι.
 τοῖςδε σωμαριθμεῖται σίλας καὶ βαρεάβας,
 καὶ συγγραφοῖς μάρκος τε καὶ λευκάς δύο
 ἐκ τεισάρων εὐαγγελιστῶν. τοῖς δὲ ἔπι
 σιλκάνος ἐς' ἐπαίνετός τ' ἔχων κλέος
 τέβδ', ἔτα κρισκῆς, αὐτὰρ εἰκοστὸν φαβί
 τὸν ἀνδρόνικον, ὧγε περθεῖς ἀμπλίαν
 σιώα·σον ἑρβανόν, μετὰ τ' ἀπὸ πλῆς σάχων,
 ἠδ' αὖ φύγιλλον ἅμ' ἐρμολογέει, καὶ πάλιν
 ἑτέρον ἀπὸ πλῆν ἠδὲ δημᾶν, ἔτα δὲ

ἀρετὴν ἡδὲ τάρκισον καθ' ὃν
 πληρεῖς ἄρεθμῷ τῷ τῷ τρίτῳ δέκας.
 ἡρωδίων ὃ τάσσεται τέτρες μέτα,
 ἔξῃς δὲ ἀγαλῶν, ἔξῃς, ἡδὲ ἀσύγκριτος,
 ἐρμῆς, φλέγων, ἐρμῆς τε καὶ σὺ πατρὸς,
 καὶ σὺ λίνε, καὶ σὺ γὰρ τῶν τριακοντάδων
 χρῆς τῶν ἀρετῶν συλλόγῃ.
 μὲν τῶν ἐκκλῖν' ὁ φιλόλογος, ἐπὶ τὰ δὲ
 ἐξῃς, ὀλυμπᾶς, ὅδε λευκάς, εἴτα δὲ αὖ
 ὁ σωσίπατρος, ὁ τέριος σωῖάσωνι
 κινερεῖ τ' ἐράσῳ τ' ἡδὲ ὑπολλῶ τῷ σίφῳ
 τῷ δὲ ἀγαλῶν κλείοντι πεντηκοντάδων.
 τέτρες ὃ κηφᾶς τίσσι σωθῆναι δ' ἄμα
 καὶ κῆψα ἔχεται καὶ τύχικος, ἐπὶ τὰ δὲ
 μάρκος πρὸς αἵματος ὃς ἐγένετο βαρύνει,
 ἴσος, ἐπαφροδίτος, ἀρετῆς τε, καὶ
 κλημῆς ὃν ἡρίμνεν δέκατον ἔξῃς,
 ὀνηφόρος, ἔτιρος τε τύχικος, ὃν μέτα
 καταλέγεται κάρπος, μὲν ὃ τὸν δὲ εὐοδος,
 καὶ τῷ δὲ ἀρίσταρχος ἐπι, καὶ μάρκος τρίτος,
 ζῦας, φιλήμων, εἴτ' ἀρίσταρχος πάλιν.
 πεδῆς τε, καὶ τὸν ἐδομνηκοστὸν φέρων
 ἀρετῶν ὁ τριφίμος ὃν πᾶσιν εὐρέθῃ.
 χ' ἔτω μὲν ἔξῃς κἀκεῖ τὰ ὀνόματα
 νικήφορος τις ξανθόπυλος ὅστις ἔν
 γράφας σίχως ἀμέτρες ἔξῃς συλλάβους,
 ἔτι ποσὴν ἔτι δὲ χρῆσις ἡμισημῆς,
 ἔσπερ διωρεθώσαντες ἡμεῖς ὁδῶν,
 αὐ καὶνος εἴρηκ' ὀνόματ' ἔξῃς δῶκαμιν.

ἄλλοι δὲ τ' ἄλλως καὶ διαφερόντως πολλοὶ
 τοῖς ὀνόμασιν τε τῇ τε τάξει τὸν χορὸν.
 τῷ τὸν σωεῖσαντο συγκροτέμενον
 τὸν ἐβδόμηκοντάπολον ἀμφὶ διδάσκαλον
 θεῖας ἀληθείας λόγον θεῶν θεόν
 χριστὸν τ' ἀνακτα καὶ ἡλύκε βροτησίου
 σωτῆρ' ἱσοῦν υἱὸν αἰδίου θεοῦ
 μητρὸς ὃν ἐν γῇ τέτοκεν ἀπαρθένος.
 ἀλλ', εὐτεθείας ἔχ' ἂν τοίοις δι' ἐν
 τῆς θεοφίλου κύρος, τάδ' ἔστω καθάπερ ἦν
 ἔχοντ' αἰεὶ αὖ, κακοκλυθείτω νέμων
 τοῖς δοῶσι πλεον ἢ ἐκείνοις ὡς δοκεῖ.
 βλάβος γὰρ ἔδ' ἐν πίστεως τάδ' ἀγνοεῖν
 ἢν διόφρασας σωτίησι μόνῳ λόγος
 τὰ δ' ἄλλα τοικτότ' ἔπα τῶν προσημάτων
 ἔχου γινῶσιν ἐκ ἀναγκάσαν πάντων
 ἀλλ' ἰσορίων παραγματεῖαν εὐλαβῆ,
 παρδὺν ἐλευθέροισ' ὅπτην δ' ἡμάτος.
 ὁ δ' ἐκ πατρὸς κόλποιο προενέγκας θεῶν
 υἱὸς σωαίδοις ἀληθείας λόγον
 ἀκτιστος αὐτὸς ὢν θεῶν θεὸς λόγος,
 ψεύδῃ τ' ἀφ' ἔθεν ἐκκλησίης ἀμυνέτω
 διὰ πνεύματος ἁγίου διδάξας πάντοτε
 πλὴν ἀπεικείλῳ ψυχικῆς σωτηρίας,
 καὶ ἥς μόνος ἀρέσκειτ' ἀψευδῆς θεός.
 ὦ δὴξ' ἐς αἰῶνων χεῖρας αἰωνίους
 ἐνὶ καὶ μόνῳ καλῶνθινῷ καὶ παγκρατεῖ,
 χριστῷ, δικαίῳ καὶ φιλανθρώπῳ θεῷ,
 πατρὶ ξυὼ ὑεὶ ἁγίῳ τε πνεύματι.

HISTORIA
DE CHRISTI IE-
SV AD MORTEM PRO
GENERE HVMANO ACCES-
sione, dierum ante Pascha sex, & alia indicata
tempora, resque præterea quædam nar-
ratæ, oratione quam recitatione
solenni pronunciauit

M. MARTINVS
Gassarus Plauensis.

Instituto Communitatis studij bona-
rum artium in Acad. Lipsica
4. Id. April. Anno
Christi Iesu

M. D. LXIIL

THE 27th

of the month

of the year

1774

at the

of the

of the

of the

of the

of the

of the

O R A T I O.

CUM & me & alij (libet enim confiteri culpam) cessantibus, in ijs, ad quæ, cum iam præmiolis etiam inuitemur, exercenda vltro incumbere vnumqueng; par erat: Mecum egisset ille, qui adhuc caput est communitalis studij bonarum artium, vt ego aliquid non indignum cognitione liberali compositum, publice recitarem hoc tempore, & quod ordinatione studiorum constitueretur, vt disputationibus publicis, interdum alicuius materie quasi declamatio interponeretur, in eo seruando operam darem, & publicæ auctoritatis & communis vtilitatis, & ipsius quoq; qui hoc peteret, honoris causa: Sane pudebat expectasse me, dum admonerer officij mei, in eo quod & honestum esset, & expediret. Itaque veluti ad secundum quendam cursum incitavi voluntatem meam, vt quod velis non essem assecutus, id remis conarer petendo obtinere, Sumq; cupidissime obsecutus roganti benigne, ei qui pro suo iure prorsus iubere poterat, & nunc, quemadmodum videtis, prodij, vt pronunciarem quædam, cum huic tempori apta, tum per se cognitu neq; iniucunda, & si quis perpendere velit, necessaria, ad exploratam & distinctam expositionem rerum maximarum, quarum his diebus celebratur memoria: Ea est historia, vt scitis, filij Dei patris æterni ὁ γυ σωαΐς, nati in terris hominis

matre virgine, à suis ciuibus comprehensi, & ludibrio habiti, & traditi in cruciatus & mortem. Qui tamen eam cum obisset, deposito in sepulcrum exanimò corpore, tertia die resurrexit uiuus, & ita peruenit ad gloriam regni sempiterni, quam habet perpetuo communem cum aeterno patre in sancti Spiritus cõmunione: Rex & Dominus noster Iesus Christus. Huius igitur, ad exequendum munus & opus absoluendum, quod ipse in se receperat, & ad quod se obtulerat, generis humani scelere peccati sui in interitum prolapsi, salutem & vitam ab initio deprecans à iusticia diuina, & sua intercessione clementiæ benignitatem illi concilians: Eius inquam huc proximam processionem nunc rectissime me esse enarraturum duxi. Est autem vtile & præclarum Ecclesiæ Christi Iesu, qui est cætus eximius venerantium pietate & religione vera Deum aeternū ratione demonstrata ab ipso: huius igitur communitalis diuinæ in terris institutum est & fructuosum & laudabile, vt memoria statis diebus celebretur earum rerum, quas res geri perficique oportuit consilio atq; decreto DEI, ad declarandam sententiam voluntatemq; ipsius, & veritatis cælestis noticiam aperiendam hominibus, & constituendam quasi ciuitatem cælestem in hoc mundo populi peculiaris & clecti ad beatam hæreditatem vitæ sempiternæ. Quid deceat enim magis talem congregationem quam recordando ingentia

gentia beneficia diuinæ clementiæ et benignitatis, prædicare gloriose de autore illorum? Cognitio autem historiæ omnino necessaria est, quia ignotis assentiri fidemque habere potest nemo. Cum autem veritatis cælestis doctrina Dei ipsius sermone patet facta salutis & incolumitatis perpetuæ copiam polliceatur, reconciliata gratia inter Deum æternum & genus humanum, interprete & deprecatore filio Dei, Domino nostro Iesu Christo, cuius hoc est bonum letumque nuncium, & ideo κἀγαθόν græco nomine vocatum: Cumque hæc doctrina iusticiam profiteatur, quæ acquiratur fide, id est, assensione stabili atque firma credentibus, unde & iusticia fidei appellatur: Quid credi & cui credi oporteat ante omnia est tenendum. Habet autem hæc fides propositum solum filium Dei factum hominem, qui est Iesus Christus, qua placuit Deo æterno ex iniustis iustos fieri, & renasci homines ad communionem regni cælestis, eamque ob causam soli huic efficacitas iusticiæ recte tribuitur, & ipsa requirit certe eam fidem, quæ debetur historiæ de hoc Filio liberatore, redemptore, autore salutis & vitæ. Atque haud scio an hac in parte vera assensio, unde non modo dubitatio sed simulatio omnis absit, illam alteram vel semper vel quam sæpiissime complectatur. Hoc enim non fit in multis, nisi penitus obstinata voluntate desperatis, ut Diabolis. Historiæ igitur omnes de filio Dei Domino nostro Iesu Christo studiose sunt

cognoscende, vt certa fidei fundamenta iaciantur,
 & opus extruatur magnificum. Neque temere
 hoc dictum existimandum: Scientia sui iustifica-
 bit ipse seruus meus iustus multos. Placuit au-
 tem D E O rerum istarum omnem humane intel-
 ligentia captum superantium expositionem esse
 simplicem & non elaboratam industria ac studio
 hominum vt veritas aeterna neque callida & fuci
 omnis experte oratione explicaretur, & hoc fir-
 mum: Non est regnum D E I in sermone, sed ἐν
 δυνάμει, & fides maneret religiosa assensio, habe-
 retque hac doctrina magistrum Spiritum sanctū.
 Quae igitur in Ecclesia Christi proponuntur, cum
 fidem audientium requirant, diserte tantummodo
 & secundum sacrarum literarum praescriptum
 consentanea ratione enarranda sunt, vt intelli-
 gentes ea in reliqua cognitione explicationem ve-
 ritatis, quod est opus Spiritus sancti, sequantur.
 Quia autem hoc tempus est feriarum, quibus re-
 petitur memoria rerum complectentium, vt pau-
 lo ante diximus, absolutum redemptionis & libe-
 rationis generis humani opus, secundum pro-
 positum & decretum aeternum misericordis &
 propitij D E I: Ea quae tunc gesta esse diebus
 potissimum continuis sex, quorum mentionem fe-
 cit Iohannes Euangelista, alijs etiam temporibus
 quibusdam indicatis, breui commemoratione, pro
 eo atque tempus feret, sumus exposituri. Mihiq;
 vt de his rebus ad religiosam pietatem pertinenti-
 bus,

tibus, & à studio liberalis cognitionis nequa-
 quam alienis, verba facienti, Generose Domine,
 præstantissimi, ornatiss. opt. & doctiss. viri, vos-
 que adolescentes bonarum artium studiosi, operam
 benigne & libenter dare velitis, cum reuerentia
 & officiose peto. QVAM QVAM autem de
 temporibus atq; diebus anxie & sollicitè quæ-
 stiones, magis vanam curiositatem, quam necessa-
 riam diligentiam habere videantur, cum alibi
 tum vel maxime in doctrina Ecclesiæ, qua sola re-
 ligiosam pietatem, & rerum diuinarum verita-
 tem explicari, nos certo scimus: Temporū tamen
 dierumq; series & distinctio, non illa quidem o-
 stentationem ingenij aut singularis rationis præ se
 ferens, sed in simplici rerum gestarum dispositio-
 ne, vt harum euidentior sit expositio, studium in-
 dustriamq; omnem adhibens, non solum non im-
 probanda, sed magnopere laudanda atq; prædican-
 da est. Nam aut non indicatis prorsus temporibus,
 aut indicatis confuse, quis non videt, quantis
 tenebris omnia, quæ cōmemorantur obrui necesse
 sit? Quod si falsa aut dissentanēa prodantur, iam
 fides labascere, infirmariq; incipit de re vniuersa.
 Etsi autem multe sunt causæ, propter quas ex-
 quisita temporum momenta peruestigari demon-
 strariq; posse desperandum sit, & antiquissimis
 etiam temporibus suspectas fuisse descriptiones
 & definitiones temporum, (παυματείας & πινά-
 κας χρονίας, & χρονίους πίνακας Græci vocant,
 tabulas

tabulas quasdam notatorum temporum, cuius-
 modi Eratosthenem edidisse traditur.) Tales igitur
 designationes etiam comperimus olim adeo
 alicubi non coherere visum esse attentis & do-
 ctis: Quæ quidem, quanquam ita se habent, non
 tamen huius rei cura penitus omitti, neq; à despe-
 ratione quasi ad perpendiculum directæ veritatis,
 in negligentia detortam prauitatem ruendo inci-
 dere aliquis debet, cum in medio sit parabilis co-
 pia, qua recte uti possimus, & cui animaduersio-
 nem & diligentiam studij impendi cõueniat. Quod
 igitur collectum de autorum probatorum scriptis,
 consentaneum in hoc genere esse reperietur, id
 iam certum & firmum omni remota dubitatione
 tenendum est, neq; inculcatione vllius callidæ ra-
 tiocinationis labefactandum. Idque non modo in
 hac parte, sed vbique & semper verum est. Si
 enim à consensione autoritatis & doctrinæ disce-
 datur, sit ut aberrando inter rixas atq; certami-
 na, ad absurdissimas opiniones efferantur ingenia
 parum quieta & animi arrogantes. Collecta au-
 tem illa esse oportet non somniculose neq; oscitan-
 ter, sed maxima assiduitate studij, & nonnullis
 ingenij acuminis, ut ad hoc & diligentia summa,
 & non vulgaris solertia requiratur. Sed ista ha-
 ctenus prænarrata satis sit. Atq; nunc deinceps
 id quod instituim⁹ esse persequamur. P R I M U M
 igitur est in historiæ quorumcunque negotiorum
 & earum rerum quas dilucide & plane exponi
 volumus,

volumus, vel ita saltem, ut vera memorari, non
narrari fabulæ putentur. In talis igitur historiæ
explicatione primum est Annorum, secundum
Mensium & dierum consideratio. Cum autem
propositum sit, de ijs quædam referre, quæ pro-
xime antecesserunt absolutionem operis illius in
terris, quo redemptio & liberatio & saluatio hu-
mani generis perfecta fuit, sua sponte accedente
autore illius Iesu Christo ea loca, ubi sciebat sibi
proditio correptoq; à suis, atrocissimam per sum-
mos cruciatus mortem esse obeundam: Tempus
anni & mensis constituendum est, quo dierum e-
numeratio expeditius progrediatur. Non solum
vero multum adiumenti ad hoc affert, sed in ex-
quirendo & decernendo omnem difficultatem tol-
lit, Caesaris Octauiani nauata opera in spacio anni
determinando, & consequentia mensium dierum-
que ordinanda. Nam inde iam series omnis sine
impedimento procedit, neq; quicquam quasi ob-
struit iter planæ considerationis. Constat autem
Caesari Octauiano, qui cognomen habet Augusti,
successisse Tiberium Neronem priuignum ipsius,
Liuiæ filium, ad quem numerant annos à mundo
creato & condito, qui accuratissime secuti He-
braicorum librorum expositionem, collegisse pu-
tantur, (discrepans enim indicium est in medio)
ter mille, noningentos, septuaginta septem. Hu-
ius autem imperantis populo Romano, & potien-
tis rerum summa annus decimus quintus, cõgruit
cum

tum tricesimo anno ætatis I E S V Christi. Ait e-
 nim Euangelista Lucas : Anno principatus Tibe-
 rij Cesaris decimoquinto , præside in Iudæa Pon-
 tio Pilato , Tetrarcha Galilææ Herode , & fratre
 ipsius tetrarcha Iturææ , & regionis Trachoniti-
 dos , & tetrarcha Lysania Abilenes , summo pon-
 tifice Anna & Caipha , voce æterni D E I Iohan-
 nem filium Zachariæ , esse iussum præconium ubi-
 que facere in regionibus circum Iordanem baptis-
 matus pænitiæ , ad remissionem peccatorum.
 Et tum I E S V M quoq; ad eum venisse , et esse ba-
 ptissatum , annum agentem aut modo egressum tri-
 cesimum. Hoc factum esse persuasum est congre-
 gationi vniuersæ Christianorum , quæ est Ecclesia
 catholica , circiter diem nonarum mensis Ianua-
 rij. De quo cur aliorum argutias curemus caussa
 non est. I E S V M autem baptissatum à Iohanne
 in Iordane , consensu publico receptum est , & de
 expositione Euangelicæ historiæ manifestum fit,
 toto fere triennio declarasse doctrina & factis
 mirabilibus , quod esset Messias , quem Græci
 C H R I S T V M interpretantur , id est , promissus
 à D E O liberator & saluator populi sui. Ita cru-
 ciatus & se indignissimum perpetientis , generi
 humano saluificum supplicium , & gloriosa in æ-
 ternam & immortalem vitam resurrectio I E S V
 Christi , habet annum decimooctauum Tiberij
 Cesaris , quem antiquissimi scriptores Ecclesiastici
 indicarunt , & consensio fidelis retinuit. Neq; au-
 diendi

diendi sunt vllorum artificiosa, aut sagaces commentationes hanc conuellent. Tiberio itaque Cesare regiam quandam dominationem imperij & principatus legitimi nomine Romæ obtinente annum decimumoctauum, cum Antipa tetrarcha iam esset annis viginti vno: quando Pontius Pilatus septem ferme annis præses fuerat, (vniuersi enim anni præturæ huius sunt secundum Iosephum decem) contumacia & odium populi Iudaici & in hoc principum, quod diu meditatū conatumq; fuerat, id tandem effecit, vt ciuis ipsorum, sanguis regius & Dauidica posteritas, peculiaris eorum liberator & salutis autor atque largitor, excruciatu immaniter mortis crudelissimo & execrando supplicio afficeretur. Hoc facinus patratum est, istius anni, qui erit ætatis Iesu tricesimus tertius, completusue an nondum etiam, in medio relinquo, Mense eo, qui Iudæis primus est, vernus ille quidem, nomine ipsorum Nisan, quo & Pascha eos celebrare solenni ritu lex iubebat. Proditus autem fuit Iesus à Iuda Iscariota, magister à discipulo, quem secum familiariter habuerat, & cui non postremi muneris functionem mandarat, & comprehensus extra urbem Hierosolymorum in horto inter ardentes & anxias preces, cum ipse secum luctans atq; animo decertans, cruentis guttis madefieret in solum defluentibus. Hic mensis ad mensem Romanorum Martium congruit. Dies autem ille fuit incli-

inclinatus ad vesperam, quo I E S V S cum disci-
 pulis cœnatus festum illum diem Paschatos egerat. Sed prius quam ad cœtera pergam, quæ ab
 hominibus studiosis literarum sacrarum & lectio-
 ni illarum intentis observata accepimus, edisse-
 ram. Hi igitur animadvertentes ter tantum in E-
 uangelica historia mentionem fieri ætatis I E S V,
 nimirum cum haberet annum secundum, (bimum
 enim in Aegyptum abductum puerum I E S V M
 inde colligunt, quod binos & minores pueros ius-
 sisse Herodem interfici legatur in Matthæo, secun-
 dum tempus, quod exquirendo à Magis cœgno-
 uisset) & cum duodecimum, & cum tricesimū :
 suspicando aliquid in his mentionibus abscondi di-
 gnum consideratione maiore, & quod de futuris
 euentis vaticinaretur, ita cœperunt ea spacia an-
 norum ad istos numeros attribuire, quæ hebdo-
 matica Hebræis appellantur, hebdomade vna cir-
 citer annum vnum signante, quibus spacijs Iubi-
 leos, secundum diuinam ordinationem, confectos
 fuisse scimus. Atque hoc modo vnius anni nobis
 notæ & consuetæ rationis indicium erit annorum
 plus minus quinquaginta, secundum quæ, ex duo-
 rum annorum mentione, fecerunt illi annos nobis
 vñtatos centum. Centum autem annis post I E-
 S V M natum & declaratum Christum, de histo-
 riarum expositione intellexerunt, turbas perni-
 ciosas esse datas in re Ecclesiastica, & in ea, quæ
 eatenus satis quieta & concordiam tutata esset,
 factionum

factionum sectarumq; dissidia extitisse, Ebionis &
 Cerinthi mendacia pluribus amplectentibus, &
 audacius spargentibus. Quinetiam simplex quo-
 rundam assensio, doctrinamq; aliorum reconditam
 & arcanam minus perpendentium, introduxit il-
 lud dogma, de mille annorum regno Christiano-
 rum in terris, vrbe Hierosolymorum instaurata
 & amplificata, ante resurrectionem à morte om-
 nium, & iudicii vltimi sententiam. Quod sanctis-
 simi etiam & doctissimi viri non pauci approba-
 runt, de quibus Iustinum gloriosum martyrem, &
 laudatissimum Episcopum Irenæum nominasse, in
 præsentia satis habuimus. Cadibus etiam & tor-
 mentis impietatis sæuitia tunc crudeliter grassata
 est in Christianos, & indies deinceps procedente
 tempore sincera integritas doctrinæ cælestis ma-
 gis atq; magis labefactata fuit. Sed secundum ra-
 tionem illam hebdomaticorum annorum, duode-
 cim indicarent sescentos, quibus post factum ho-
 minem in terris filium Dei, ex illa horribili tem-
 pestate antichristi dogmatis, cuius autor & disse-
 minator fuit Mahometa Sarracenus, quantam Ec-
 clesiastica res calamitatem accepit? Quantum er-
 roris, falsitatis, peruersitatis, deniq; infelicitatis
 & miserie, vbique doctrinam veritatis cælestis,
 & sinceram venerationem Dei æterni inuasit?
 Quæ longo sane tempore mala cumolata sic cre-
 uerunt, vt iam Scythica barbaria maximæ orbis
 terrarum partis imperio potiatur, & ludibria

superstitionum per Dei æterni & hominum contemtum cumulatam iam dudum fœdas ruinas & labeſ faciant. Neglecto autem studio veritatis cœlestis & nitente contumacia aduerſus iuſtiſſimas repræhenſiones, & ad ſtabilienda ea, quæ neq; re neq; ſpecie magis cohærent atq; fundantur, arma quoq; expediente, quo peruentum ſit, ante oculos eſt, & noſtra ætas experiri cœpit. Nam iſta, vt metuendum eſt, quamuis grauiatq; triſtia, quæ aliquot iam annis acciderunt, initium quoddam ſunt arumnarum, quas illam hebdomaticam rationem portendere de prioribus coniicere licet. Cum triginta anni ſecundum hanc porrigrantur ad annos mille quingentos. Reliquum autem tempus pertinet ſcilicet ad Ieſu Chriſti aduentum, pijs optatum atq; latum, impijs horribilem & fugiendum. Cuius numerus, quo notetur aut præ ſignificetur, nullus extat, vt impendere illud exiſtimari poſſit ac debeat. Sed de his plus verborum modo faciendum non eſt. Redeat igitur eo, vnde diſceſſit oratio. In cuius anni quem menſem ex ſcriptis ſacris, & probatorum autorum, incidere tempus ſalutare generi humano, cruciatuum, mortis et ad æternam vitam reſurrektionis Ieſu Chriſti, demonſtretur, eſt à nobis oſtenſum. Nam decimus oſtuus annus principis Tiberij, mundi, ſecundum ſupra indicatum à nobis tempus, erit ter milleſimus noningentefimus nonageſimus quintus. Ab vrbe condita, ſeptingentefimus oſtuageſimus quartus.

Menſis

Mensis autem, quo Paschatos festum diem Iudæos celebrare oportuisse scimus, vernus fuit, quadrans ad Martium Romanorum. Ante eum igitur diem, quo Iesus Christus illam ijs feriis ultimam in terra cœnam cum discipulis suis est cœnatus, die sexto Iohannes Euangelista Betaniam eum venisse scripsit, & ibi conuiuium acceptum esse. Hunc, ut opinor, recte ponemus fuisse Mensis Iudaici diem nonum, & Romani decimumnonum, ante decimumquartum Calendas Aprilis. Iubebantur enim lege Mosaica Iudæi decimo die Mensis Nisan agnum eligere, qui mactaretur feriis paschali-
 bus. Atq; tunc præparationem illarum ordiri eos cœpisse, & visitasse lautius credibile est. Quando & Betania conuiuium celebratum fuit, die primo hebdomados Iudaicæ, id est, sabbato, Christianæ septimo. Veniebat autem singulis dieb. in templum Hierosolymitanum I E S V S, & ibi aliquanto magis assidue & maiore frequentia docebat. Quid autem factum his diebus, & quæ illorum consequentia sit, sic deinceps, id quod propositum est, exequentes, explicabimus, ut accurata consideratio, & non contemnendum studium diligentia adhibitum esse appareat. Quod si quis aliter hæc putauerit designanda, in eo sententia ipsius abundet, iudicium quidem æquum est, esse penes veritatis & pietatis amantes. Postero igitur die, intrauit Hierosolyma I E S V S cum veheretur asina. Primo illo Christianæ hebdomados,

quem dominicum Ecclesiasticus sermo nominat,
 & Iudaicæ secundo, cum iam vnguenti effusio ad
 proditiōe sarcinendum damnum Iudæ auarum &
 infidelem animum commouisset. Cum autem Iesus
 singulis illis diebus sex Bethaniam Hierosolymis
 reuerteretur, & ad montem, cui ab oliui cognomen
 impositum esset, veluti lateret. (Nam illic
 vicum Bethaniæ fuisse perhibetur, distantem Hierosolymis
 passuum millibus duobus.) Neq; apud
 eosdem eum semper conuiuiam, & vnguentum
 non semel profusum fuisse credi possit, cum Mat-
 thæus et Marcus duobus diebus, id de vnguento,
 quod diximus, memorent accidisse in domo Simo-
 nis ante Paschatos ferias, quæ ἀζύμων nomine in-
 dicabantur, quod pane sine fermento tunc vesci
 illos oporteret. Simonem autem illum vocat histo-
 ria leprosum, liberatum aliquando, vt perhibetur,
 fæditate morbi istius à Iesu. Neq; defuerunt,
 qui illum fuisse patrem Lassari traderent, ita ha-
 buisset hic filias vel certe priuignas Martham &
 Mariam. Sed in his perquirendis tempus terendū
 non est. Quod autem vnguentum illud Nardi pi-
 sticæ fuisse scripsit Marcus admodum preciosum,
 vel nomine eximia species Nardi indicatur, vel si-
 gnificatur sinceræ integritatis Nardus, cum men-
 tio etiam fiat ῥόδον ἀγρόν. Vel (id quod diligentes
 quidam ingeniosiq; & docti animaduverterunt, mi-
 hiq; valde arridet) Latini nominis ista est corru-
 ptela. Neq; aliud significatur quam illud vnguen-
 tum

tum fuisse compositione exquisita factum de spiciis Nardi. Hoc igitur preciosum scilicet vnguentum fuit Nardi spicata seu spicarum Nardi. Et ipsum Mariam vase attulisse, quod Alabastrum ceteri Græci, Athenienses Alabastrum, ansis carens appellarunt, & confracto illo profudisse vnguentum Marcus scripsit. Cum autem aduentantis Iesu fama excitasset totam urbem Hierosolymorum: scripsit Iohannes cum baijs obuiam processisse multitudinem, & illa leta atque festa acclamatione eum excepisse. Sunt autem baiæ proprie rami arboris palmæ, cum alij simpliciter ramorum ex arboribus decerptorum meminerint. Sed & Iohannes alia tum memorabilia dicta & facta Iesu prolixè descripsit, quæ non illa quidem à me hoc tempore retensenda, sed ab vnoquoq; qui Christianum perhiberi se voluerit, perpetuo recordanda atque commentanda sunt. TERTIO Iudaicæ hebdomados & Christianæ secundo die, videtur id factum esse, quod de ficu commemoratur à Matthæo & Marco. In quartum autem diem Iudaicæ hebdomados, qui erit Christianæ tertius, conferri apte posse crediderim Pharisaicum consilium de IESU è medio tollendo, & remouendo molestiam doctrinæ aduersantis cupiditatibus ipsorum, vnâ cum autore et magistro. Et fortasse cœnam iterum Betaniæ, cuius Matthæus & Marcus mentionem facit. Atq; ita in quintum Iudaicæ hebdomados & quartum Christianæ diem, deferretur pactum

conuentum proditiōis, et Iudæ voluntate peruer-
 sa, animoq; deprauato cū suo detrimento vnguēti
 effusione, et Pharisæica indignatione aucta et odio
 irritato, concursu ad Iesum, & studio erga illum
 singulari multitudinis. Hic proxime dies ferias
 Paschatos antecedit, qua serie sextus dies hebdo-
 mados Iudaicæ et quintus Christianæ habebit Pa-
 schatos ferias celebratas à Iesu, id est, cœnam do-
 minicam, & comprehensionem ipsius noctu, cum
 dimisso proditore, post amoris & solliciti respectus
 plenos sermones cum suis discipulis habitos, exis-
 set in eum hortum precandi gratia, quo solere
 eum venire proditor non ignorabat, adductis ex
 omnium numero discipulis tantum tribus. Omnino
 cœnam illam fuisse Iesu Christi in terra cum disci-
 pulis vniuersis ultimam, plane est indicatum. Et
 Iohannes non obscure significat datam hanc esse
 pridie feriarum Paschatos, quemadmodum tunc
 cōmuniter celebrarentur. Quidam anticipasse ce-
 lebritatem feriarum illarum Iesum volunt, & ser-
 uasse verum tempus, cum vulgo vno hoc die lon-
 gius produceretur. Sane fuisse tum, & concurrisse
 & consequentes fuisse dies festos plures perspicuū
 est. Et non fuerit, ut opinor, impia cogitatio, vo-
 luisse Iesum cum suis discipulis pridie feriarum
 Paschatos festiuias illas epulas institui, ut verus
 ipse agnus, qui tollit peccata mundi, ipso die festo
 mactaretur. Atq; nullus ex quatuor Euangelistis
 mentionem cœnæ omisit, de legitimis autem obser-
 uatio-

uationibus in agno comedendo, nihil addidisse eos videmus. Sed de his queri plura à nobis non est necesse, vel nunc certe non opportunum. Proditus igitur fuit osculo, & captus Iesus illa nocte, post pauorem & horrorem & tristitiam animi, (quæ neq; fando exprimi neq; cogitando percipi possit) cum sudor cruentus de corpore ipsius in terram grandibus guttis manasset, inter anxias preces et consolationem angeli, & suorum defatigationem & tantarum rerum incuriam. Horti quidem locum indicat Iohannes, qui esset ultra torrentem cedrorum, quemadmodum scriptura edita est, cum fieri potuerit, ut hæc deprauaretur, inculcato articulo, ubi esset in archetypo, ἀέγαν τὸν χειμᾶνον χερσὶν. Nam illic fuisse hoc cuiusdam torrentis nomen constat, vel crepidinis vallium inter urbem Hierosolyma & montem, qui Oliueti nomen habuit, secundum Iosephum. Matthæus etiam et Marcus fundi nomen adiecerunt Gethsemare, & Lucas viciniam montis oliuarum. Huius iam noctis spacium complectitur ea, quæ de comprehenso, ludibrioq; habito, & crudeliter afflicto I E S V, antequam Præsidi ille traderetur, quæq; alia tunc dicta & facta copiose extant apud autores Evangelicæ historiæ, quorum illa scriptis fideliter exponentibus, rectius omnia, quam me recensente cognoscentur. Nostra autem dierum enumeratio ad sextum iam peruenit hebdomados Christianæ diem, & septimum Iudaicæ, quo cruci affixus est


deberent, eo ipso necessaria ad victum & cultum
 præparanda essent. Sequitur sabbatum igitur Iu-
 daicum, primus dies hebdomados populi illius, &
 septimus Christianæ, quo I E S V S Christus quie-
 uit in sepulcro. Hoc est triduum, quo secundum
 D E I aeterni voluntatem & consilium, I E S V
 Christi exanimus corpus in sepulcro iacere, &
 ipsum descendere ad loca infera, quæ orci nomine
 indicantur, oportuit, ut tertio die excitatus po-
 tentia diuina, ascenderet in cælum, & in eius re-
 gni sublimi celsitate collocaretur, cuius sub ditio-
 ne & potestate subiecta sunt omnia, genuaq; fle-
 ctuntur ad maiestatem nominis ipsius *ἐπεταρίων ἡ
 δυνείων ἡ καταχθονίων*, ut scripsit apostolus Pau-
 lus Philippensibus. Sepultum autem corpus I E-
 S V fuit studio operaq; Iosephi Arimathæensis &
 Nicodemi Pharisei, cum piarum & religiosarum
 fœminarum cœtus diligenter & attente spectaret
 notaretq; locum sepulturæ, quod studerent mor-
 tuo & sepulto quoque præstari officium pietatis
 suæ, vnguendo corpus ipsius ritu populorum illo-
 rum. Sane eorum, qui tunc curarunt & executi
 sunt sepulturam illam, mirari liceat confidentem
 & propemodum audacem pietatem, qui neq; du-
 bitarent, aut vererentur interpellare magistratū
 de eo, quem ut seditiosum seruili supplicio affecif-
 sent, neq; metuerent hominis mortui corpus tan-
 gere, contra edictum legitimum, quo iuberetur
 diebus totis septem; pro non mundo haberi is, qui

cadaver attigisset, cum feriæ illæ solennes in manibus essent, quarum causa ne prætorium quidem ingredi Pontifices voluissent, ne contaminarentur, sed ut comederent agnum paschalem. Atque inter hæc ad Pilatum etiam ventum est cum petitione, ut custodiretur sepulcrum, quod metueretur fraus à I E S U discipulis. Atque impetrarunt quidem illi facile custodum copiam à præside, non abstulit autem dolus aliquorum corpus mortui, sed potentia diuina sepulcrum Iesum post mortem excitauit, & ipse ad vitam de morte resurrexit. Iustinus Martyr etiam scripsit, ex Iudæis tunc fuisse electos quosdam præcipuos viros, & in omnes partes orbis terrarum dimissos, cum mandatis, ut famam corporis Iesu discipulis furtim ablatis, dispergerent atque confirmarent, et præmonerent vniuersos, ut cauere errores nouæ illius sectæ, quæ introduceretur à θεός xpi ἀνομος, ut ipse loquitur, xpi ἀνόμιος. Hic autem latissimus & maxime omnium festus Christianorum, qui sunt fideles domino suo vnico Iesu Christo, dies, quo resurrexit hic ad gloriam immortalitatis & regni sempiterni, est secundus dies hebdomados Iudæicæ, & Christianæ primus. Inde enim illi suos dies septem, & nos hinc nostros numerare & orinare incipimus, qui sequitur sabbatum Iudaicum. Et est hæc iam consequentia dierum diserta expositione autorum Euangelicæ historiæ indicata, ut nulla dubitationis causa relinquatur, totum negotium

gotium ita gestum confectumq; fuisse, quemadmodum oportuerit secundum Dei æterni immutabilem sententiam, demonstratam illam quidem sacrorum librorum prædictionibus. Nam pridie eius diei, cuius parasceues nomen, cœnam ultimam est cœnatus homo mortalis filius Dei in terris. Et initio huius noctu (sic enim ut scimus, ordiuntur diem, id est, *τοῦ ἡμετέριου* Iudæi) proditus atq; comprehensus, & luce clara meridie, sublatus in crucem, & vespere refixus est ac depositus in sepulcrum, vbi toto & integro die sabbati quieuit, & postero die resurrexit viuus, quem vocant primum diem et vnam sabbatorum. Illud autem sabbatum non ignorare debemus incidisse in septem dierum paschales tunc ferias, Sic, tempore feriarum ut dies ille quotuscunq; sane includeretur. Atq; hæc omnia, quemadmodum nostra recitatione commemorata distinctaq; sunt, quo eidentius perfici, & percipi certius possint, descripta etiam atq; serie sua disposita, visum est oculis conspectuiq; vestro exhibere contemplanda & noscenda, quæ consideratione diligente perpensa, vel approbarentur, vel, si quis veriora explorasset, emenderentur. His autem iam pro nostra intelligentia, studio religioso enarratis, historiaq; breuiter indicata potius quam explicata, proxima ad absoluentum opus redemptionis generis humani, accessionis de cœnato cum discipulis suis, prodito, comprehenso, crucifixo, mortuo, sepulto, & rursum
resur-

resurrectione de morte uiuo , neque vnquam ite-
 rum morituro I E S V Christo, & ordine totius
 negocij demonstrato : restat hoc scilicet , vt tota
 mente precemur, esse nos & permanere in nume-
 ro eorum, quos seipsum precium impendens et ho-
 stiam offerens pro peccatis nostris redemit à mor-
 te, placata ira patris filius D E I aeterni, & redu-
 xit ad vitam, ipse ad hanc resurrectionis princeps
 & effector , vtq; ad nos quoq; pertineat ac deri-
 uetur aspersio sanguinis eius omnes maculas ac
 sordes viciorum atq; peccatorum abluentis, vtq;
 crucifixorum cum ipso moriatur cupiditatum pra-
 uarum impetus & corpus , in quo peccatum effi-
 cax est, deniq; vt peremto homine vetere & ma-
 lo denuo suscitetur iusticia nostra , & reuiscat
 homo nouus in spiritu & veritate colens , ado-
 rans, venerans D E V M patrem I E S V Christi,
 opitulatore & aduocato Spiritu sancto, vtq; post
 hanc terrenam vitam resurgamus cum omnibus
 C H R I S T I fidelibus, restitutis diuina omni-
 potentia corporibus , ad adeundam promissam in
 C H R I S T O hereditatem, in vere beata vita
 felicitatis perpetuae & sempiternae

Amen, D I X I.



ΔΔ. Παρυ- τάω- I.VII. σία βα- χεις ⁸ κ ³ τον: ξινοδοχία ἐν βηθα- νία.	Iudaici Nissan	Romani Martij		XIIII. APRIL.
	9	19	6	
Κυρια I. τὰ 2. κή βία.	10	20	5	XIII.
3. II. ἡ συ- κῆ.	11	21	4	XII.
4. III. σωμί- δριον 18 δαίκον κ ³ δειπ- νον ἐν βηθανία.	12	22	3	XI.
5. IIII. πξοδο- σίας σινθήκη.	13	23	2	X.
6. V. δειπ- νον κυριακόν καὶ σύλληψις.	14	24	1	IX.
7. VI. Πά- θω κ ³ ταύ- ρωσις.	15	25	PAS Πανσί- ληνος.	CHA. ἰσημερία. VIII.
τάω- VII. ἁ- βα. I. τάπαν- ται σις ἐν τῷ τάφω	16	26		VII.
κν. 2. I. Ανά- ριακή. τασις.	17	27		VI.

